


## BUFWĪKÍGWE 4

 Nkundwe Neville, kangi pamūsi panunu, namayolo, ndigi, ku bīnítu abapala, uswe tuli basangalufu ukugomokela kuno nkipānga ikilo iki. Kulūngwīle panini, kangi popāpo uswe tukugelaga ukuya bēngo itolo nakalinga mūmo tubagilīle, ukubūka itolo ukutalula mu Ndumi.

Ikyākwānda, uswe tuli nafyo fimo ifyakufumusya ukuti tubōmbe, kangī u—u busūme ubwa palubafu. Une ndinabo abakalata bīnu nkati kunyuma kula, aba bapēgígwe, kangī ugwa kalumbu uyu ikwīpilika umwēne ali ni lyūlu mu bōngo. Kangī ālipo uyīngi mu Louisville; kangī uyūngi unkundwe gwa ndumbulīli, u gwīse ali nukutikigwa kwa ndumbula; kangī balipo bingi, bingi abāndu ababine nkīsu umwīsyūgu. Bingi bikukōléla mula kangu uswe nalōli tukwīputīla abēne ni ndumbula syītu syōsa, ukuti Kyāla isakututūlāga uswe.

Kingi kifuki malongo-mahano-na-mana-na-bana mwa mia bwa butumigwe bwāngu bo bwīla ikyo, ukwīputīla ababine, umwe muketile, lōli une—une itolo nāli mu luko lwakuya—mu luko lwakuya nubukētelo ukuti... Une ngāli ngwīputīla ababine, lilino, kumbukilāga ikyo. Ikyo kikubūka kulakula nkyēni ni kyēne. Lōli, o, linga uswe tubagīle ukukitwāla i—i kipānga kūko kikwitūgasyāga mbuyo, polelo, nukukitwāla ndubātiko ukuti uswe tubagīle ukubūka ku mbombo, umwe muketile. Ukubagile ukuya bipānganie, muketile, ukubūka filifoyosa palikimo.

Ikindukimo ikingi itolo kitikīle indumbula yangu, akabalilo kanini aka kakindilepo. Ako ko kabalilo kāko unnini ugwaiyolo unnyambala umfumakubwīte, lumu lwa ngongi syāke kifiku ukutusulilīgwa, ikilūndu kifuki ukutusulilīgwa. Umwēne akaya apa mma ukupilikisya kwa une itolo lilino. Lōli u nsōka gwanaloliloli gwa mwīnitu, ni ngamu ya Roy Roberson, kangī yumo gwa bakyungakyuma apa pa kipānga, kangī yumo unnunu unnyāmbāla Nkristi. Umwene ākatile amakato itolo pala, kangī alinkuti, “Nkundwe Branham, komma ukummwibwa u Pulezidenti.” Alinkuti, “Ikyēne kyālimbelīle ukwīpilika ukuya nsulumanie akabalilo kāko umwēne akataga amakato,” āketile pa senema, “umwēne ikusuluka pa makato ga ndēge, amāsosi gikusuluka mmasaya gāke, kangī undomo gwāke kuniongalila mūmbafu.” Umwe mumenye, umwēne ali palapala ukukilania kula na Roy na bala, nkati mula—mula mbwīte.

Kali linga ugwe kukīndāna nagwe mu ndyāli, umwēne pópe yo Pulezidenti gwītu. Ena, nkulumba. Kwa une, une—une ngaya muDemocrat pamo muRepublican. Une ne Nkristi. Lōli une—une ngukubūla ugwe, une naloliloli nāli nu luyīndiko kwa—kwa

Pulezidenti Dwight Eisenhower. Nkulumba, umwēne naloliloli afumile pakuya nnyāmbála unkulumba, mu njila yāngu iya—iya kwino gonela. Linga umwēne ikusasaniaga kāngi, kāngi une nayaga kukusala, une angali ngunsala umwēne kāngi. Uko ko kotalusya. Une ndikupāsya linga umwēne āli—linga umwēne āli ni fyīnja mia yumo, une angali ngāli ngunsalaga umwēne. Kangi unko uswe tunkūmbukile umwēne mu nyīpūto syītu ikilo iki.

J. T., une naloliloli ngupālisya ulukomano ulununu lula, mwēsa umwe, umwe nu Nkundwe Willard twāli nalo undungu ugu. Linga une nālīngīle nkati ukufuma pānja, umwe mwēsa mwāyobīle, “Umma ndaga, Nkundwe Branham lilino, ugwe umenye, *gwakuti-na-gwakuti*.” Lōli ikyēne kinunupo itolo ima pānja nukupilikisya kwa umwe, ngimba umwe mutikukēta? Umma ndaga. Popāpo, kinunu fiyo.

Une ndinako ukusūma kwa fipānga fimo, linga umwe mwēsa mukulōnda ifyēne, linga umwe mwītendekīsya ukubūka ukuya ntīmi lilino, linga umwe muli nako ukumanyisigwa. Kangi, iki, une ngwītika umwe muli nako, kāngi musēngēme mōsa pāsī. Une ndinako kumo mu Oregon, fimo mu Washington, California, kāngi Arizona, amabuyo amakīndānekīndāne. Kangi linga ugwe kulōndamo siku ukwēga ikipānga pamo kalikōsa, fiki, papapa apa bo buyo ubununu ukwāndilapo, papapa apa. Kangi gilipo imyōyo gikukūta kulikōsa, kōpe ku bukuyngaji bwa Bamwēnye kāngi kilikyōsa iki ugwe kulōnda ukubūkako. Itolo unko uswe tumanye, panongwa yakuti une ngwītika ukuti umwe balumiana muli ni ngimu lilino. Uko ko kotalusya. Une itolo nkuganile ukubakēta abēne bikubōmba ikyo.

Pala alipo Nkundwe Ruddell pamwanya pala pa nsebwe. Ngubūka kula ukuya nu lukomano panongwa ya mwēne, mmāsiku amanandi aga gakwīsa. Ikuyaga nu lusasano, Nkundwe Ruddell ikuyaga. Kangi une—une ngukūmbukila une nālīsibīle ukungūta umwīnitu unnini yula ukusyūngutīla kulikōsa, ukugela ukumbika umwēne pānja mu liyōko ukulūmbilīla. Umwene ali ilāmwāga fiyo. Umwene āyobāga, “Une ngabagila ukuyoba.” Ugwe kufimbilisigwa ukumpilika umwene. Amenī. Muketile? Ugwe ukamanya iki ugwe ubagīle ukubōmba linga ugwe kummwītikīsya u Mbepo Mwikemo ukububōmbēla ugwe. Uko ko kotalusya.

Kangi Nkundwe Graham Snelling mu Utica, kāngi Nkundwe Junior Jackson pāsī pala. Uswe—uswe tukubēga bōsa ba bēne fyītu ifinini ifipānga filūmbu, itolo na uswe. Uswe twēsa tuli palikimo. Uswe tutikutātīkāna pa manyisyo syītu, pamo isūbīlo syītu ni fyākulōnda, imanyisyo syītu, sili lumolwēne. Uswe tukwīma palikimo, itolo kilikyōsa palikimo. Uswe tuli itolo kipānga kimokyēne. Kangi uswe naloli tukulōnda ukuya nafyo ifyēne fibalanīle mōsa; uswe tuli nafyo fima mu Africa, fimo mu India, kāngi ukusyūngutīla mōsa, ukukilania nkīsū. Uko ko kūko uswe tukulōnda ifyēne, ukubalamisania i Nongwa.

Kangi une ngukēta abīnitu abakeke aba bikufyūka, ngati Nkundwe J. T. Parnell apa, kangī—kangī Nkundwe Willard na bēne, akabalilo kāko abēne bikufyūka, abīnitu abakeke, akabalilo kāko une ngukāngálapo. Linga aliko kilābo, abēne bisakuyaga bo banyāmbala bala aba kilābo. Une ndikulōnda i Ndumi iyi ukuti nasiku yingaffwága. Iyēne itolo yikabagíla. Iyēne yikufimbilisígwa ukukīndilíla nu būmi. Kangi une ndikwītíka uswe tuli na kabalilo akatalipo ukuyitwála Iyēne.

U mwāna unnini uyu abēne bātigi āyága pakufwa, une ngukēta umwe muli nako akēne nkipānga ilisiku lyōsa umwīsyúgu, kalūmbu. Ikyo kyo kinunu fiyo. Uswe tukupálisya u Ntwa panongwa ya ikyo, ukuti u Ntwa yo gwaipyāna, iswíle ni kisa. Itolo umilisyága ukwītíka iki kyābūlígwa ugwe papapa apa, muketile, akēne kikuyaga kanunu mōsa.

Lilino, ngimba umwe mukwīkyéla ukumanyisya? Umwe mukuganile ukumanyisya? [Ikilūndílo kikuyoba, “Ameni.”—Nsimbi.] O, une—une—une naloliloli ngwīnogóna ukwēne kukubōmba uswe ubununu. Ikyēne kikutupapo uswe ubutūsyo ubuníni ukufuma kukwīputíla ababine, ni mboniboni, kangi ulubūmbulusyo Lwamwakyāla. Ena, lilino, ikilo iki uswe. . . Ukufuma pa lukománo, uswe twísakwīpūtíla ababine kāngi, ikilo iki. Uswe akabalilo kōsa tukulōnda ukubōmba ikyo, ukōsya aligwesa akabalilo kalikōsa.

Balinga bikukūmbukila akabalilo kāko une nakētēsýága isāmbó sya magesi? Ena, une nēndíle itolo ukukilania isāmbó sya magesi, utubalilo twīngi, ngufimbilisígwa ukwēnda amamailosi malongo matatu pīsiku ukukīnda mmatēngéle. Une nāli na mamailosi bamia babili na malongo lwele ukwēnda pāsi. Une nālisibíle ukwēnda ukukīnda mula, ishāti mmaboko gāngu, kangī o, ngatēle fiyo, ukwēnda ukukīnda mmatēngele gala, kangu ukutumula imifya igyandeka. Ukwāgána nu ndimi unkāngále nukwītūgásya pāsi pa mpiki nukuyoba ku mwēne ukufwāna nu kōsígwa mu Ngamu ya Yeso. Umwene abagile ukuyoba, “Mulimosa, une akabalilo kosa nālōndága ukōsígwa.”

Une ndikuti, “Ukwēne kukaya kutali fiyo ku kasōko.” Kangi umwēne āyobága. . .

Kangi une nēgíle bīngi ba bēne kulakula pāsi kula nukubōsya abēne mu Ngamu ya Yeso. Ukwēga kulakula pāsi ukukōnga ulusāmbó, itolo nubukafu na mūmo une nābagíle ukubūka. Uko ko kotalusya. Akabalilo kīngi mu fyakufwála fyangu ifyaiyolo ifyākūmbombo, ukumōsya yumo, bo une mfumile itolo ukufuma pa mbānda. Nītūgēsye pamwanya pala ngubōmba ukukilania i mbānda; une nāli nnyāmbala gwa sāmó, kangī, ngubōmba ukukilania i mbānda, nu nnyāmbála, nguyoba ku mwēne isya Ntwa. Umwēne āyobága, “Fiki, Billy, limo mwa masiku aga une ngwisakwīsa ku kipānga kyāko nukōsígwa.”

<sup>2</sup> Une nāyobága, “Nongwa ya fiki ugwe kulōnda ukugūlila mpaka akabalilo kala? Uswe tuli papapa apa pa kisōko, galipo amīsi ga mīngi papapa apa.” Ukubakola abēne papapa lilino. Uko ko kotalusya. Ako ko kabalilo. Filipu ayobīle. . .

<sup>3</sup> Umfuligwe alinkuyoba kwa Filipu, “Apa galipo amīsi, kyo kiliku kikutukānisya uswe?” Uko ko kotalusya. Nakimo. Linga ugwe gwītēndekīsyā, ako ko kabalilo. Komma ukundeka u mōhēsi ukuya nu lusako ukwingisyāmo ikindukimo nkati mula. Komma ukubīkīla kwa kilābo ifindu ifi ugwe gwābagīle ukubōmba umwīsyūgu. Kilābo lūmo atikwīsa kwa ugwe. Une ngukūmbukīla akabalilo kamo une nābōmbīle ikyo, nāmanyīsigwe, kyālimmanyīsyē une akakukumanyīlāpo. Une nākībīkīle ukuya kyakilābo ikindukimo iki une nābagīle ukukibōmba ilisiku limo, kangi ilisiku ilikōnge ukwēne kwāli kwīlīle fiyo.

<sup>4</sup> Lilino, naloliloli une ndinkulōnda ukubakolelēla umwe akabalilo kōsa. Lōli une itolo nguya fiyo—fiyo ndabanisīgwe mōsa, kangi, une ndikumanya, une ngwīpilika itolo kanunu fiyo mpaka une itolo ngufuluganikana nimwēne, kifuki. Une itolo ngwīpilika kanunu fiyo.

<sup>5</sup> Lilino unko uswe twinamisye imitu gyitu itolo pakabalilo ku Lisyu.

<sup>6</sup> Tāta gwītu Gwakumwanya, Ugwe gwe Kyāla gwabūmi, gwābumi akabalilo kōsa. Ilisūba ili itolo līngīle, ilisūba lilalila, Danieli āLikētīle ilyēne akabalilo kāko ilyēne lyālingīle, Yeremiya ālikētīle ilyēne likwīngīla, Adam ālikētīle ilyēne likwīngīla, Yeso ālikētīle ilyēne likwīngīla. Kangi ikyēne kyo kīsu kilakila iki uswe tulimo nu būmi kangi tukwēndamo, kangi Ugwe ukāli gwe Kyāla yulayula.

<sup>7</sup> Ikilo ikifilipo ifyākusūma fīngi. U nnyāmbāla ni lyūlu mu bōngo, u kalūmbu ikutīla ikindu kilakila. Ugwe gwe lusūbīlo lwēne, Ntwa, ulu lulipo pa kila. Ilyūlu lila līsile ukuya lukubalanila, kikayapo nakimo kibagīle ukwīmīkīgwa. Ilyēne lilikubutali kubusita kufikila na maboko ga ngānga. Lōli ikilo iki uswe tukubūka ni fyāta yītu innini, ukubōnga akang’osi akanini kala, ukukatwāla akēne kāngi ku kibaga kya Tāta. Mu Ngamu ya Ntwa Yeso uswe tukotalusya inyīpūto syītu ukuyigoga ingalamu, ilyūlu, ububāle, nubuponosesyō ukubatwāla abēne ku kibāga.

<sup>8</sup> Kangi uswe, Kyala, kumbukilaga ikilo iki u Pulezidenti gwiitu unganigwa, nkundwe, ugwiitu Dwight Eisenhower. Umweene alongwisye ikiisu, Ntwa, umwene agelile ukutupiinga uswe ukufuma ku bwiite. Umweene aafiingile u bwiite bwa ku Korea bukumalikaga linga umwene aali ni ni njila yiliyosa iyi umweene aabagiile. Umweene aafiingile ku ba mama bala umweene ikubatwalaga abalumiana bala ukugomokako. Loli umwene aayobile, “Kuli une ukuti mboombe ikyeene,

une ngabagila ukuboomba ikyeene. Une mbagiile ukubiika ukugela kwaangu, loli Kyala mweene isakufiimbilisigwaga ukuboomba ikyeene.” Kangi Ugwe gwaali nu mweene, Ntwa, kangi lilino ubweene bumaliike. Nongwa ya fiku abeene baatoligwaga ukukibona ikyo ukwanda nukwaanda itolo? Kyaala, une ngusuuma ukuti Ugwe kuntuulaga umweene. Sayaga u moyo unkifu gula, Ntwa. Kangi uswe tukusuma ukuti Ugwe kutusalilaga uswe abaloongosi aba bikwiisa. Ukubiikiligwa ngaani kwisakuboombigwa, Ntwa.

<sup>9</sup> Loli Yula yuuyo uswe tufumbilwe fiyo ikilo iki, palubafu lwa fyaakuboomba fyaakikolo fyitu, yo unkulumba ugwalwimiko Yula uyu ikwiisa ukupaangania i Kitangalala iki kitisakuya nu bumalikisyo, u Ntwa Yeso, u Mwanundumiana Gwako. Polelo abeene bisakuluundika ifilwiilo, inyimbo sisakukubigwaga kangi kula kutisakuyako ubwiite kangi mma. Abeene bisakubyaalaga imiguunda gya mipesa nukulya ifipaso ukufuma mu gyeene. Abeene bisakuyeengaga inyumba, ukwiingilamo isyeene. Kangi kula kutisakuyamo kangi mma ulutamia polelo ukufuma pala.

<sup>10</sup> Sayaga uswe lilino bo uswe tukusegelela i Lisyu. Kangi, Tata, Ugwe umeenye inongwa iyi une ngusegelela i Lisyu ukufuma ku Lisimbo lilili ili pa. Iyeene yo nongwa yakuti une—une ngwiipilika ukuti Ugwe kuloonda une ukuboomba ikyeene mu njila iyi, ukuti ubweene bo bwiigane Bwaako Mwabunyakyala, ubweene bo bulagili Bwaako, ubweene bo...ubweene bo bulagili bwa lisiku, ukubaleka abaanda aba ukwaaga pabenenapabene ukubwaaga ubuyo bwaabo nukwiiteendekesya ku sala ya bwiite. Bo muumo unkundwe gwiiu aayobile mu lwiiputo kwa Ugwe pakaya patali mma, “O, ugwe utumanyisye uswe akabalilo katali, Ntwa.” Lilino, Tata, tupaga uswe amabuyo giitu. Tubiikaga uswe paanja pala ku iki uswe tubagilile ukuboomba, ukuti uswe tubagiile ukuya kifuki ni mbobo ya Tata. Kabuno uswe tukusuma ikyene mu Ngamu ya Yeso, Mwanundumiana Gwako. Ameni.

<sup>11</sup> Naali na pamuusi apanunu pamusi ugu, nguyoba ku ngaanga umfumuke mu Louisville, u naasi gwaake. Abeene baapilike isya findu fyaalwiimiko ifya Ntwa. Kangi ugwiise aali ngaanga. Kangi umweene aalisileko kuno nukwituugasya nkyumba kyaangu pamusi pakabalilopo, itolo ukwiisamo mula, ukwisamo itolo. U mūndu unnunu; unkafupo panini ndigi, umwe mumenye, luko lwa nkafupo, gwa Presbeteri gwanaloliloli ukwaanda itolo, loli alinkusookamo na maasosi gikusulula mmasaya gaake. O, une...Kyaala ali nabo abeene biimikiigwe kulikoosa, mmabuyo gakuboombela mbombo bagaanga, mu baanaasi. Une ndikusubila alipo naasi mu Nkipatala kya Bonywa kya Norton uyu une ngayobileko ku beene isya kuya nu Mbepo Mwikemo, nukunsuuma umweene linga umweene

aalyoosigwe mu Ngamu ya Yeso. Nayumo ungaanga uyu une naagenemo nagwe, kulikosa, pamo nakim- . . . Muketile?

<sup>12</sup> Ukubabula abeene ukufwana ni Kyene. Uswe tukaya akabalilo kamo mma, nkundwe. Kali ikyeene kikuboneka kikafu bulebule apa, itolo guulila ugwe kukilania ulutuyo ulwabumalikisyo lula pisiilya nukukêta, polelo ugwe kwisakwiganaga angali ugwe uboombile ikyêne. Éna, nkulumba. Komma ukugülila mpaka akabalilo kala, unko uswe tuboombe ikyêne lilino. Iyi yo sala. O, abêne babagile ukukânikana, nukusôka ilyôsi nukûmana panini isya ikyêne, loli abeene batikusanusya ikyêne. Looli abêne naloliloli batikusanusania ikyêne. Abêne—abêne—abêne bali kanunu. Abêne bikukiindilila ukuumana kwa ugwe, itolo—itolu kumbukilaga, abêne—abêne naloliloli batikusanusya ikyêne mma. Abêne batikusanusya ikyêne. Abêne itolo lumu bamanyisiigwe ikindukimo kangî abêne itolo bikwiibanilila ku kyêne, popâpo—popâpo ugwe ubagiile ukukêta ifuundo yaabo. Komma ukuumana nabo abeene mma, komma ukuumana na aligweesa, loli itolo baganaga abeene itolo mu Kyêne. Polelo biiputilaga abeene.

<sup>13</sup> Éna, une gwiinogona uswe twaafikile paasi ku linandi lya 9, une ngasisimikisya mma. Uko ko kubutali ukufuma kuntu gwa 3, bule ukwene, banyaambala? Loli o, Ulwêne lo luuki mu lyalabwe, kwa une! Uswe twaayobaga lilino, kumbukilaga, ukuti uswe tubagiile ukufika ku lwâlo ulunini kangî. Kangî lilino, Nkundwe Neville, ugwe—ugwe ngwaabe une panini itolo lilino linga une ngutoligwa ukukêta akabalilo kakumalika, ukuti une magiile ukuya nu lwiiputo kuli ababine. Uswe tukuloonda ukwaga akapatu kalikoosa uswe tubagiile. Kangî ikilo iki une nguloonda ukukoolela kwa pakigemo. Une . . . Ngumaliisya pa iki kiikyone une mbagiile itolo ukubalala aga gasyeelé aga ikyeene.

<sup>14</sup> Loli ifuundo ya iki, yo, ukububona ubuyo bwaako mwa Kristi, ukukeeta ukuti ikyeene kikaya kindukimo ikyakuti ugwe kugwiilamo itolo, pamo ikindukimo iki lumu kyaali. . . ugwe gwaboombiile imbombo pabuyobumo, looli ikyeene kyo iki Kyala aaboombelile ugwe, Mweene. Komma ukuti ugwe gwaali nnunu fiyo mpaka ugwe gwaabuukile ku kipanga ikilo kimo, ukuti unkundwe umpelakisa yumo aakuloongoliile ugwe ku kigemo. Kangî ikyeene kikaali ikyo mma. Ikyeene aali Kyala, bo lukaaligwa ulwaalo lwa kisu, aakubiikile ngaani ugwe ku Bumi Bwasypwa. Akabalilo kaako ugwe kufika kula ilisiku lila, kisita kuswiiga amalaongo mana. . . abakulumba malongo mabili nab ana balinkufuula ingiga syaabo, aligwesa alinkufuulila paasi ingiga syaabo, aligwesa alinkugwisya paasi ifisyo fyaabo, abeene bakaali nako na kamokene akakuyoba, undumbilili nayumo, unkulumba nayumo, nakimo umma. Ulutuufyo loosa kwa Kang'osi! Kyala isakubuungania mwa Umweene ifindu fyoosa ilisiku lila. O,

linga uswe tukumanyangamo siku nikummwaagania Yuyo yula Yuyo aali abeene bakomeliile. Lilino pa . . .

15 Uswe tukwaanda pa linandi lya 8, ukweege ulwaalo lunini.

*Mulamula umwene abobile ukwiisusya kubwa uswe mmahala goosa na mahala;*

*Bo umweene atumanyisye kwa uswe ifyakubutitu fya bwiigane bwiitu, . . .*

16 “Ikyakubutiitu kya bwiigane Bwaake.” Kangi kumbukilaga muumo uswe twasyeele pa ikyo? Balinga baali apa ulubunju ulu, unko uswe tukeete. Mumo uswe twasyeele pa ikyo, “ikyakubutiitu kya bwiigane Bwaake.” Lilino, ikyeene kikaya itolo akaandu akanini, polelo ikyeene kyo kyakubutiitu. U bwiigane bwa Kyala bo kyakubutiitu. Kangi umuundu aligweesa ikufimbilisigwa ukuloondesa u bwiigane bwa Kyala pa mwene unnyambala pamo pamwene unkiikulu, ikyakubutiitu kya Kyala.

17 Ngimba uswe tukusyaagania bulebule? Pauli, ikyeene kyamanyisiigwe ku mweene. Umweene aayobile ukuti umweene akaalaalusisye ku muundu aligweesa, nagumo umbili pamo ililopa. Umweene akaabuukile ku sukulu nayimo, iseminale nayimo. Umweene akaali nakyo nakimo ukubomba ni kyeene. Loli umwene . . . Ikyeene kyaasetuliigwe ku mwene na Yeso Kristi, Uyu aalyagene nagwe pa nsebwe gwakubuka ku Damaska, nkati mu—mu Lumuli ngati Mbanda ya Moto, kangi Ulwene lulinkunkoolela umweene. Kangi umweene alinkubuuka ku Arabia, kangi kula umweene alinkwituugasya ifyiinja fitatu. O, ngimba ugwe utikwiinogonela kala kaali kabalilo kamo, Nkundwe Egan? Ifyiinja fitatu Pauli paasi kula mu Arabia, iyasimile akayumba kamo akanini pa buyobumo, ikweenda kweenda pa kipaalo, ni finienga fyoosa ifyaiyolo. Abeene bakaali nafyo ifipya; Pauli yo aasimbile ifyeene, fiyofiyo. Mulamula mu finienga ifi, mumo fikuti Kyala, ku bwaandilo, aatubiikiile ngaani uswe ku Bumi Bwasypwa. Mumo fikuti Umweene ayaga pakutuma Yeso, ukuti ukwisila mu Likemo ili uswe tweesa tukuyaga nu bwaabuke ku Mpiki gwa Bumi. “Bala baabo Umweene aabamanyiile ngaani, Umweene alinkukoolela; bala baabo Umweene aakoolile, Umweene atalile aalitikisye; bala baabo Umweene aalitikisye, Umweene atalile iimiike.” Kyala, ukufuma ku bwaandilo bwa kiisu, aatubiikiile ngaani uswe ku bwiimikigwe bwa banabalumiana. Lilino ikipeligwa kyoosa kikukoloma, ukuguulila ku bubonekelo bwa banabalumiana ba Kyala. O, une mbagiile ukwinogonela Pauli aali na kabalilo akanunu. Une ngunyonywa angali ndinagwe kula nu mweene. Bule ugwe?

18 Lilino umweene alinkuyoba, “Umweene aateendike ukuti tumanye uswe ikyakubutiitu.” Ega u Mbepo Mwikemo pa ugwe akabalilo kamo, kangi anda ukubopesya Ikyo kangi

keetesya muumo Ikyeene kikubukilaga. Pamusi apa une naali, o, kifuki amaminiti malongo matatu ukufuunda, itolo ukukeetesyaamo ikimanyilo kabilikosa; lumo mma, une nguyobaga sinda gwa ikyo, amaminiti kalongo na mahano pakati pa tubalilo uto. Kangi une ndinkwaanda ukubopesya, kangi une ndinkwinogona, “Ikyakubutiitu, kyo kyakubutiitu bule!” Kangi i Lisimbo lilinkumbipa une ukugomokela mu Lwitikano Ulukulu, polelo ukugomokela mu Lwitikano Ulupya; ndikupinya ikindukimo palikimo, ukukeeta ikyakubutiitu kya Kwisa Kwaake, ikyakubutiitu kya bwiigane Bwaake, ikyakubutiitu kya uswe ukwituugasya palikimo. Kumbukilaga, ikyeene kikabagila ukumanyisigwa mu sukulu ya seminale. Ikyeene kyo kyakubutiitu. Ugwe ukabagila ukukimanya ikyeene nu bumanyi, nu bufundakyala. Ikyeene kyo kyaakubutiitu iki kyaafisigwe ukufuma ku lwaalo lwa kiisu, kikuguulila ububonekelo bwa banabalumiana ba Kyala.

<sup>19</sup> Mbula une, nkundwe gwangu, mbula une, kalumbu gwangu, ngima ko kabalilo kaki aka abanabalumiana ba Kyala bayangamo siku ukubonekela panja pa kabalilo aka lilino? Ngimba ko kabalilo kaki aka kaalimo siku mu syaambukulu, abeene bayaga pakubonekela akabalilo akakuponesya ikipeligwa kyoosa? Ikipeligwa, ikipeligwa kyeene kikukoloma, kikuguulila ku kabalilo ka bubonekelo. Fiki, bo ubohumbe bukateendekigwa, bo u Mbepo Mwikemo akoneleligwamo siku panja, bo loosa u—loosa u Lwitikano Ulukulu, ukukiindilila paasi pala, kula kukaabagiile ukuyako ububonekelo. Ubweene bulinkufimobilisigwa ukuguulila akabalilo aka. Lilino ifindu fyooa fitwaaaligwe, fikwiisa, fikwibuumbila mmwanya ku libwe lya pantu, ku bubonekelo bwa banabalumiana ba Kyala ukwisa kangi, kangi u Mbepo gwa Kyala ikwisa mu bandu aba, nubupelelesye fiyo, mpaka ubutumigwe bwaabo bwisakuya kifuki fiyo ngati bwa Kristi mpaka ubweene bwisakuluungisya ku Mweene ni Kipanga palikimo.

<sup>20</sup> Balinga bafundilemo siku isyambukulu sya ma piramidi? Une ngusakikisya unkiikulu yumoyweene apa aafyuusisye ikiboko kyaake. Umma ndaga.

<sup>21</sup> Kyala aasimbile ama Baangeli matatu. Limo gene lyaali yo Zodiaki mmwanya, ilyo lyo i Baangeli lyakwaanda. U muundu aali gwakuti akeetege mmwanya ukusyaagania ukuti Kyala yo ikufuma mmwanya. Konga u Zodiaki, ngimba umwe mufundilemo siku ikyeene? Ikyeene kikupa ni ngulilo yoosa, yope ni ngulilo ya kansa. Ikyeene kikupa u bwaandilo, ikyakwa-...ukupaapigwa kwa Kristi. Ngimba ikifwani ikyakwanda kyo fiki mu Zodiaki? U mfunde. Ngimba ikifwani kya bumalikisyo kyo fiki? Leo i ngalamu. U Kwisa kwakwanda nu Kwisa kwakibili kwa Kristi, fyooa fya ikyeene fisimbigwe nkati mula.



22 Polelo i Bāngéli ilyakukōnga ili lyāsimbígwe, lyāli mu lyālabwe, likukōlelígwa “mapiramidi.” Kyāla alinkusimba mu mapiramidi. Linga ugwe kufūnda agēne, kētésya isyambukulu isyaiyolo na ma bwīte, mūmo agēne gāyengelígwe bo bukāli ubonangike bwa mōgesyo.

23 Ilyabutatu lyāsimbígwe pa kalatasi, i Bāngéli, panongwa ya kīsu ikikulumba, ikyamahala iki kikwísága. Lilino, mūno Kyāla ēndíle ukusuluka ukukīnda i ngulilo, uswe tuli pa Leo i ngalamu. Uswe tuli pa kufwik’ikitili kwa piramidi. Uswe tuli mwa Buku gwa Busetuli, ku ntu gwabumalíkisyo. Sayansi yikuti uswe tuli kuli na maminiti matatu bo kukafika kilo-pakati. O, inogona isya kūko uswe tuliko.

24 Kangi kētésya, unko uswe twēge i piramidi, iyēne yo mbepe. Iyēne yikwēnda mu luko ngati mwa mbafu-tatu.

25 Akabalilo kako uswe twali paasi apa ukwānda ku ngulilo ya kipanga, ukufuma ku Butendekesi nkabalilo ka Luteri, itolo u mūndu ukuyoba umwēne āli Nkristi, pamo kyāsanusyága ubumi pamo ubufwe bwāke. Abēne bāngogága umwēne panongwa ya kuyoba itolo umwēne āli Nkristi. Polelo ukubūka ukukīndamo mu kufwīmígwa. . . Ingulilo yiliyōsa, ukukīnda akabalilo kāke, kwālipō ukufwīmígwa. “Bosa aba bikwitugasya mbunyakyala mwa Kristi Yeso bisakukubilwaga ubufwīmígwe.” Mu ngulilo ya Luteri, ikyēne kyāli kinyali ukuyoba “gwaLuteri.” Ugwe gwegigwaga ukuya mumilisi, kangi gwābagile ukubīkígwa ku bufwe. Utubalilo twīngi abēne babagogaga abēne pa lwēgo, ukubōkya abēne, na filifyōsa ifingi, ku baLuteri.

26 Polelo ikipānga kilinkufīnyisígwa, bo ngati i piramidi. Ikyēne kilinkwīsa mu likato ilingi ilya ipyāna, iki kyo kyāli kukemesígwa. Akabalilo ka Wesley, akabalilo kāko umwēne ākemíle ikipānga kya Anglican, alinkumanyisya ukukemesígwa. Ikyēne kilinkwīsa mbunini kāngi, polelo abēne balinkukōlelígwa ikipāmbō kya būmīlisi.

27 Balinga nkati muno aba bāli baMethodisti, pamo bāli, pamo balūngisígwa ni kipānga kya Methodisti? Sinda gwa umwe. Ngimba mumenye ukuti ikipanga kya Methodisti kyāli kifuki ukuya na Mbepo Mwikemo akabalilo kamo? Une mbukileko ku fipānga fya Methodisti nukubakēta abēne bikugwa pāsi pa kipālo, nukusopa amīsi mu kisyo fyābo nukubakupukulila abēne nifikupukupu, ukupīnga Mbepo Mwikemo ukuti āngisága pa bēne. Uko ko kutalusya. Lilino, ubu bo bwanaloli, kuli mu fyāmba fya Kentucky kūko uswe twāli na baMethodisti. Umwe bamiana mwe bingili kipanga panja apa. Uswe twali na baMethodisti kunyuma kula, na baBaptisti. Uswe tubūkíle pāsi ku kigemo nukutikana yumo kunnine ku nyuma mpaka uswe tuli ni kindukimo. Uswe twisíle ukukīnda, uswe twītūgésye nubukīndāne ukufuma pala.

<sup>28</sup> Loli ugwe kwisa itolo pala kangi kubika ingamu yako pa buku nukuyoba, “Une ndi gwa Methodisti.” Kangi ukwega ikiyuganilamunyu nukunyafila utwisi utunini pa ugwe, kangi ikyo kyosa kya icyene. Ukukindilila nukufwala ibundu, ukwipakapaka, ukubopesya ukubopa kwa falasi, ukulagusya, injuga, ukukina amakina aganjuga na filisyosa ifinine, pope umMethodisti unnunu, muketile. Uyo akabagila ukuya mMethodisti. Uyo yo itolo mwingila kipanga. Uko ko kotalusya. Baptisti, injilq yilayila, baPresibeteri, ukukindilila injila yilayila.

<sup>29</sup> Bo mumo David duPlessis ayobile, “Abisukulu, Kyala akaya na bisukule balibosa.” Kyala akalimo siku na bisikulu. Umwene ali nabo abana loli komma abisukulu. Uko ko kotalusya. Ugwe. . .kangi abandu aba bikwisa mu kipanga ba Methodisti, pamo ikipanga kya Pentekosti, pamo ikipanga kya Baptisti, panongwa ya mama pamo tata gwako ali mPentekosti pami mBaptisti, polelo ugwe gwe mwisukulu. Abene bali bana. Ugwe gwe mwisukulu, muketile. Popapo Kyala akaya nakyo nakimo bo ikyo. Ikipanga kili nafyo bingi ba ikyo, loli komma—loli komma—komma i—komma. . .Kyali atikuya.

<sup>30</sup> Lilino, ketesya ifi, nkyeni ukusuluka mpaka icyene kikwisa pasi lilino, bo icyene kikwisa ku bunini, i kipanga. Ingulilo ya Pentekosti yalisile mula. Yila naloliloli yatumwile amagengelemia ga mingi. Polelo ngimba icyene kyabombile fiki? Ikyene itolo kyalekile abaMethodisti na baLuteri bosa kunyuma.

<sup>31</sup> Lilino u Mbepo Mwikemo alyendile itolo nkyeni ukusokamo ukufuma mu ngulilo ya baPentekosti. Ngimba abene babombile fiki? Abene balinkwipangania, balinkwitendeka bene, “Uswe twe ba Assemblies of God.” “Uswe twe ba Oneness.” “Uswe twe ba Twoness.” “Uswe twe ba Church of God.” “Uswe twe iki, pamo ikyo. Ugwe ukayamo nkipanga, ugwe ukabagila ukubuka ku Mwanya mpaka ugwe ubikege ingamu yako mwa buku gwitu.” O, bo butoyofu buki! Une ndikupasya kali ugwe guli gwa Baptisti, m’Methodisti, m’Presbeteri, ugwe bika ingamu yako pa Buku gwa Bumi akabalilo kako Kyala ikubika iyene pala. Linga ugwe gwabikiligwe ngani ku Bumi Bwasyepwa, Kyala isakukukolela ugwe mu njila yimo, mulimosa, yimo—yimo injila pamo iyangi. Umwene naloliloli isakubombaga. “Bosa aba Tata ambele Une bisakwisaga kwa Une.” Kali kyo kipanga kiliku iki ugwe gwingile, ikyo kikanakyo nakimo ikyabombapo ni kyene. Loli ikipanga-kipaguke kitisamo siku ukubomba akandu kamokene kwa ugwe, loli kibagile ukukupinga ugwe fiyo ukukindilila na Kyala, loli icyene kisa—ikyene kitisamo siku ukubomba nakimo ikingi. Ukubalundika umwe palikimo mu kipambo kya bitiki na basitakwitika. Naloli, ugwe kutika ikyo kulikosa ugwe kubuka, kangi abene bali nakyo kope na Kumwanya. Popapo, icyene kyo kinunu mōsa, loli ugwe kusubila

ku kipānga-kipāgūke kyāko. Keta kwa Yeso, Umwene yo Yuyo ugwa kuketako.

<sup>32</sup> Lilino bo uswe tukwīsa palapala pāsi ku...abēne bālinakyo...Ngimba balīnga...une ngusubila u nkīkūlu uyu apa āfyūsīsyē ikiboko kyāke, ukuti ugwe gwāfundīle amapiramidi. Ugwe umenye, ipiramidi yikafwīkīgwēmo ikitili, bule iyēne? Nasiku kikabikīgwēmo ikitili pamwanya pa lyēne. Abēne nasiku, bātōlīgwe nukukyāga ikyēne. Abēne bakamanya iki kyābombīgwēmo siku ku kyāne. Fiki? Nongwa ya fiku ibwe-kitili likābikīgwēpo pamwanya pa lyēne, ibwe-ntu, pamwanya pa iyēne? Panongwa yakuti Umwēne āpīkīgwe akabalilo kāko Umwēne ālīsīle. Umwēne āli yo Ibwe ilipīkīgwe. Uko ko kutalusya. Lōli iyēne lisakufwīkīgw'ikitili. Uko ko kutalusya. Kangi polelo amabwe gala aga gikufwāna ukusyungutila Ibwe-ntu lila, gisakuyaga mabwe aga gisakuyaga lōsa gākufwāna ngati Ibwe lila, mpaka gisakufwānikīsyā ni lyēne, kilūngīsyō na pōsa—palikōsa. Ipiramidi lyo lipēlelesye fiyo ugwe ukabagila ukubopesya ulūbo lwa lezala pakati pa gēne, palapala amabwe gala gikwāgana palikimo. Ubukeka-mabwe ubumogi bwa luko. Gamo mwa gēne gābagīle ukuya masito na ma tāni bamia mmwanya mu mbepo, kangi nubupelelesyo fiyo gabīkīgwe palikimo.

<sup>33</sup> Iyo yo njila Kyāla ikutwāla i Kipānga Kyāke. Uswe nukufwanikīsyā tulungisenie palikimo, indumbula yimoyēne kangi ukukolelelāna kumokwēne. Lilino yumo ikuyoba, “Mulimosa, abaLuteri kunyuma kula bakāli nako nakamo.” Komma umwe ukwītīka ikyēne. AbaLuteri bisakwīisa panja mu busyuuke itolo nukufwana bo babaangi aba bisakwīisa panja mu busyuuke. AbaBaptisti, abaPresbeteri, kangi boosa a bana ba Kyala, bisakwīisa panja mu busyuuke bula. Kangi iyo yo nongwa umwisyugu abandu bikuyoba, “O, ena, kwisakuyako ulusasano ulwakupyaagila ulu lwisakubuuka panja apa nukupoka amamiliyoni mia yumo ga baPentekosti. Abeene boosa bisakupokīgwaga polele ukweene kwisakuyangako u Kunyakiligwa.” Ugwe gusobile. U Kunyakiligwa kula kwisakuya bamia ba maelifu, uko ko kutalusya, loli abeene bisakubuumbigwa ukufuma ku finyinja maelifu mahano na limo ga bupoki boope, ifinyinja maelifu mahano na limo kunyuma. U mundu ikweenda mu Lumuli bo u Lumuli lukwīisa ku mweene, umweene ikukilania amalulalo akabalilo kaako umweene ikwīisa ku gene. Lilino, linga umweene ikupīika Ulweene, polelo umweene ikulekigwa mu ngisi. Loli linga umweene ikumilīsyā ukukiindilila nkyeni!

<sup>34</sup> Lilino, ketesya, akabalilo kako u Kwisa kwa Ntwa Yeso kuli kifuki fiyo ku kiboko mpaka u Mbepo ukufuma kubutali paasi apa...itolo panandi ubwiitīkīsigwe, ukukemesigwa, ulosyo lwa Mbepo Mwikemo, kangi lilino mulamula mu kabalilo la kwīisa kwa Ibwe-ntu. I Kipanga kikufimbilīsigwa ukuya nubupelelesyo

ngati Kristi mpaka Kristi ni Kipanga fibagiile ukwilungisya palikimo, u Mbepo yumoyweene. Kangi linga Mbepo gwa Kristi ali mwa ugwe, Umweene ikupela ugwe ukuya mumi u bumi bwa Kristi, ukuboombela ngati Kristi, ukubomba imbombo sya Kristi. “Umwene uyu ikwitika mwa Une, imbombo isi Une ngubomba isakubombaga yope.” Yeso aayobile ikyo. Muketile? Lilino uswe tukuyaga pa kuya, uswe tuli nubutumigwe bukwiisa ubu bo itolo katikati ngati bumi bwa Kristi. Ngimba ubutumigwe bula bukulingania fiki? U Kwisa kwa Ntwa.

<sup>35</sup> Keeta ikyeene nkiiu umwisyugu, kangi keetesya iki Khrushchev ikuyoba, fyosa ifindu ifikulumba ifiingi ifi, kangi inganikano ingulumba isya nkisu-kyapasi papapa kifuki, pa kabalilo kalikosa, kibagile ukubuuka kumfyu i sekondi yiliyosa. Uko ko kutalusya. Kangi linga ikyo, uswe tumenye ukuti ikyo kyo kifuki fiyo. U mundu aligwesa gwamahala abagiile ukubala mu fikalatasi fya nongwa pamo ukupilikisya pa rediyo, kangi bikumanya ukuti ikyo kyo kili kifuki. Ena, kumbukilaga, Kristi ikwisa ku Kipanga Kyake bo ikyo kikaali ukuboneka. Popaapo ngimba kuli kifuki lealebule u Kwisa kwa Ntwa Yeso? Lum obo ulukomano ulu lukaali lukamalika ikilo iki. Uswe tuli kukabalilo kabumalikisyo. Naloliloli syabwanaloli.

<sup>36</sup> Keetesya ikipanga bo ikyeene kisile, bo ikyeene kikweenda. Itolo ega ikyeene mu linogono lyaako, ugwe gwasyambukulu uyu ikufuunda isyambukulu. Keeta i kipanga kya baLuteri pasi pa lwitikisigwe, bisile itolo nubupupwe ukufuma ku Kikatolika, keta ikyeene kikweenda. Polelo keeta Wesley ikwiisa kifukiko panini, ukubuuka mbukemesigwe, ukwiiluka mu Masimbo. Keeta palapala pakati, aba Wesley. Polelo ikikoonge iki kikwisa mula yaali ngulilo ya Pentekosti. Kangi i ngulilo ya Pentekosti nu lupyantikisyo lwa fikuungilwa, ifikuungilwa fyamwambepo. Lilino, keeta ku ngulilo yikwiisa lilino kulakula kumwanya ku Ibwe-ntu. Mukuketa iki une ngasanusya? U Kwisa kwa Ntwa, kuteendekiigwe ukumanyigwa. Kyala ni fipeligwa fyosa kikuguulila ikipanga ukubwaaga pamwenepamwene ubuyo bwaake.

<sup>37</sup> Ulutamio umwiisyugu, une...kifuki aligwesa une naalyaagene. Une na baaluliigwe panja, uswe twanwaga... Une ngufiimbilisigwa ukuya nulugelo lwa mumbili, umwe mumenye, linga uswe tukubuuka mfishu fyapanja, umwe ba misyoni na ba bosa bo abo mumenye ikyo. Akabalilo kaako une naageligwaga mu mbili abeene baalindweele panja pa kyumba kimo kula, une nanwaga kila ikyaiyolo...kyabonekaga kw aune ngati litapa, pamo kindongwa, pamo ikindukimo, kangi une—une nanwaga ikyeene. Une naakeetile ukukilania kula, ngwitugasya paasi, ukuguulila kwa sinda gwa sala nukukeeta ukuti kali ikyeene kyaasokilemo muunda mmyangu pamo mma. Une naakeetile ukukilania kula, kangi kula aaliko unkikulu unnini, aabonekaga ngati kindu kimo ikipelakisa aali kifuki ukufwa.

Umwēne āli fiyo . . . utulūndi utunini kangī utukōngi utunini. Kangi une ndikūmilisya ukwendendeka ukufuma ku nnyambala uyu ukubūku ku nnyambala yula, unnyambala uyu ukubuka ku nnyambala yula, ngusegelela ku mweene unkiikulu, mpaka une naafikile kuuko umweene aaliko. Umwēne aabonekaga ngati kindu ikinini ikipelakisa kyāli kifuki pakufwa. Kangi une ndikufika kifuki nu mweene, une ngikuyoba, “Nswaga une, mama.”

Umwene alinkuti, “Mwabomba ndaga?” O, umwene aali mbine fiyo!

Kangi une ndinkuti, “Ngimba fiki fitamisye?”

<sup>38</sup> Umweene alinkuti, “Une naabuukile ku Tucson ukunjaatila umwana gwaangu undindwana. Une ndinkubina, abeene bikutoligwa ukukyaaga iki kitamisye.”

<sup>39</sup> Une ndinkuti, “Ikindu kimokyene une ngulonda ugwe ukulalusya.” Une ndinkuti, “Une ndi ndumbilili gwa Nongwainunu. Ngimba ugwe gwe Nkristi? Ngimba ugwe gwhiteendekisye ukubuuka linga isala yila yikwiisaga?”

Kangi umweene alinkuti, “Une ndigwa kipanga *kyakuti-na-kyakuti*.”

<sup>40</sup> Une ndinkuti, “Ilyo likaya lyo lilaalusyo une nakulaalusisye ugwe. Ngimba ugwe gwe Nkristi gwisusigwe na Mbepo gwa Kyala kangī gwhiteendekisyo ukubuuka akabalilo kaako Umweene ikukukoolela ugwe?” Unkikulu yula akaameenye nukumanya iki une naayobelaga. Muketile? O, kyo kyakuboneka ikipelakisa kiki ikiisu kilimo!

<sup>41</sup> Lilino, “ukuteendeka ukumanyisigwa kwa uswe isyakubutiitu sya bwiigane Bwaake,” u kwiisa . . . Unko une mbabalile umwe ikindukimo. Une nabalaga ukukilania . . . Unko uswe tusanukile kula lilino ku “ikyakubutiitu kya bwiigane Bwaake.” Unko uswe tusanukile ku Bahiburi apa itolo i miniti, untu gwa 7 gwa Bahiburi, une ngusuubila ikyeene kili. Kangi une nguloonda ukubabalila umwe ikindukimo iki kisakubateendekaga umwe ukwiipilika kanunu fiyo akabalilo kaako uswe tukwinogona isya uswe ukwiituugasya palikimo mabuyo Gammwanya. Bahiburi, untu gwa 7.

*Kabuno u Melekisedeki uyu, (Lilino keetesya.)  
umwalafyale gwa Salem, umputi gwa Kyala  
gwapamwanya unkiinde, . . .*

<sup>42</sup> Ngimba ikyakubutiitu kyo fiki liliko? Apa pa kilipo ikyakubutiitu, keetesya iki. Ngimba u Mwinitu uyu yo ywaani, “ikuteendeka, ukumanya, ikyakubutiitu kya bwiigane Bwaake,” uyu Melekisedeki? Une nguguulila kuli yumo apa, i Baangeli likaali likusanuka. Bahiburi, untu gwa 7, Pauli ikuyoba, unnyambala yulayula ugwa Bagalatiya.

*Kabuno Melekisedeki uyu, mwalafyaale gwa Salem, mpuuti gwa Kyala ugwapamwanya unkiinde, . . . aalyaagene na Abraham ikugomokako ku bubuute bwa banyafyaale, kang'i alinkunsaya umweene;*

*Kwa yuuyu yoope Abraham aapeele i kiyabo, ikiyabo kyakalongo kya fyoosa; ikiyākwānda ukuya ubusanusi, mu busanusi Mwalafyale gwa bugolofu, . . . ukufuma apo . . . Mwalafyale gwa Salem, (Yo ywaani u Mwinitu uyu?), uyu yo, Mwalafyaale gwa lutengano;*

*Kisita taata, kisita maama, kisita kuyungu, ukusitakuya kali bwaandilo bwa masiku, pamo ukumalisya kwa bumi; . . .*

<sup>43</sup> Ngimba yo ywani u Nnyambala uyu? Ngimba yo ywani Umweene? Umweene akaalimo siku na taata, Umweene akaalimo siku na maama, Umweene akaalimo siku ubwaandilo, pamo akaalimo siku nako akabalilo Umweene isakufwamo siku. Umweene aalyaageene na Abraham ikiwiisa ukufuma ku bubuute bwa banyafyaale. Ngimba umweene aabombaga fiki? Umweene aabuukile ukwakummwega Loti, ukundwe gwaake unsobi, ukuntwaala umweene ukungomokesya. Kang'i umweene aabuutile abanyafyaale; iki, abanyafyaale bala baabuutile; une ngwitikisya kalongo pamo kalongo na bahano abanyafyaale, kang'i ifitaangala fyaabo. Loli Abraham alinkubafwiika ifyaabwiite abaambombo bake nukubuuka ukundondeesya umweene, ukwiipaagula mweene nkilo, muketile, akabalilo kaako umweene aalinkolile umweene nkabalilo ka nkilo. O, ukundwe uswe tukubomba mu ngisi, u Lumuli lyeene ulu uswe tuli nalo lo Lumuli Lwanongwainunu. Loli umweene alinkwipaagula mweene, nukunkola umweene nukuntwaala umweene ukungomosya. Kang'i pa nsebwee gwaake ukugomokela, bo ubwiite bumalike!

<sup>44</sup> Unko uswe tubuuke ku Bwandilo 14, itolo I miniti, ukweega akapango ukupilikisigwa kanunupo. Unko uswe tubuuke kula apa mu Bwandilo, gwabuna- . . . Une ngusubila ugweene go gwa 14, Bwandilo 14. Ena, unko uswe tweegege Bwandilo 14:18, ukwanda. Unko uswe itolo twaande itolo panyuma pa ikyo. Unko uswe, ena, ukwanda, 18, Bwandilo 14:18, "Kangi Melekisedeki . . ." Lilino, uyo yo Abraham ikugomokela ukufuma kubugoge bwa banyafyaale. Aagomokiile, pa nswebwe gwaake ikugomokela, ikuntwala ukugomosya Lot, abandu boosa aba abene baanyakile. Boosa!

<sup>45</sup> Ngati Davidi, uyu aabuukile nukwakweega i . . . Ngimba Davidi aabombile fiki? Aalyeegile akafyaata akanini, alunkubuuka panja nukukamanda akang'osi akanini aka ukufuma mu ndomo gwa ngalamu. Inogona isya fyaata, ukuloondesya akang'osi. Ywani nkiisu abagiile ukuboomba ikyo? Mbula yo mundu nki muno isakuboomba ikyeene, fyusya

ikiboko kyaako. Une ngukubulaga ugwe nakalinga itolo ukuti ugwe gwe nsobi. Ugwe ukaalimbweene une ngufyusya ikyaangu. Umma, une ngaabagiile ukukwandondesya umweene na kandusu ka malongo-matatu-nakimi-fihano-na-kimo, nakamo. Loli umweene alinkunkonga umweene ni fyaata, akapatu akanini ka kipapa ngati, ni milisi mibili pa keene, ukusyugusya akeene ukusyungutila. Panongwa...Kangi akabalilo kaako akene kaalisile akabalilo ukuti Goliati ukuteendeka ukwiitufya kwaake, umweene alinkumfwiima Goliati, kangi umweene alinkuti, “U Kyala gwa ku Mwanya anyitikiisye une ukuponesya akang’osi ukufumu mu ndomo gwa ngalamu, ukufuma mu ndomo gwa kiindiingo.” Umweene aamenye akeene kakaali kafyaata mma. Ageene gaali maka ga Kyala aga gaabuukile nu mweene. Umweene aali yo Yula uyu agomokiisye akang’osi.

<sup>46</sup> Kangi ikyo kyo iki uswe tukuyoba umwisyugu. Kyala aali nagwe Davidi ikukina moosa, ena nkulumba, uyu yo ikulisya ing’osi sya Tata. Kangi ap ana apo akabalilo kaako ilyuulu likwisaga, pamo u kansa ikwisaga, pamo ikindukimo, kangi akunyeela pabutali ukufuma maboko ga ngaanga. Ikyo kitisakwimika Davidi yula, umweene isakubuuka itolo nkyeeni panja pala ukumfwima umwinitu yula, ni fyaata, ya, “Suma kalikoosa mu Ngamu Yangu, akeene kisakupiigwaga.” Une ndikupasya, abagaanga babagiile ukuseka, kangi aligwesa uyungi abagiile ukumuugiila umweene, umweene ikumfwimbaga umweene mulimosa, ukutwaala ing’osi ukugomokesya ku kibaga. Ena, nkulumba. “Umweene yo mwana gwa Kyala, sosyaapo ikuboko kyaako pa mweene!” Ukutika ingalamu iyi paasi, Polelo ingalamu yilinkufyuuka, umweene alinkumamanda umweene mu ndefu nukungoga umweene; akalumiana akanini akanandi fiyo, lumo ubusito mapaundi malongo lwele pamo malongo lweele na limo.

<sup>47</sup> Keetesya. Melekisedeki, u Mwalafyaale gwa Salem iki kyo kuti Mwalafyaale gwa Lutengano, iki naloli Salem alambalele ukukilania pa kaamba. Umwene yo Mwalafyale gwa Yerusalemu, Yuyo ikyeene kyaaali. Ikyo kyo katikati iki Yuyo aali, Mwalafyale gwa Yerusalemu. Iki, Yerusalemu pakwaanda akoleligwaga, iki kyaali luteengano; ikyo kyo aali Yerusalemi pakwanda, bo ikyeene kikaali ukukooleligwa Yerusalemu. Umwene aali Mwalafyale gwa Yerusalemu. Umwene aali yo Mwalafyale gwa bugolofu, u Mwalafyale gwa Lutengano, u Mwalafyaale gwa Salemu. Umweene akaali na tata nayumo, Umweene akaaku nu mama, Umweene akaali nu bwaandilo bwa masiku, Umweene akaali nu bumalikisyo bwa masiku, Umweene akaali nabo ubumalikisyo bwa bumi, Umweene akaali nalo uluyungu. O, o, o! Ngimba yo ywaani u Mwinitu uyu? Nketeesya Umweene. Bo ubwiite bumalike, ukufuma paapo ubuponjoli bwaaponjoliigwe, ketesya iki Umweene aayobile. “Kangi Melekisedeki,” ilinandi lya 18, untu gwa 14, Bwaandilo.

*Kangi Melekisedeki mwalafyaale gwa Salem alinkutwaala panja unkati nu bwaalwa: kangi umweene aali mputi gwa Kyala ugwapamwanya ukukinda.*

*Kangi umweene alinkunsaya umweene, kangi alinkuti, Asayigwege ayege Abram ugwa Kyala ugwapamwanya unkinde, mwenenakyo gwa myaanya ni kiisu:*

*Kangi asayigwege ayege Kyala ugwapamwanya unkinde, uyu aboombile apefifye abakugu baako nkiboko kyaako. Kangi umweene alinkumpa umweene ikyakalongo kya fyoosa.*

48 Unko uswe tukiindilile ukubala.

*Kangi u mwalafyaale gwa Sodomu alinkuyoba kwa Abraham, Mbapo une abaandu, kangi ega ifyoombo fiyege fyaako.*

*Kangi Abram alinkuyoba kwa mwalafyaale gwa Sodomu, Une mfyusisye ikiboko kyaangu kwa NTWA, u Kyala ugwapamwanya unkinde, umweenenakyo gwa myaanya ni kiisu, (Pilikisya muumo umweene aatumuliile kila, hum, muumo umweene aakipeeliile ku mweene!)*

*Ukuti une ndisakwegamo ukufuma ku ndisi mpaka na ku fungilo ya kilato, kangi une ndisakwegamo nakamo kalikosa, komma kalikoosa aka . . . kangi bagile ukuyoba, kangi ikyo kya kyaako, usuke usayobege, Une numpelile Abram ukuya nkabi:*

*Ukupāgulápo kyeene kikyō abanyaambala abakeke balile, . . .*

49 Keetesya u Melekisedeki uyu akabalilo kaako Umweene aalyaagene na Abraham ikwisa ukufuma ku kugoga kwa banyafyaale. Ikyakubutiitu kya Kyala lilino kibiikigwe pabwelu! Ngimba aali yo ywani Umweene? Nayumo . . . Abeene bikutoligwa ukusyaaga isyambukulu isya Mweene, panongwa yakuti Umweene akaali nagwe u tata aligwesa, Umweene akaali nagwe u mama aligwesa, Umweene akali nako akabalilo kalikosa aka Umweene aalyaandile, Umweene akaalimo siku na kabalilo kalikosa Umweene aafwilemo siku, popaapo kali siku Umweene ali yo Ywani aakali aali mumi. Umweene akalimo siku nu bwandilo bumo, popaapo Umweene akaabagiile ukuya yumo uyungi loli El, Elah, Elohim; unjepo-mwene, untugasye-mwene, Mwenemaka Kyala!

50 Yeso aali na Tata, Yeso aali na mama; Yeso aali nu bwandilo bwa masiku, Yeso aali nu bumalikisyo bwa bumi bwapakiisu. Loli u Mundu uyu akaali nagwe pamo tata pamo mama, ameni, nayuma tata pamo mama. Yeso aali nabo bosa-babilo Tata na mama. U Nnyaambala uyu akaali nagwe pamo tata pamo mama.



Ameni. Kangi ngimba Umweene aabombile fiki, bo ubwiite bumalike, ukufuma paapo Abraham aalyeegile ubuyo bwaake?

<sup>51</sup> Ukufuma paapo i Kipanga kikwiitugasya pa buyo Bwaake, uswe tukukooleligwa ku bufwiikigwe bwa bana, mwa Mbepo Mwikemo. Kangi akabalilo kaako aligwesa u nnyambala ikwima pa buyo bwaake, iki Kyala ankooliile umwene ukuboomba, nu kwiima mpaka bumalikisyo bwa nsebwe, ukufwima abasobi.

<sup>52</sup> Ikyakwanda, Pauli ikweega ulutende loosa ukufuma mu kyeene, popaapo lilino, “Linga ugwe ukooleligwe, linga ugwe ukaya itolo uyuganisigweemo mu linogono lyaako ukwisila mu luko lumo lwa bufundakyala, linga ugwe naloliloli upaapigwe mwa Mbepo, polelo Kyala aakubiikiile-ngaani ugwe bo lukaaligwa ulwaalo lwa kiisu, ukubiika ingamu yako pa Biku gwa Kang’osi gwa Bumi, kangi lilio uswe tukwisa palikimo ukwituugasya mabuyo Gammwanyamwanya mwa Kristi Yeso. A baandu abikemo, ikikolo ikiikemo, abandu abaswiigisye, ubuputi bwabunyafyale, ukupa amakemo gamwambepo kwa Kyala, iki kyo, ifipaso fya milomo gyiitu ukupa ulutufyo ku Ngamu Yaake.”

<sup>53</sup> Abandu bikwisa kangi nukuti, “Abandu batoyofu.” Naloli abeene bali; amahala ga Kyala bo butoyofu bwa mundu, kangi amahala ga mundu bo butoyofu kwa Kyala. Ifyeene fikukanikana, kimo ku kinine.

<sup>54</sup> Loli ikipanga ikisusigwe-nu-Mbepo ikyanaloli, kiiswiile na maka ga Kyala, kiituugesye paliko mmabuyo Gamwanyamwanya, kikupa amakemo agamwambepo, amatufyo kwa Kyala, u Mbepo Mwikemo ikwendeka pakati pa beene, ukumanyila-ngaani ubutulwanongwa nukukoolela panja ifindu ifi fili pakati ba beene ifi fisobi, ukugolosigwa mosa nukuteendeke ikyeene ukuya kili myamyamya kangi kipelelesye. Panongwa ya fiki? Akabalilo koosa mu Kuyapo kwa Kyala lilipo i Likemo lyalilopa.

<sup>55</sup> Lilino kumbukilaga, uswe twabukile ukukinda ikyene ulubunju ulu. Ugwe ukaapokigwe ukwisila mu Lilopa mma, ugwe *kukiindilila* ukupokigwa ukwisila mu Lilopa. Loli ugwe gwaapokiigwe ni lipyana, ukwisila mu lwiitiko, ukwitika llyeene. Kyala aakung’usisye ku ndumbula yaako panongwa yakuti Umweene akubiikile-ngaani ugwe. Ugwe ulinkukeeta mwanya kangi ugwe gwaaliitike ikyeene, ukwitikisya ikyeene. Lilino i Lilopa likuteendeka uluhombe panongwa ya mbiibi syaako. Kumbukilaga, une naayobile, “Kyala atikuntobesya untulwanongwa panongwa ya koonanga mma.” Umweene yo ntulwanongwa ukwanda itolo. Umweene ikuntobesya u Nkristi panongwa yakoonanga. Kangi polelo panongwa yakuti Umweene antobiisye umweene, Kristi aalyegile ubutobesigwe bwiitu. Polelo bukayapo nabumo ubutobesigwe kwa bene

aba bali mwa Kristi Yeso, aba batikwenda ukukongesya umbili'mma, loli bikukoongesya Mbepo. Kangi linga ugwe kubomba akandu kamo, ikylene kikaya kyabwiigane mma. Ugwe utikoonanga nubwiigane mma. U mundu uyu ikoonanga nubwiigane, ikubuuka panja nukoonanga nubwiigane, akisamo siku mu Mbili gula nalino. Loli u mundu uyu akabalilo kako alim ula, umweene yo mfwe, kangi ubumi bwaake bufisiigwe mwa Kyala, ukwisila mwa Kristi, afungiligwe nu Mbepo Mwikemo, kangi u mohesi akabagila nukumwaaga umweene, umwēne ali kubutali fiyo kunyuma nkati mula. Umwēne isakufimbilisigwága ukusóka panja pa pala bo mohesi abagile ukunkolamo siku umwēne. “Kabuno ugwe uli mfwe!”

<sup>56</sup> Mbula u mundu umfwano umweene yo nsyobi kangi keeta iki kikuboneka. Mubaya umweene pa lubafu kangi yoba, “Ugwe gwe lisyobi lyaiyolo, ugwe,” umweene atisakuyoba ni lisyu limo. Kangi ikyo kyo kutalusya, umweene isakulaambalala itolo pala.

<sup>57</sup> Kangi u mundu uyu afwiile mwa Kristi, ugwe ubagiile ukunkolela umweene lisyobi, ukunkolela umweene kalikosa ugwe kulonda, umweene atisakufyukamo siku mmwanya ukufwana ni kyeene. Linga kalikosa, umwene isakusokapo ukubuuka pabuyo bungi nukwakukwiputula ugwe. Uko ko kutalusya. Loli, o, bamo mwa beene bo baabumi fiyo. Ikyo kyo une ngwinogonela, uswe tubagisenie ukusyila abandu abafwe. Bala baabo bafwiile mwa Kristi, uswe tukubasyila abeene mmisi. Utubalilo tumo uswe tukusyila abandu bingi fiyo aba buumi, akabini nukulwana kwingi fiyo, kangi balipo bingi fiyo nkipanga. Loli uswe tukabagila ukupaagulania ikyo, loli Kyala ikubomba. Umwene amenye abandu Bake. Umwene amenye ing'osi Syaake. Umwene amenye ilisyu lililyosa. Umwene amenye bana Bake. Umwene amenye yuyo Umwene abagile ukunkolela panja, Umwene amenye yuyo Umwene asungulile-ngaani. Umweene amenye yuyo Umweene apele ifindu ifi, iki Umweene ikwiteendeka Mwene ukumanyigwamo. Mumo Umweene. . . Kyala abagile ukubiika ulusubilo mu bana Bake, pa kyakuboomba, amenye ukuti abeene bisakuboomba ikyeene katikati.

<sup>58</sup> Ngimba umwe mukwitika Kyala ikubomba ikyo? Fiki, Setano aayobile kwa-kwa Yobu ilisiku limo. . .alinkuti kwa Kyala ilisiku limo, “Ena, Ugwe uli nagwe ntumigwa.”

<sup>59</sup> Kyala alinkuti, “Akayamo nayumo nkiisu bo umweene. Umweene yo nnyambala umpelelesye.” Aali ni lusubilo mwa umweene.

<sup>60</sup> Setano alinkuti, “O, ena, umweene ali nafyo filifyosa mbupepe. Nyitikisya une nje nagwe akabalilo kanini kangi une ngunteendekaga umweene ukuhelula Ugwe pa kisyo Kyako.”

61 Umwene alinkuti, “Umwene ali mmaboko gako, loli komma ugwe ukwega ubumi bwake.” Muketile? Kangi umwene abombile kilikyosa loli ukusitakweega u bumi bwake.

62 Loli, o, Yobu, mbuyo bwa . . . ngimba umwene aabombile fiki? Ngimba umweene aalinhelwile Kyala akabalilo kako Kyala aalyegile abana bake, akabalilo kako umweene aaboombile ifindu ifibibi fyosa ifi ku mweene, kangi filifyosa? Yobu akalilamwilemo. Umweene alinkugwila pa kisyo kyaake nukwiiputa. Haleluya! Alinkuti, “Untwa aapele kangi Untwa egile, yisayigwege i Ngamu ya Ntwa!” Mwaketa lelo umwe.

63 Kyala āménye ulusūbīlo Lwāke mwa Yobu. Kyala amenye bo bwingi buki Umwene abagile ukukusubila Ugwe. Umwene amenye bo bwingi buki Umwene abagile ukunsubila une. Loli iki uswe tukuyobelapo lilino ko kubīka mbuyo umwanike uyu.

64 Lilino, akabalilo kāko i Bāngeli . . . Akabalilo kāko u bwīte bumalike bōsa, akabalilo kāko kilikyōsa kimalīsīgwe, polelo ngimba iki kyo kindu kyakukōnga kyo fiki? Ngimba kyo kindu nki uswe tukubōmba ukufuma pāpo ubwīte bumalīke? Ngimba umwe mumenye iki uswe tukubōmba? Uswe tukwāgāna na Melekisedeki. Unko uswe tusanusye Matai 16:16, nakalinga itolo, tukeete linga ikyo kyo kitalusye pamo mma. Mwikemo Matai, untu gwa 16 kangi ukwanda ni linandi lya 16. Une nsisimikisye ukuti ikyo kyo kotalusya, Matai 16:16. Matai sikisi- . . . Umma, ikyo kyo kusoba, kikāgile ukuya kifuki. 26:26. O, 16 apa, Umwēne ikuyoba kwa Simon Peteri; nhobokela, une ngāsānwisye ukuyoba ikyo. 26:26, ’nongwa yakuti itolo ifyakulya fyakugonela ifyabumalikisyo, ikyo kyo iki une ngugela ukufikako. Matai, untu gwa 26 kangi ilinandi lya 26. Lilino uswe tummwagile umwēne, apa uswe tuli, ku fyākulya fyakugonela ifyabumalikisyo.

*Kangi bo abēne bikulya, Yeso alinkwēga unkati, kangi alinkusaga ugwēne, kangi alinkunyosola ugwēne, nukupa ugwēne ku bafūndigwa Bāke, kangi alinkuti, Ega, ilya; iki kyo mbili gwāngu.*

*Kangi umwene alinkwēga ikikopo, kangi alinkupa amapalo, nukupa ikyēne ku bēne, ikuyoba, Inwa umwe kyōsa kya ikyēne;*

*Kabuno ili lya lilopa lwa lwitikano ulupya, kuli ili lyonekeligwe bīngi ku bomoligwe bwa mbībi (m-b-ī-b-i, mbībi, Bakristi aba bikubōmba ifindu nubusobi).*

65 Syosa silikanunu, “Loli—loli . . .” Pilikisya, ilinandi lya 29.

*. . . Une nguyoba kwa umwe, Une ndisakunwa ukufuma umwisyugu ikya i kipaso kwa mpesa, mpaka ilisiku lila akabalilo kāko Une ngunwa ikyēne mbupya na umwe mu kitangalala kya Tāta.*

66 Kiliku? Ikindu kilakila Melekisedeki ābōmbīle ukufuma pāpo Abraham ālyēgile ubuyo bwāke. Alinkubīka abanyāmbala bāke mbubāmbike, nukupōnjola ubwīte, kangi ālisīle ku kāya, kangi Melekisedeki alinkwīsa panja nu nkati nu bwālwa. Ukufuma pāpo ubwīte bumalīke, polelo uswe twisakulya i Fyakugonela Fyābwēgi nu Ntwa Yeso nkīsu ikīpya. O, yisayigwege i Ngamu ya Ntwa. Umma ndaga.

67 “Ifyākubutītu fya bwīgāne Bwāke, ukufwāna nu bwīkyéle Bwāke ubununu,” ukugomokela nyuma kāngi mwa Baefesi, 9, “kīkyo Umwēne iganīlepo pa Mwēne.”

*Ukuti mu kabalilo ka bwīkute bwa kabalilo . . .*

68 Kangi kumbukilaga ikyo, uswe itolo tukilēnia pamwanya pa kyēne. Baefesi, untu gwa 1, ilinandi lya 10.

*Ukuti mu kabalilo ka bwīkute bwa kabalilo . . .*

69 Lilino, uswe twāmanyīle ukuti ubwīkute bwa kabalilo bukugūlīla fiki? Ubwīkute bwa kabalilo kōsa, akabalilo aka bo ubutulwanongwa bwisakwīmisīgwa, akabalilo kāko ubufwe bwisakwīmisīgwa, akabalilo kāko ububine bwisakwīmisi/gwa, akabalilo kāko ubutulwanongwa bwisakwīmisīgwa, akabalilo kāko bosa bwa buniongafu (kila ifindu ifiniongasigwe, iki mōhesi aniongēsye) bwisakwīmisīgwa, akabalilo kāko akabalilo kēne kisakwīmisīgwa. Kētēsya.

*Ukuti mu kabalilo ka bwīkute bwa kabalilo ukuti umwēne lumo abagīle ukubūngania . . . mu kimo mwa findu mwa Kristi, fyosa-fibili ifi fili kumwanya, kangi ifi fili pa i kīsu; mope mwa umwene:*

70 “Ukubūngania ifindu fyosa ukwisila mwa Kristi.” Bo une njobile ulubunju ulu, tosa utubwe utunini utu uswe tukutwāga, ifi ifikulumba ifindu ifinini, ugwe ubagīle ukutupuputa utwēne mu Bwāndilo, ugwe ubagīle ukutupuputa utwēne mu Ukusōka, ugwe ubagīle ukutupuputa utwēne mwa Levi, kangi tutwāle utwēne ukukīndamo, kangi mu Busetuli utwēne twisakumalikisya ukuya Yeso. Ugwe ega Yosefu, ugwe ega Abraham, ugwe ega Isaki, ugwe ega Yakóbe, ugwe ega Davidi, ugwe ega aligwesa gwa tubwe tula, abanyāmbala bala ba Kyāla, kangi kēta linga ugwe utikumbona Yeso Kristi ikubonesīgwa mwa aligwesa pamwene gwa bēne. “Ukuti Umwēne abagīle ukubūngania ifindu fyōsa mwa Yumo, Kristi Yeso.”

71 Lilino, ukukīndīlīla panandi lilino, lilino ilinandi lya 11.

*Mwa yuyo uswe nuswe tukabile ikilingo kimo, . . .*

72 O, “i kilingo.” Yumo ikufīmbilisīgwa ukukulekela ugwe ikindukimo, ukwingila ikilīngo ikyēne. Ngimba uko ko kutalusya? I kilingo! Ngimba kyo kilingo nki uswe tuli nakyo? Ngimba kyo kilingo nki une nāli nakyo? Une ngalinakyo na kilikyōsa. Lōli Kyāla ālindekīle une i kilingo akabalilo kāko

Umwēne ābikīle ingamu yāngu pa Buku gwa Kang’osi gwa Bumi bo lukāligwa ulwālo lwa kīsu.

<sup>73</sup> O, ugwe kuyoba, “Lilino, gulila panandi, nkundwe, Yesu ābōmbīle ikyo akabalilo kako Umwene ākufwīlīle ugwe.” Umma, Umwene nasiku. Yeso alinkwisa ukūla i kilingo kila kya une. Bala lilalila ilikōnge ilina- . . . lulalula ulukindi ulukōnge.

*Mwa yuyo uswe nuswe tukabile ikyakuboneka . . . tukabile i kilingo, ukuya tusunguligwe-ngāni ukufwāna nu kulōnda kwa umwēne yuyo ikubōmbabōmba ifindu fyōsa ukufuma pa lufundo lwa bwīgāne bununu bwāke mwēne:*

<sup>74</sup> Kyāla, bo lukāligwa ulwālo lwa kīsu, bo mūmo uswe tusulwīke ni kyēne ukukīnda mu kamanyisyo, umwe bāndu, mūmo uswe tumbwene Kyāla āli njepo-mwēne, mūmo fikuti mwa Umwēne mwāli lugano. Mwa Umwēne mwayaga pakuya Kyāla; kukālipo nakimo ukummwīpūta umwēne. Mwa Umwēne mwāyaga pakuta u Tāta; pala pāli . . . Umwēne āli pa Yūmwēne. Mwa Umwēne mwāyaga pakuya u Mpoki; nakimo ukusoba. Mwa Umwēne mwāyaga pakuya u Mbumbulusi. Ifyo fya fyakūmbagīla ifya Umwēne. Kukālīko nakimo kula. Polelo Ubwake Bwake Mwēne, ubwifūnde Bwāke Mwēne ubununu bulinkutwāla ifindu ifi, ukuti Umwēne abagīle ukwisila mu Nnyāmbala yumoywēne ntiga, Kristi Yeso, ukubūngānia ikyēne kyōsa palikimo kāngi. O! “Ikisige kikaketa, imbulukutu yika . . .” Yo nongwa ikyēne kyo kindu kyakubūtūtu!

<sup>75</sup> Kēta, “atusūngulīle-ngāni uswe ku kilingo iki.” Linga une na kilingo ikyanaloliloli ikya kindukimo, linga Kyāla ikukung’usya ku ndumbula yāngu nukuyoba, “William Branham, Une nākukōlīle ugwe iyolo fiyo, bo lukāligwa ulwālo lwa kīsu, ukulūmbilīla i Nongwainunu,” Une ndinakyo i kilingo, i kilingo kya Bumi Bwasyepwa. Lilino, Kyāla ātumīle Yeso ukutēdeka i kilingo kila kiyege kyanaloliloli kwa une, panongwa yakuti kukālīko nakimo une nābagīle ukubōmba uku—uku ukwīngilāpo pa kyēne. Une ngāli nako nakamo, ikyēne kyāli naloliloli, kikayako nakimo une nābagīle ukubōmba. LōLi mu bwikute bwa kabalilo Kyāla alinkutuma, nkabalilo Kāke Mwēne akanunu, Yeso u Kang’osi, abūtīgwe ukufuma ku lwālo lwa kīsu. Ililopa Lyāke lyālyōnike ukuti une mbagīle ukubūka ku kilingo kyāngu. Ukuya fiki? I kilingo kiki? Ubwān’ubulmiana, ukuya mwanundumiana gwa Kyāla.

<sup>76</sup> Kangi lilino Iki kibagīle itolo ukubapīta umwe pammilo ku bufwe. Lōli ngimba umwe mumenye ukuti abanyāmbāla aba bo banabalumiana ba Kyāla bo bakyāla bānike? Balinga aba bakimenyemo siku ikyo? Balinga bamenye ukuti Yeso āyobīle lululo? Ili Bāngéli, Yeso āyobīle, “Ngimba ululagīlo lwīnu lukāyobīle, lwēne, ukuti umwe mwe mwē bākyaāla?” Kangi linga umwe mukbakōlēla abene bākyaāla . . .” Iki, Kyala aayobile

mu Bwandilo 2 ukuti abene baali bākyaāla, panongwa yakuti abene baali, bāli nubulagili ubwisusye pa bulagili bwa kīsu. Umwēne alimpele umwēne ubulagili pamwanya pa findu fyosa. Kangi umwēne alinkutāga ubwākyaāla, umwēne ātāgile ubwānubulumiana, umwēne ātāgile ikitāngalala kyāke, kangi Sētāno alinkwingilapo ukupoka icyēne. Lōli, nkundwe, uswe tukugūlīla kuli bu bubonekelo bwa banabalumiana ba Kyāla aba bisakugomokelāga nukwingilāpo ukupoka kāngi. Tukugūlīla u bwikute bwa kabalilo, akabalilo kāko i piramidi yikufika pamwanya, akabalilo kāko abanabalumiana ba Kyāla abīsūle bisakubonekelāga, akabalilo kāko a maka ga Kyāla gisakwēnda panja (haleluya) kangi gisakwēga amaka galigōsa aga Sētāno āpokile ukufuma ku mwēne. Ena, nkulumba, agēne gāke umwēne.

<sup>77</sup> Umwēne yo Logos uyu ābūkīle ukufuma kwa Kyāla, ikyo kyo kyabwanaloli, yula āli yo Mwānundumiana gwa Kyāla. Polelo Umwēne alinkupela u nnyāmbāla yula u kyāla unnini. Kangi Umwēne alinkuyoba, “Linga abēne bikubakōlēla bala bābo i Lisyu Iya Kyāla Iyālisileko, abasololi, linga abēne bikubakōlēla abēne ‘bākyaāla’ aba i Lisyu Iya Kyāla Iyālisileko...” Kangi Kyala āyobīle lūlo, Mwēne, ukuti abene baali bākyaāla. Umwēne ālimbūlīle Mōse, “Une ngutēndīke ugwe kyāla, kangi nuntēndīke Aroni nsololi gwāko.” Ameni. Whuu! Une lumo mbagile ukubombelo bo kisyutantu gwabwiputi, lōli une ngaya mma. O, akabalilo kāko ifisige fyāko fikwīgūka nukukēta ifindu ifyo. Umma ndaga. Umwēne ātēndīke u nnyāmbala ukuya kyāla, u kyāla mu kitangalala kyāke. Kangi ikitangalala kyāke kikubūku ukufuma ku nyānja ukubūka ku nyānja, ukufuma kukiloboko ukubuka kukiloboko; umwēne ali nu bulagili bwa icyēne.

<sup>78</sup> Kangi akabalilo kāko Yeso ālisīle, ukuya yo Yuuo Kyāko unsita butulwanongwa, Umwēne alinkusisimikisya icyēne. Akabalilo kāko imibelo gikupūta, Umwēne alinkuyoba, “Lutēngāno, yaga kimyemye!” Ameni. Kangi akabalilo kāko u mpiki, Umwēne alinkuyoba, “Nayumo nu mūndu ikulyaga ukufuma kwa ugwe.”

<sup>79</sup> “Naloli, Une nguyoba kwa umwe, mwe muli bākyaāla banini, linga umwe mukuyoba ku kyāmba iki, ‘Sāmāga,’ kangi mutikwīlāmwa mu ndumbula yīnu, lōli mukwītīka ukuti iki umwe muyobile kisakubonekaga, umwe mubagīle ukuya nakyo iki umwe muyobile.”

<sup>80</sup> Būka kulakula kunyuma ku Bwāndilo, ku kyapabwandilo, ngimba icyēne kyo fiki? Lilino ikīsu kangi ikipeligwa kikukolma, ukukūta, kilikyōsa kikwēnda. Kiki? Panongwa ya kubonekela kwa banabalumiana ba Kyāla, akabalilo kāko abanabalumiana abābwānalōli, abanabalumiana abakupāpīgwa, abanabalumiana abisusīgwe bikuyoba kangi ilisyu Iyābo likutūligwa. Une ngwitika uswe tuli pa mpaka gwa

ikyēne lululu lilino. Ena, nkulumba. Yoba ku kyāmba iki, unko  
ikyēne kiyege lūlo.

<sup>81</sup> “Nkundwe, une—une ngunyonywa *kyakuti-na-kyakuti*,  
ikindu kimo kikubōmbígwa. Une ne mwitiki mwa Yeso Kristi.”

<sup>82</sup> “Une ngupaga ikyene mu Ngamu ya Ntwa Yeso Kristi.”  
Ameni. Ikyo kyo bubonekelo.

<sup>83</sup> “O, nkundwe, ifyakubyala fyāngu fikupya panja kwisilya.  
Une ngaya nayo ifula yiliyosa pa kabalilo.”

<sup>84</sup> “Une ngukutumilága ugwe ukutima, mu Ngamu ya Ntwa.”  
Kula umwēne ifula yikwīsa. O, ukugūlīla, ikipeligwa kilikyōsa  
kikugūlīla ku bubonekelo bwa banabalumiana ba Kyāla. Kyāla  
ākītikīsyē ikyēne ku bwāndīlo. Umwēne ālimpēle u nnyāmbala i  
kitāngalala.

<sup>85</sup> Umwene apele Yeso Kristi, kangi Yeso alinkupa ikyene mu  
Ngamu Yake, nu busisimikīsyē ubu, “Suma Tāta kalikosa mu  
Ngamu Yāngu kangi Une nisakubōmbága ikyēne.” O, Nkundwe  
Palmer! Ukugūlīla ku bubonekelo bwa banabalumiana ba Kyāla,  
ubuyo, i Kipanga!

<sup>86</sup> Mūmo une njobīle, Būku gwa Baefesi yo Būku gwa Yoswa,  
kangi Yoswa ukubīka mbuyo abāndu kūko abēne bikulōndígwa.  
Lilino, linga abēne balinkusita ukwīma kimyemye, kangi  
umwēne alinkumbika Efraimu *apa*, kangi ukukilania apo  
ikīsu kya Manase, kangi *uyu* yula ābagīle ukugomokela  
ikumana nukusēba, bulebule abēne bisakwisangamo ukwendela  
palikimo? akabalilo kāko yumo ikuyoba, “Une ne mBaptisti, une  
ne mMethodisti, une ne mPentekosti, une ne gwa Oneness, une  
ne gwa Twoness, une *Mwakuti-na-gwakuti*.”

<sup>87</sup> Ngimba ugwe kubombaga bulebule ikyene? Imaga  
kimyemye! Kyala yo ikulonda ukubīka mbuyo i Kipanga Kyāke,  
abanabalumiana na banabalindwana ba Kyala. Kyāla, unko  
une njege mūmi ukukēta ikyēne, lo lwīpūto lwāngu. Kifuki fiyo  
mpaka une mbagīle itolo ukwipilika ikyēne mmaboko gāngu  
kifuki, kikuboneka ngati. Ikyēne kili papapa apa. Ikyo kyo iki  
une nyonyilwe ukukēta, ukugūlīla ku kabalilo pāpo ukwēnda  
ukusuluka ulukīndi, pala alāmbalēle undemale alambalele pala,  
ukufuma mūnda mwa nna, “Siliva na golidi une ngaya nafyo  
nafimo.” O, ukugūlīla kuli bubonekelo bwa banabalumbiana  
ba Kyāla, haleluya, akabalilo kāko Kyāla isakwitēndeka Mwēne  
ukumanyigwa, akabalilo kāko abēne bisakwimika ububine,  
abēne bisakwīmika kansa, abēne bisakwimika imbungo.

<sup>88</sup> Ngimba umwe mukwīnogona kansa kyo kindukimo?  
Ili Bāngēli lyāyobīle kakwīsa akabalilo pāpo abanyāmbála  
bisakubolága mulamula mu nyama syābo, kangi abakihōbe  
bisakulyaga ukufuma mu mifimba gyābo bo bakāli abēne  
nukufwa. Kansa yo kubaba kwa līno ku iki kikwīsa. Lōli,  
kumbukilaga, ikīndu ikinyali kila kyākānisígwe mu lisiku lila  
ukupalamasya bala bābo bāli ni Fungilo ya Kyāla. Ikyo kyo iki

uswe tukusukila lilino, ukwĩngĩla nkati nukubĩkigwa pabuyo pamwenepamwene mu Kitangala kya Kyāla bo sikāli ukutika imbungo inyali isi. O, bo bununu buki! Ubutali bwa kabalilo, ubwĩkũte bwa kabalilo, i kilingo.

*Mwa yũyo uswe nũswe...tukabile...kilingo, ukuya twasũngulĩgwe ngāni...*

<sup>89</sup> Ngimba ikilingo kyĩtu kyapēgĩgwe bulebule kwa uswe, ukwisila mu fiki? Ukusũnguligwa-ngāni. Ukusũnguligwa-ngāni ku kumanyigwa-ngāni. Ngimba Kyāla amanyaga bulebule Umwēne ābagĩle ukukusũbila ugwe ukuya ndũmbilili? Ukumanyila-ngāni Kwāke. “Komma umwēne uyu ĩganĩle pamo umwēne uyu ikubopa, pamo umwēne...Umwēne yo Kyāla uyu ikunāngĩsya ikisi.” Uko ko kotalusya, ukusũngulĩgwa-ngāni. Umwēne āmēnye iki kyāli mwa ugwe. Umwēne āmēnye iki kyāli mwa ugwe bo ugwe ukāli nukwĩsa pa kĩsu. Umwēne āmēnye iki kyāli mwa ugwe bo kukāli ukuyako i kĩsu ukuti ugwe gwĩsēpo. Uyu yo—uyo yo Umwēne. Uyo yo Kyāla unsitampaka, unsitampaka. Uswe tuli nu mpaka, uswe tubagile itolo ukwinogona numpaka.

<sup>90</sup> Ikyēne kifumila ukuya kinywāmu fiyo kwa une, ukufuma pāpo kila iki kyābonĩke kwa une. Une ngamanya. Akabalilo kākō une ngwĩnogona kula, akabalilo kākō une nālĩmĩle kula pa tubalilo tunini utwabusangulufu tula, nukwĩnogōna, “Kukayako nayomo kilabo.” Akālĩko nayumo mmayolo, kukayako nabumo ubumine, bukayako ubusulumanie. Kukayako ubusāngalũfu bwa panini, polelo bu bwĩngi bwa busāngalũfu; ubwēne bo bōsa busāngulũfu. O, mwe! O, akabalilo kako une nimege pala kangĩ une ndinkuti, “Ngimba kyo fiki iki?”

<sup>91</sup> Lila i Lisyu linkuti, “Ulo lo lugano ulupelelesye, kangĩ kilikyosa iki ugwe gwakiganilemo siku kangĩ kilikyosa iki kyakuganilemo ugwe siku kili kuno na ugwe lilino.”

<sup>92</sup> “Kangĩ ugwe kwisakututwāla uswe kwa Ntwa Yeso akabalilo kākō Umwēne ikwĩsa, ukuya fyabupōnjoli fya butumigwe bwāko.” Une nābabwēne abakĩkũlu abamogi bala bimile pala, bōsa bikungamanda une nukuywēga, “Ugwangu umpala, nkundwe nganigwa!” Nābabwēne abanyāmbāla bala ni nywĩli nyĩngi ukusyũngutila amakosi gābo apa, bikubōpa, ukungamanda une nukuyoba, “Ugwĩtu nkundwe unganigwa!”

Kangĩ une ndinkwinogona, “Ngimba iki kikusanusya fiki?”

Umwene alinkuti, “Abene bo bandu bako.”

<sup>93</sup> Une ndinkuti, “Abandu bangu? Kula bakābagĩle ukuyapo bingi abaBranham, balipo maelifu-elifu.”

<sup>94</sup> Umwēne alinkuyoba, “Abēne bo bapĩnduke bāko!” Haleluya! “Abēne bo bapĩnduke bāko. Abēne bo bābo aba...” Ukuyoba, “Ugwe nketa yula uyu imile pala?” Unkikũlu ummogi



ukukĩnda uyu une ngetilemo siku. Alinkuyoba, “Umwēne ākindilepo ifyĩnja malongo mahano na mana mbukusi akabalilo kākō ugwe gwālindongolile umwēne kwa Kyāla. Yo nongwa umwēne ākūtāga, ‘Ugwāngu nkundwe nganigwa.’” Alinkuti, “Umwene atisakuyamo nkangale kangi mma. Umwēne akĩndile ukufuma kula. Umwēne yo bwĩkyéle bwa butubwa. Umwēne imile pala. Umwēne akabagila ukunwa ukunwa kwa mīsi amatalalifu, umwene akagafũmbwa agēne. Umwēne akabagila ukulāmbalala pāsi nukugona utulo, nongwa yakuti umwēne atikukatala mma. Kukayako kilabo, komma mmayolo, pamo nakimo. Uswe tuli mwa Syēpwa lilino. Lōli ilisiku ilyalwīmiko limo u Mwanundumiana gwa Kyāla isakwīsa, kangī ugwe kwisakulongigwa ukufwana ni Lisyu ili ugwe gwālũmbilile ku bēne.” O, nkundwe!

Une ndinkuti, “Ngimba Pauli isakufĩmbilisigwāga ukutwāla ikibugutila kyāke?”

“Ena, nkulumba.”

<sup>95</sup> Une ndinkuti, “Une ndumbilile Ilyene katikati itolo bo yu Paulo aayobile Ikyene. Une ngepukamo siku, une ngegamo siku ukubīka nkipanga kilikyosa ifimanyisyo pamo kalikosa akangi. Une nasyele yulayula.”

<sup>96</sup> Kangi bosa ba abēne balinkuywēga nu kwitikisania kumobwene, “Uswe tumēnye ikyo! Uswe twēgamile nu busimikisye.” Alinkuti, “Ugwe kwisakututwāla uswe ku Mwēne, kangī polelo uswe twēsa twisakugomokela ku kīsu, ukuya būmi bwilanabwila.” O, mwe!

<sup>97</sup> Itolo pala une ndinkwanda ukwīsa ku. Une nākētīle, gulāmbalēle pala pa kitala, kangī une ndinkukēta umfimba gwāngu unkāngale apa gukukāngāla kangī gwānginya, kangī gusepetwike mōsa kangī—kangī gwāmbũngo mōsa kangī gutikuligwe pāsi, kangī une nāketīle amaboko gangu kunyuma ya ntu gwāngu, kangī une ndinkwinogona, “O, ngimba une ngufĩmbilisigwāga ukubūka ku kindu kila kāngi?”

<sup>98</sup> Kangi une ndinkūmilisya ukupilika i Lisyu lila, “Umilisyaga ukugūtīla nkyēne! Umilisyaga ukugūtīla nkyēne!”

<sup>99</sup> Une ndinkuti, “Ntwa, une akabalilo kōsa une nītīke mu bubũbulusyo Bwamwakyāla, une ngūmilisyaḡa ukwitika ubwēne. Lōli une ngugūtīlāga panongwa ya myoyo, polelo ndula une. Une nguyaga nabo bīngi fiyo kula une nisa. . . Unko une njemūmi, Ntwa, kangī une ngwisakubikāga abāngi elifu-elifu nkati mula, linga Ugwe kwīsa itolo unkunyītīkīsyā une ukuya mūmi.”

<sup>100</sup> Une ndikupāsya yo lāngi nki, kyo kimanyisyo nki, kyo kikolo nki, iki abēne bali, abēne bo bamobēne akabalilo kākō abēne bikufika kula, kangī imikolofwa ya mipaka gila gikĩndile. O, une mbagile ukukēta abakīkulu bala, bamogi fiyo; ngakētāmo siku. . . ḡali pāsi, inywīli indali mpāka pāsi

ku nyuma syābo. Ama siketi amatali mpaka pāsi. Abēne bakafwēle ifilato. Ukukēta bala abanyāmbāla ni nywīli insito ukusyūngutila amakosi gābo, imitu imikeseifu, imitu imititu, ni lāngi syōsa ingīndānekīndane. Kangi abēne bāsopāga ingongi syābo ukusyungutila une. Une nābagīle ukwipilika abēne. Une nipilikāga amaboko gābo. Kyāla yo Ndongi gwāngu, kangi ili Būku ilikemo ili līgwiķe. Une nābagīle ukwīpilika abēne itolo lūlo une ngwipilikīla ifiboko fyāngu pa kisyo kyāngu. Abēne bāsopāga ingongi syābo ukusyungutila une, kisita kwīnoga kwa bakīkulu bo mūmu kukuyīla lilino. Une ndikupāsyā kali ugwe uli mwīkemo bulebule, ugwe gwa ywāni, lo luko luki ulwa ndūmbilili ugwe guli, umpūti pamo kilikyosa ugwe ubagīle ukuya, akayapo u nnyāmbala nayumo abagīle ukundeka unkīkūlu asopege ingongi syāke ukūbatila umwēne, kisita kuya nu bwīpilike bwakinyonywo ubwābūndu. Ubo bo katikati bwanaloli. Lōli, nkundwe, akabalilo kāko ugwe kukilania pakati pa apa na kwīsilya, ukwēne kukaya injila yila kula. O, mwe! Ikyene kyo fīyo...O, kula ko...Ikyene kyo kisitakubōmbīgwa. Ulwēne lo mōsa lugāno. Kilikyōsa kyo nkundwe gwānalōli kangi kilikyōsa kyo kalumbu gwānalōli. Bukayako ubufwe, nabumo ubusulumania, nakamo akabini, nakumo nakimo, nakimo kubagīle ukwīngīla kula. Ikyēne kyo itolo bupelelesye. Ikyo kyo iki une ngwīyulīla. Ikyo kyo iki une ngubīkīla pabuyo.

<sup>101</sup> Une ndinkuyoba, “O Ntwa, ikyo kyo iki une njīlīle apa pa kipanga, ukugela ukubīka i kipānga ndubātiko.” Ukubabūla umwe, nkūndwe na kalumbu, kilipo itolo ikindu kimokyēne iki kibagīle ukwīngīla kila, ikyo kyo lugāno ulupelelesye. Komma panongwa yakuti ugwe kusūbilīgwa ku Branham Tabernacle, pamo ikipanga kya Methodisti pamo ikipanga kya Baptisti. Fila fyo mōsa finunu, ugwe ubagīle ukuya. Lōli, o, bīnāngu, umwe mukufīmbilisīgwa...Komma panongwa yakuti umwe mwāyobīle mu ndimi, mwāmogīle mwa Mbepo, panongwa yakuti umwe mukagīle pānja abōhēsi pamo musāmīsye ifyāmba nu lwītiko. Ifyo fyo fyōsa fili kanunu, kabuno ikyo kyo kili kanunu kyōsa, lōli pōpe pene pāpo ulugāno ulupelelesye lula lulimo nkati mula. Kula ko kūko ulugāno ulupelelesye lwāli. Kangi ikyo kyo kindu kyēne iki kisakukwītīkīsya ugwe nkati mula. Ikyo kyo kindu kyēne iki kibagīle ukwitūgasya kula, ikyēne kyo kindu kyēne kyālīko, kula. O mwe! Ukwēne ko kufwīkīgwa. Kyāla, bo lukālīgwa ulwālo lwa kīsu!

<sup>102</sup> Lilino, unko uswe tuye bēngo, unko uswe tugwāge ugu untu gumogwene ukumalisya, mulimosā, linga kyākubōmbīgwa, mu maminiti kalongo aga gīkwīsa.

*Kwa yuyo uswe tukabile ikilīngo... (Uswe tukwīngīla ikilīngo nki? Bumi Bwasyēpwa)... ukuya basūnguligwe-ngāni...*

Bulebule? Ngimba aligwēsa ikupilikisya ikyo? Ngimba ugwe gwākōlīle Kyāla? Umma, Kyāla akukōlīle ugwe. Abāndu bamo bikuyoba, “O, une itolo nālindondile Kyāla, kangī nālindondīle Kyāla.”

Ugwe ukābōmbīle mma. Nayumo umūndu ālindondīlemo Kyāla. Ikyēne yo Kyāla ikundonda u mūndu. Yeso alinkuyoba, “Nayumo umundu abagile ukwisa ku Myangu penepapo Tata Gwangu ikunkwaba umwene.” Muketile, ikyene kyo ubupeligwa bwa mundu ukubopa ukufuma kwa Kyāla. Kangī ugwe kuyoba lilino. . .

<sup>103</sup> Ikyo, ikyo kyo iki kukundamia une, palema, ukulūmbilīla kwa umwe bāndu; mutikusyāla ukukīndilīla nkayīlo kalakala umwe mwabūkangāmo, pinduka lilino! Mbilika une bo une nguyoba, ISI SYO IKUTI U NTWA. Une ngikōlelāmo nimwēne iki, une ngaya mma. Lōli umwe mukungōlēla une nsololi gwīnu, pamo u nsololi. Ikīsu kikwītīka ikyo, ikīsu ukusyungutila, ma miliyoni na mamiliyoni na mamiliyoni ga bāndu. Une njobile nukutalula kangī mukusitakutalula ku mamiliyoni kalongo pamo—kalongo pamo kalongo na mabili, pamo ukongelelāpo, ukuyoba mubutalule. Une ngētīle malongo ga maelifu ga mboniboni ni fimanyilo ni fiswīgo, kangī komma yimo mwa syēne sitolīgwmō siku. Kangī uko ko kutalusya. Umwēne āmbūlīle ngāni ifindu ifi fikatoligwāmo siku ukboneka itolo katikati. Une ngummwēgāga unnyāmbala aligwe ku lugela panongwa ya iki. Uko ko kutalusya. Une ndikwīyobela ukuya nsololi, lōli umwe mbilikisya une.

<sup>104</sup> ISI SYO IKUTI U NTWA, ikyēne kisa kwēgēla ulugāno ulupelelesye ukukubīka ugwe mbuyo bula, kabuno ikyo kyo kyōsa kyāliko kula. Kali syo hela nki, bo bwingi nki bwa bubonesi bwa bwīputi, syo mbombo ilinga innunu ugwe ubōmbīle pamo kalikōsa aka ugwe ubōmbīle, ikyo kitisakubaligwa nakamo pīsīku lila. Ikyēne kisakwēgela ulugāno ulupelelesye. Popāpo kilikyosa ugwe kubōmba, ugwe lāmbalīka pa lubafu filufyōsa ifingī mpaka ugwe gwe itolo mwisusīgwe fiyo nu lugāno lwa Kyāla mpaka ugwe ubagīle ukubagāna aba nikukubēnga ugwe.

<sup>105</sup> Une ne itolo, bo mūmo une njōbīle ulubunju ulu, une nātendekīgwe, ubūmbe bwāngu bōsa bo ipyāna. A bāndu bīngi bikuyōba, “Lilino, ugwe ndunako inyuma yāngu kangī une nisakutunaga iyāko. Ena, ugwe kubōmba ikindukimo kuli une kangī une ngukubōmbelaga ikindukimo ugwe.” Ilyo likaya ipyāna mma. Ipyāna kokuti, linga inyuma yāko yikunyegēla, une nisakutuna ikyēne mulimosa, kali ugwe kutunaga iyāngu pamo mma; ugwe ubagīle ukungoma ni lipi pa kisyo, nukuyoba “inyuma yāngu yikulōndīgwa ukunyege. . . , pamo, yikulōndīgwa ukutuna,” une nisakutuna ikyēne. Muketile? Ikyo kyo kīkyo, bōmba ikindukimo. Une ndikwītīka mu mbombo. Une ngwītīka ukuti imbombo lo lugāno. Imbombo

yo—imbombo ko kunāngisya ukuti ilipyāna liboníke. Une ndikwítugasya gwābwanaloli ku nkasi gwāngu panongwa yakuti une ngusūbila umwēne ikunsōsyāga une linga une ngāligwabwānalóli, une ngwitūgásya gwabwanaloli ku mwēne panongwa yakuti une nunganíle umwēne.

<sup>106</sup> Une ndikulūmbilíla i Nongwainunu panongwa yakuti une ngwinogona une ngubūkága ku gehena linga une ndikulūmbilíla, Une ngulumbilíla i Nongwainunu panongwa yakuti une nunganile Umwene. Naloliloli. Umwe mukwínogona une angali ngukilania inyanja syamibelo sila, kangi indēge sila sikubeluka mmwanya na pāsi, kangi injasi sikumulika ukusyūngutíla, kangi—kangi filifyosa ifngí, kangi kifuki iminiti yiliyōsa. . . kangi aligwēsa ikukūta, kangi “aba Tukukuponia Maria” bikukīndilíla mōsa mu ndēge, na filifyōsa? Abāndu bala bikwisyūsyā mu milisi gwakuponela gila, kangi u pailoti ukuyoba, “Amafuta gakufwana ukumālisya amaminiti kaongo na mahano ukongelelāpo, tukamanya kūko uswe tuliko.” Ngimba umwe mukwínogona une mbagíle ukubōmba ikyo itolo—itolo panongwa ya busangulufu ubwa kubōmba ikyēne? Huu! Ngimba umwe mukwínogona une nābagíle ukugomokela kula mmatēngéle kūko ba kiJeremani bafīmbilísigwága ukubíka ifilwílo fyābo ukusyūngutíla une bo *ulu* ikilo kilikyōsa nukunyēgēla une nkati nu kusōka mu lukomano, mpaka Mbepo Mwikemo ikwanda ukubōmba ifika? AbakiKomyunist bitūgesye na fyakukētēla pakilo, ukulōnda ukundusulíla une ukufuma i mailo yimo pabutali. Ngimba umwe mukwínogona une angali ngubōmba ikyo itolo panongwa ya busangalufu bwa ikyēne? Panongwa yakuti ikindukimo mwa une kikugana; abēne bo bāndu aba Kristi āfwílíle. Pauli āyobíle, “Une kukākuti ngigana itolo ukubūka ku Yerusalemu, lōli une ngubūka kula ukwakukōmelígwa. Une ngubūka ukwakufwa. Une ngubūka kula ukwakufwa panongwa ya Ntwa.” Ikyēne kyo kindukimo, ulugano ulu lukukufīmbilísya ugwe, ulu lukukutēndéka ugwe. Uko ko katikati kotalusya.

<sup>107</sup> Linga une nālūmbilíle i Nongwainunu panongwa ya hela, linga ikyēne kyābagíle ukuya, une āngali ngaya ndina ma dola maelifu malongo mabili ikilo iki isyakumelelígwa, une āngali ngaya mu kumelelígwa mma. Umma, nkulumba. Panongwa yakuti une āngálí mbikile pa lubafu simo mwa—simo mwa ma miliyoni aga gapēgígwe kwa une. Unnyāmbala yumo, unnyāmbala ātumíle ababombi ba FBI ni kikalatasi kya cheki kya ma dola miliyoni yumo-na-bāmia-bahano ihela. Kangi une nāyobíle, “Gomola iyēne kula.” Komma panongwa ya hela! Isyēne sikaya hela. Une ndikulūmbilíla i Nongwainunu panongwa ya hela. Komma panongwa ya ikyo!

<sup>108</sup> Iyene yo nongwa ya ulugano lula. Ikindu iki une ngulōnda ukubōmba, kyo, akabalilo kākō une ngukilania ulutūyo lwabumalikisyo kwisilya, iki kibagíle ukuya mu maminiti

mahano ukufuma lilino, ikyēne kibagīle ukuya mu sala ibili ukufuma lilino, ikyēne kibagīle ukuya ifyīnja malongo mahano ukufuma lilino, une ngamanya akabalilo nki ikyēne kisakuyaga. Lōli akabalilo kāko ikyēne kikubombigwaga, une ngufika kula, une ngulōnda ukukēta ugwe mbumogi bwa butubwa, mukubopa, nukuywēga, “Nkundwe gwangu unganigwa! Nkundwe gwangu!” Ikyo kyo iki kili mu ndumbula yangu. Iyo yo nōngwa. Une ndikugela ukukanikana na umwe ukuya—ukuya nkīndāne, lōli une ngugela ukubabika umwe pa nsebwe ugu go ntalusye. Iyo yo njila yakwīngilīla. Komma ikipānga kyāko, komma ikipanga-kipāgūke kyāko, lōli ubupāpīgwe bwāko mwa Kristi. O, mwe! Whuu!

*Mwa yuyo...uswe tukabīle...ikilingo, ukuya tusūngulīgwe-ngāni ukufwāna ni fūndo ya mwēne yūyo ikubōmbēla ifindu fyōsa ukufuma ku lufūndo lwa bwīgāne bwāke mwēne:*

109 Pilikisya. Uswe tukwīgalāga mu maminiti manandi. Pilikisya kifuki lilino bo uswe tukāli ukwīgala.

*Ukuti uswe tubagīle ukuya ku ndūfyo sya lwīmiko lwāke, yūyo āsūbīle ukwākūwānda...Kristi.*

*Mwa yūyo umwe nūmwe mwāsūbīle,...*

110 Kētēsya iki lilino, kifuki. Fwāla amajekete gīnu, amajekete ga Nongwainunu. Kolelela imbulukutu syīnu siguke, pilikisya kifuki. Une ndi pa linandi lwa 13.

*Mwa yūyo umwe nūmwe mwāsūbīlemo, ukufuma pāpo umwe mwāpilīke...*

“Ulwitiko lukwisa nu...” [Ikilundilo kikuyoba, “Kupilika.”—Nsimbi.] “ukupilika i...” [“Lisyu.”] “Lisyu lya...” [“Kyala.”]

*...ukufuma ukuti umwe mu lisyu lya bwanaloli,...*

111 Ngimba Bwanaloli bo fiki? I Lisyu lya Kyāla. Ngimba isyo ndalusye? Yohani 17:17, umwe mwe mukusimba a Masimbo, Yeso āyobīle, “Bakemesyāga abēne, Tata, ukwisila mu Bwanaloli. I Lisyu Lyako lyo Bwanaloli.”

*...ukufuma...umwe mwāpilīke i...ubwanaloli, i nongwainunu ya bupoki bwīnu:...*

112 Ngimba bo bupoki buki umwēne āgelāga ukubabūla abēne? Ukusūngulīgwa bo lukāligwa ulwālo lwa kīsu (Ngimba ikyo kitalusye?), ku bufwīkīgwe kwa banabalumiana, basungulīgwe-ngāni ku Būmi Syēpwa. Lilino, ukufuma pāpo umwe mukwīsa mu Būmi Syēpwa, ukufuma pāpo umwe mupokīgwe, ukemēsīgwe, mwīsusīgwe na Mbepo Mwikemo, umwe mwe banabalumiana. Lilino Kyāla ikulōnda ukubabika umwe pamwenepamwene, o, ukuti umwe mubagīle ukubōmbēla i Kitangalala Kyāke ni lwīmiko Lwāke.

113 Iyo yo Nongwainunu. Ukuya, ikyākwánda, pilika i Lisyu, “Pinduka, kangi osigwága mu Ngamu ya Yeso Kristi kubómole bwa mbíbi.” Ukusosyamo syosya imbibi syako, ukukóléla pa Ngamu ya Ntwa Yeso Kristi, panongwa ya Kisu ikifíngigwe. Ulufíngó luli kwa mwendanjila aligwésa uyu ali pa nsebwe. Linga ugwe gwasókilepo pa kâya ikilo iki, ntulwanongwa, kuyoba, “Une ngubúkága kula ku Branham Tabernacle,” Kyála ikukupa ugwe ulusako ikilo iki. Kilipo ikindu kimo kilipo pakati pa ugwe ni Kisu ikyâlufíngó. Ngimba i Kisu ikâlufíngó kyo fiki? U Mbepo Mwikemo. Iki kyâlipo pakati pa Yoshua ni kisu kyâlufíngó áli Yorodani. Katikati kotalusya.

114 Mōse, ukuya kyakwegelela kya Kristi, alinkubalóngóléla abána kula ku kisu kyâlufíngó, polelo Mōse akábégíla abána nkisu kyâlufíngó. Yoshua yo ályégíle abándú mula nukuyabania ikisu. Yeso áhōmbíle untengo, alinkubalóngóléla abéne kula kwa Mbepo Mwikemo. Kyála alinkutuma Mbepo Mwikemo pási kangí Umwéne yo pamwenepamwene alinkubíka ikipánga ndubátiko, u mündu aligwésa, ukummwísúsya umwéne nu Kuyapo kwa Búndu Bwáke. Umwe mukukéta iki ene ngusanusya? Fyōsa mwa Kristi Yeso, múmo Kyála ásungulile ngáni iki ku bukólélo bwa Nongwainunu iyi!

115 Pauli, Bakalatiya 1:8, alinkuti, “Linga u Gwándumi ikwísa ukulumbilíla kilikyosa ikíngi, unko umwe ayege ngunigwa.” U Bwánalóli, i Nongwainunu. Lilino pilikisya kifuki bo uswe tukukíndilíla ukubala, ukumalisya ilinándi.

*...i nongwainunu ya bupoki bwínu: mwa yúyo nūmwe... (Pilikisya kifuki)...ukufuma pápo umwe mwālítike, ugwe uponjoliqwe na Mbepo Mwikemo gwa lufingo,*

116 Mmasiku gabumalikisyo, i Bāngéli lyāyobíle, lilino kétésya, mmasiku ga bumalikisyo pisakuyapo ifibukutíla fibili fya bāndu. Kimo mwa fyéne fikuyaga ni Fungilo ya Kyála, ikíngi kila ubung’wale bwa kinyamana. Ngimba uko kotalusya? Balinga bamenye ikyo? Ena, linga Ikimyatiko kya Kyála kyo Ikimyatiko kya...Linga Ikimyatiko kya Kyála yo Mbepo Mwikemo, polelo kisita Mbepo Mwikemo bo bung’wale bwa kinyamana. Kangi i Bāngéli liyobile ukuti imbepo sibili sisakuyaga kifuki fiyo palikimo ukwene kwabagile ukusyoba Abasaligwa balabala linga ikyene kyaali kyakubagila. Ikyene kitisakubombag’imbombo ikyene, panongwa yakuti abene baali basunguligwe ku Bumi Bwasýepwa. Muketile?

117 Ikipanga ukubúka, itolo bo ukumanya balipo abafúnde kalongo bábúkíle panja ukwakwágána nu Ntwa, bōsa bakemesígwe, bōsa bíkémo, aligwesa gwa béne bakemesígwe. Bahano báli bakwílamwa kangi balinkusileka inyale syábo sikusima. Bahano báli na mafuta mu nyále syábo. “Kangi, kéta i Nnyámála ikwísa!” Kangi abahano aba báli na mafuta

mu nyāle syābo balinkwīngila mu Fyābugonelo Fyābwégi. Kangi abangi bālekīgwe panja kūko kwāliko ukukūta nu kulila nukusya amīno. Yaga mwitēdekesye, kabuno ugwe ukamanya yo miniti nki u Ntwa ikwisa. Yaga na... Ngimba amafuta gikwīmilīla fiki mwi Bāngéli? Mbepo Mwikémo.

118 Lilino kwa umwe umwīsyūgu, umwe bakūndwe ba Seventh-day Adentist mwe mwāyobīle ilisiku lya kihano-na-mabili lyo Fungilo lya Kyāla, twāla i Lisimbo limolyēne ukusisimikisya ikyēne. Ili Bāngeli lyāyobīle ukuti Ikimiyato kya Kyāla yo Mbepo Mwikémo. Ketesya iki. “Iki. . .” Ketesya ilinandi lya 13 lilino.

*. . . ukufuma pākuti umwe mwālītike, umwe mwafūngilīgwe na—na yu Mbepo mwikémo gwa lufingo.*

119 Sanukila ku Baefesi 4:30, une ngwitika ikyo kyo kyēne. Keta linga uswe tutikumwaga 4:30, keta linga iki kikaya kilakila. Baefesi, untu gwa 4 kangi ilinandi lya 30. Ena, apa ikyene kili, 4:30.

*Kangi somma ukunsulumanisya Mbepo gwa Kyala, kuko umwe mummyatikigwe mpaka ilisiku lwa kutabuligwa.*

120 Mpaka na ndili? Akabalilo kāko ugwe naloliloli, naloliloli kwāmbilīla Mbepo Mwikémo, ngimba bo butali buki Umwēne ali ukumalika mwa ugwe? Mpaka ulusasanio ulukōnge, mpaka u mwīsukulu ikukukalalisya ugwe, mpaka u bwāna ikukūmanila ugwe? Mpaka ilisiku lwa kutabuligwa kwīnu! Haleluya!

121 Ukufūma pāpo ugwe ufwīle, ukufuma pāpo ugwe ulobwīke ukubūka nKīsu kila, ukuti ugwe gwīmīle kula na baganigwa bāko, ugwe ukāli gwīsusīgwe na Mbepo Mwikémo. Lisimbo! Ugwe gwe itolo guli mūmo uyīlīle lilino, pene kukuti ugwe uli ni. . . ugwe usāmīle mu mbili ugūngi. Ugwe usanwisye itolo inyūmba. Iyi yālisīle ukuya ngangale, ugwe ukābagīle ukwingīsyāmo ifigelekelo pa yēne kāngi mma, amatapwa gāfikile pakubola. Uko ko kutalusya. Popāpo ugwe itolo gwatāgīle ikindu ikikūlu panja nukukileka ikyēne kikīndilīle ukubola pāsi, nukusāmīla mu yimo imbya. Ngimba uko ko kutalusya? “Kabuno linga ikitēmbe ikyamfu iki kikwēngeluka, uswe tuli nakyo kimo kikugūlīla.”

122 Ugwe mukukumbukila ilisiku limo, ukukīndamo mu ikyo? Akabalilo kāko umwāna unnini ikubūmbīgwa mūnda mwa māma, kangi iminnyofu iminnini igi gikubāya nukunyūla nukukīndīla. Lōli itolo nakalīnga itolo pāpo māma ikugwīsyā umwāna yula kangi u mwāna ali ku kīsu, ikindu kyākwānda, gulipo umbili gwamwambepo ukunyaka akambili akanandi akakipeligwa kala. Lumo u ngānga akipele ikyene aka. . . [Nkundwe Branham ikukuba ifiboko fyake—Nsimbī.] bo ulo, pamo ikindukimo ukukayugānia akēne, polelo, “Whaa, whaa, whaa!” Kangi nakalinga palapala ku libēle lya nna lila akēne kakubūkāga, “um, um, um,” kakwīnūsyā akatu kāke akanini

mmwanya na pāsi pamwanya pa libēle lya nna, ukupela indepa sya lupyu sila ukutwāla ulupyu.

<sup>123</sup> Akangwāta akanini, nakalinga itolo linga akēne kagwīle ukufuma ku nna, akēne kakusumukāga mmwanya pa tufūndo twāke utunini ukufuma pa maminiti manandi. Ngimba akēne kakubōmbāga fiki? Ukwēnda kulakula ukutalula kunyuma ukusyūngutīla, ukunkolelela u māma yula, nukwānda ukuyugānia untu gwāke unnini mmwanya-na-pāsi bo lula, nukulwāga ulupyu lwāke. Haleluya! Ena, nkulumba.

<sup>124</sup> Akabalilo kāko umbili gwakipeligwa ugu gukwīsa mwa umwēne, gulipo umbili gwamwambepo gukugūlīla kuli ugwēne.

<sup>125</sup> Kangi akabalilo kāko umbili gwakipeligwa ugu gugwīsyīgwe pāmfu, haleluya, gulipo gumo ugūngi gukugūlīla kwīsīlya! Uswe itolo tukusāma ukufuma mu gumo ukubūka mu gūngi, uswe tukusanusya amabuyo gītu ga kwītugasyāmo. Ugwakufya ugu gukufimbilisīgwa ukufwāla ubusitakufwa, ugwamwambepo ubu; ububolano ubu ukufwāla ubusitakubola. Ugu ugwaiyolo ugwāngīnya, gusepetwīke, umbili gwinēme mōsa, lōli ugwe gutisakwānduka ububonekelo bwāke napanandi, une ngusanusya ukuti akabalilo kāko ugwēne gukufika kwīsīlya kula, ugwe pōpe kwisakuyaga nu mbepo yilayila.

<sup>126</sup> Unko une mbapepo umwe akandukamo akanini aka kakupilikigwa kakuniemba kwa umwe, lōli akēne ko i Bāngéli, polelo une nisakubapa umwe kamo aka kīsakwābulāga ubuniembe ikyēne kuli umwe. Kētésya kimo iki. Akabalilo kāko ugwaiyolo Sauli, u—u mwalafyāle, u—u gwaiyolo undumbilili unywāmu ugwaiyolo gwakipānga-kipāgūke pāsi pala akabalilo kala, umwe mumenye, uyu āli nu ntu ni fibega pamwanya pa bēne bōsa, kangi āli nu lutēnde, abēne bakāmenye nakimo ikya Kikindekipeligwa. Davidi afimbilisīgwe ukwīsa nukuponesya akang’osi ukufuma nkanwa mwa ngalamu, ukugoga Goliati. Kētésya umwēne. Umwēne alinkubūka kubutali fiyo ukufuma kwa Kyāla, umwēne alinkfika ku kumbēnga uyu undumbilili umbunguluke-mwīkemo. Kangi mbuyo bwa kuya kuli umwēne, ukugela ukuntūla umwēne, umwēne alinkusanuka kukulwāna nu mwēne. Linga ikyo itolo kikaya kyakubonekela katikati, katikati kyakubonekela! Ukusāmbuka itolo ukufuma ku mwēne!

<sup>127</sup> Balinga bāli muno akabalilo kāko une nsōkengépo pa bwēndo bwāngu ubwākwānda, kangi nālūmbilīle, “Davidi ukugoga Goliati,” akabalilo kāko une nsōkengépo? Bīngi, bāmo, banandi ba kabalilo kaiyolo. Une nitēndekīsyā ukusōkāpo kāngi pa iki. Kumbukilāga iki, kēta iki itolo kyālisīle apa Pandungu ugu gwākīndāga? Ikyēne kikwēndela itolo mulamula mu kiyabo ikīngi. Ulusasanio lwa Davidi ulwa kibili, ikiyabo kya kibili kwa butumigwe bwāke. Ikyo kyo katikati kotalusya. Iki, polelo



umwene alinkuya mwalafyale pamwanya pa Israeli. Ketësya u butumígwe lilino bukwëndela pánja mu kiyabo ikinywámupo, ukusôka panja mbukulumbapo. Momũmo yôpe Davidi. Une ngukêtesua iki bo umwêne ikwîsa, Davidi, o, akabalilo kâko Kyâla alintëndíke Davidi ukusôka panja pala nukugoga u ngalamu, kêtësya, kangî ukugoga ikîndíngo, polelo ukugoga u mFilisiti. Lilino, pala palísilépo akabalilo apa Kyâla âpéle imbepo inyali kula ku mwanundumiana ugwiyolo uyu. Kangi ikya . . . Ku fiki? Ukumbênga Davidi. Kangi une ngwîtíka . . .

<sup>128</sup> Lilino, amatepi aga. Lilino pilikisya, bakundwe, umwe mwe muli pa matepi aga, linga umwe mukukâníkana na une, nswâga une. Muketile, une mbaganíle umwe. Une nguyaga pakwâgána na umwe kula kwísílya mulimôsa, muketile, 'nongwa yakuti linga ugwe gwe mũndu gwa Kyâla une nguyaga pakwâgana na ugwe mulimôsa. Loli, une ngulonda ukuyoba iki, apa iyi yo nongwa: Itolo panongwa yakuti Sauli âkêtíle ukuti Davidi âli nakyo ikindukimo iki umwêne akâli nakyo. Polelo fiki fyâbonike?

<sup>129</sup> Akanini akaiyolo “akafíte,” i Bângéli lyâyobilé ukuti umwêne âli “mfíte.” Yula akâli mwâna ummogi fiyo mma, “mfíte” kokuti itolo unnini ugwaiyolo u luko lwa uniôngafu ugwa mwînitú. Kangi umwêne âbúkíle panja pala, kangî Sauli, fiki, umwêne alinkufwâla ifilwílo fya Sauli pa mwêne, kangî une mbagíle ukwinogonela ikwâkusíga kyâlisíle mpaka na pâsi pamwanya pa njayo syâke. Kangi umwêne alinkuti, “Sosyâpo ikîndu iki ukufuma kwa une. Une—une ndi . . .” Lumo umwêne âlimpéle umwêne idigrii ya dokotala, i Ph.D. pamo L.L.D., pamo ikindukimo, umwe mumenye. Mũmo umwêne âyobilé, “Une ngamanya nakimo isya kîndu ikyo, panongwa yakuti une ngakisisimikisya ikyêne. Unko une njenakyo iki, kíkyo une mmenye iki une ngubômbelága.” Ena, nkulumba. Umwêne alinkwêga ifyâta.

<sup>130</sup> Kangi abêne bătëndíke Davidi ukuya nkalale panongwa yakuti abânabalîndwána, ifipânga, ifipânga fîmbága, “Sauli, âbagíle ukuti âgogíle amaelifu gâke, lôli Davidi agogíle agâke amalongo ga maelifu.”

<sup>131</sup> Polelo umwêne alinkuya gwakabini, “Ikyêne kyo kila ikyaiyolo ikîndu kya Ngamu ya Yeso, kikayako nakimo ku Kyêne.” Uko ko kotalusya. Kangi ngimba fyo fiki Kyala abombile ku mwene? Kyâla âtumile i mbepo inyali pa mwêne, ukumbênga Davidi, kangî umwêne âlimbêngíle Davidi kisita nongwa.

<sup>132</sup> Davidi âbagíle ukuniongótola amakosi gâke akabalilo kanandi. Umwêne âbagíle, lôli umwêne alinkukileka ikyêne kibûke. Umwêne akâyobilépo nakimo. Umwene naloliloli ângáli âbagíle ukubomba ikylene. Umwêne alinkukilania kula nukutumula unswígála gwa kijâsi kyâke, ikilo kimo, ukugomokela, alinkuti, “Kêta kuno, umwe mukétíle!” Ena,

nkulumba, umwēne āngali abagile ukubōmba icyēne, lōli umwēne itolo alinkundeka umwēne pamwēne. Umwēne ābagile ukubongotola ikilūndilo kyāke mōsa nukubabalanía abēne, nukwānda ikipāngánio ikya yūmwēne linga umwēne ālōndága. Lōli umwēne akābōmbīle icyēne, umwēne alinkundéka Sauli ukukīndilīla. Ukundeka Kyāla abōmba ubwīte. Ena, nkulumba.

<sup>133</sup> Popāpo bo umwēne ākīndilīle nkyēne panja kangi ulusasanio lwāmālīke pala, kangi ukufika pala, imbepo inyali yila yāfikīlepo nukuti Sauli alinkutoligwa ukuya nu kwāmuka nakumo ukufuma kwa Kyāla. Ukukīndapo akabalilo umwene. . . Mbepo gwa Ntwa aasokilemo ukufuma mwa mwēne. Kangi Samueli, yūyo uyu abēne bālīmpīkīle, yūyo uyu naloliloli āli Lisyu lya Kyāla ku bēne, yūyo uyu āyobīle ku bēne bo abēne bakāli nukulōnda ukubōmbela ngati kīsu. . .

<sup>134</sup> Ngimba ikipānga kikulōnda bulebule ukubōmbela ngati kīsu? Nongwa ya fiki Pentekosti, bōsīgwe, gwa Methodisti umwendelamo na Mbepo Mwikemo, na baBaptisti, kangi ba Presbeteri bikulōnda ukubōmbela ngati kīsu? Nongwa yafiki abēne bikubōmba icyēne? Une ngamanya. Une—une itolo ngutoligwa ukukipilikisya icyēne. Ugwe kuyoba, “Ena, icyēne kyo kyakusangulusya fiyo ukukina injuga, itolo panini panandi pangōwa ya busangulufu, itolo injuga panini ya pene ante,” kilikyōsa umwe mukukikōlela icyēne. Iyēne yo mbībi. Ugwe ulingasulwa ukuya nafyo ifindu fila mu nyūmba yāko. “Fiki, icyēne kikaya kyakufulasya ukunwa itolo akakopo akanini kanandi ka bwālwa. Uswe itolo tukunwa tunandi. Une nu nkasi gwāngu tukunwa tunandi ku namayolo.” Kangi ikindu kyākwānda umwe mumenye, abāna bīnu bikunwa panandi. Naloli icyēne kili.

<sup>135</sup> Kangi umwe bakīkūlu, hum, mōhési yo itolo atēndīke i. . . Ikyo kyo iki umwene ābōmbīle mbwandilo, kangi umwene naloliloli atēndīke ikyakutikapo ukufuma pa umwe bākalūmbu. Umwēne itolo ikubōmba ikyo itolo uku. . . nongwa yakuti umwēne amēnye iki umwēne abagile ukubōmba. Umwēne abagile ukusyōba unkīkūlu kaelifu nakalīngápo ukukīnda unnyāmbāla. Une mmenye icyēne kikufulasya ubwīpilike bwīne, lōli ikyo kyo Bwānalóli. Ikyo kyo katikati. Ikyo kyo iki umwene aabombile mu ngunda gwa Edeni. Umwēne abagile ukutēndéka. . . Lilino, umwēne āli gwanaloli-ndumbula, umwēne āli gwākwiýúla, lōli umwēne āsyōbīgwe. “Adamu akāsyōbīgwe mma,” i Bāngéli lyāyobīle. Umwēne akāsyōbīgwe mma, lōli umwēne unkīkūlu āsyōbīgwe. Popāpo umwēne abagile ukunsyōba umwēne unkīkūlu. Kangi pōpe abatimi bisakubūka itolo kulakula panja nukubīkamo abalūmbilili bakīkulu, ukubabīka abēne panja pamwanya pa filūndílo bo ulo, kangi i Bāngéli ili likukānisya icyēne ukufuma ku Bwāndílo ukubūku ku Busetuli. Ugwe kuyoba, “Mulimosa, ikylene kyōsa kili kanunu. Ikyene kyosa kili kanunu. Abene bali. . . Abene

babagile ukulumbilila itolo lulalula bo ulo.” Une mmenye ikyo kyo kotalusya.

<sup>136</sup> Ngiti yumo älyändíle ukuyoba mi ndimi akabalilo kamo, une ndinkukĩndilíla ukulũmbilíla kangĩ akabalilo kãko une nãlisile pãnja . . .

Unkíkúlu äyobíle ku mwanundumiana gwãngu, alinkuti, “Une ndinayo indumi iyakuti m’mbe kilabo nkilo,” alinkuti, “akabalilo kãko ugũso ikwĩsa pa kigemo.”

Alinkuti, “Ena, Nka., ngimba ugwe kusanusya fiki?”

<sup>137</sup> Kangi ikilo kila akabalilo kãko ikyẽne kyafikile ukwĩtẽndeke/sya, akabalilo kãko une nãlitẽndekĩsya ukutẽndeka ukukõléla kwa pakigemo, umwẽne alinkutendekesya inywĩli syãke mõsa nukukwãbila mmwanya amastokeni gãke na filifyõsa, alinkwitendekĩsya, alinkunyela pala pakati pa kipãlo nukwanda ukunyelanyela, alinkuyoba mu ndimi nukusolola. Une ndinkukĩndilíla ukulũmbilíla, ukutẽndeka ukukõléla kwãngu kwa pakigemo. Akabalilo kãko une ngakiyĩndikemo ikyẽne napanandi, ikyẽne kikãli kitalusye. Popapo lelo, ena, i Bãngéli liyobíle komma ukuti, lyãyobíle, “U—u Mbepo gwa basololi gukupilikila ku nsololi yula.” Kyala ali pa. . . Kyala ikuyoba ku kigemo, ndeke Umwene ayobe. Pauli äyobíle, “Linga ikĩndukimo kisetuligwe kwa yumo, unko umwe umwẽne ikolege mulutẽngãno lwãke mpaka uyungi yula amalĩsĩsye.” Uko ko kotalusya.

<sup>138</sup> Lilino, akabalilo kako une nãlisile panja, abandu aba balinkuti, ikibugutila ikinywãmu kya bandu, balinkuti, “Ugwe unsulumanisye Mbepo Mwikemo ikilo iki.”

Une ndinkuti, “Ngimba kiliku iki? Une ängali ngubombaga fiki?”

<sup>139</sup> Balinkuti, “Mulimosa, akabalilo kãko u kalũmbu yula äpéle i ndumi yila, haleluya,” balinkuti, “kila.”

“Fiki,” une njobile, “Une nalumbililaga. Umwene yo äsõkilépo pa lubãtiko.”

<sup>140</sup> “O,” balinkuti, “kila kyãli kipya itolo ukufuma pa Kikota. Kila kyo kipya ukukĩndãpo iki ugwe gwãlumbilíaga.” Uu!

<sup>141</sup> Lilino, ikyo itolo kikunãngĩsya i. . . ikyo kikunãngĩsya pamo iki, kangi une nguyoba ikyẽne ku luyĩndíko lwĩnu, pamo ubusyutano, pamo ukusitalũndíko, pamo ukumanyisya ukusitabumanyi aba bakamanya ikyakukĩndapo nakimo ukufwana na Kyãla ukukĩnda u kalulu amenye isya filato-fyãmatalála. Lilino, ikyo, une ndikuyoba ikyo ukuya u—u buyobelo bwabutoyofu, panongwa yakuti ubu bukaya buyo nabumo ukupul’isunga. Lõli ikyo kyo—ikyo kyo katikati bwãnãlõli. U mũndu uyu äbagile ukumanya ukuti Kyãla akaya yo mwãti gwa bufuluganikano mma. Umwe yo gwa lutẽngano. Ili Bãngéli abẽne bakamanya. Fyõsa ifi abẽne

bāménye akabōmbelo kyo kunyelanyela, ukuyoba mu ndimi, nukuyoba, “Une ndinagwe Mbepo Mwikemo. Haleluya!”

<sup>142</sup> Une nimile nukukēta, mu Africa, ungānga ugwabulosi ni findu ikuyoba, pankyēni pa maelifu mahano aga bēne pa kabalilo kamokēne; ikunyelanyela, ililopa pōsa pa fisyo fyābo, bikuyoba mu ndimi, nukunwa ililopa ukufuma mu mpaya gwa mūndu; ukukōléla pa mōhési, nukuyoba mu ndimi.

<sup>143</sup> Kangi pōpe ukuyoba mu ndimi yo kikūngilwa kya Kyāla, lōli ikyo kikaya busisimikisye busitakutoligwa bwa Mbepo Mwikemo. Unko une mbabūle umwe kila lilino. Une nalōlo ngwītika ukuti bōsa abikēmo abapakígwe bikuyoba mu ndimi. Une ngwītika u nnyāmbala utubalilo tumo akabalilo kāko ugwe kufika ukupakigwa fiyo na Kyāla mpaka ugwe kuyoba ni ndimi. Une ngwitika ikyo. Loli une ndikwitika iki mma ukuti ikyo kyo kimanyilo kilikyosa ugwe guli na Mbepo Mwikemo. Ena, nkulumba. Une ngusubila utubalilo tulipo akabalilo kāko ugwe uli nu lwītiko, umundu, ugwe gwabagile ukwēnda palapala pānja nukubika amaboko pa mwānike unnini uyu ali na kānsa, akabalilo kāko abālūmbilili batalile bākīputile akēne kangi akēne kābagile ukubūmbuluka panongwa yakuti u māma yula ali nu lwītiko kuli umwānike yula. Kyāla akipéle ikyēne ku mwēne, umwēne yo kiyabo gwa Mbili gwa Kristi. Ena, nkulumba. Une ngwītika ikyo. Une nkibwēne ikyo kikubōmbígwa kangi une mmenye ikyo kyo kwabwanalóli. Lōli iki ikyēne kili, kyo bika ikipānga ndubātiko, bika ndubātiko ukuti uswe tubagile ukubōmba.

<sup>144</sup> Lilino unko uswe tumalīsyē ilisyāle lya linandi ili apa bo tukāli uswe ukubūka.

...*ukufuma ukuti umwe mwāmbilile, umwe mwafungiligwe nu Mbepo mwikēmo gwa lufingo.*

<sup>145</sup> “Fūngilo!” Ngimba i Fūngilo kyo fiki? Ngimba i Fūngilo kyo fiki? Ikifūngilo kyo, ikindu ikyākwānda ikyēne kikunāngisya yo mbombo iyi yimalisigwe, imbombo imalisigwe. Ikindu ikyakukōnda ikyēne kikunāngisya bo bwenenakyo. Kangi ikindu ikikōnge ikyēne kikunāngisya ko kuponesigwa, ukukyūnga ikyēne.

<sup>146</sup> Tuyobe, ukwegelēla, une nālisibile ukubombela ku Pennsylvania Railroad, une nābōmbāga na tata gwāngu pa nsebwe gwa sitima. Uswe twasōndāga amagali. Kangi uswe twabīkāga nkati pāsi apa ku kampani yalusōndo iyi, uswe twābīkāga nkati mfitini, kangi twābīkāga gamo pamwanya *apa* kangi gamo pāsi *apa*, kangi gamo mmwanya injila *iyi*. Bo iligali lila bo likāli nukufungiligwamu siku, unketési ikwisa ukukīnda pala, kangi umwēne āgūtāga pa lyēne, ukusōpa pa limo *ili*, āyūgénie limo *lila*. “Aa! Tāga ilyēne! Agēne gisakubōngotōka mu tupatu bo agēne gakafika kula. Tāga ikyēne! Sosyāpo agēne. Andisya ukufuma kubwāndilo.” Unketési ātāgāga iligāli.

147 U Mbepo Mwikemo yo Nkētési. Umwēne ikukuyugania ugwe panandi, kangi ugwe kuywēga bo ngwāya. “Ngimba ugwe kwitika i Lisyu lyōsa ilya Kyala?”

“Une ndinkwītika ifindu fyaiyolo fila fya Ngamu ya Yeso.”

“Tāga icyēne. Ugwe gwe ngwāya.”

“Une ndikwītika mu bubumbulusyo Bwamwankyāla pamo ni findu bo ifyo.”

“Pōpe ngwāya. Basōsyāmo abēne pānja.”

“Ngimba umwe mukwitika Yeso Kristi, yo yuyo mmayolo . . .?”

“Eee, mu njila yimo.”

“Ugwe kungwāya. Kisōsyāpo icyēne panja, muketile, icyēne kikāli kikaya kyakwītendekésya mma.” Ena, nkulumba.

148 Nkundwe, akabalilo kako icyene kitendekisye ukuyoba, “Ameni!”

“Ngimba umwe gwambilile Mbepo Mwikemo?”

“Ameni!”

“Ngimba kilikyōsa kimalisígwe?”

“Ameni.” Polelo ngimba u Nkētési ikubōmba fiki? Kilikyōsa kipanganisígwe nkati kanunu kangi kikāmandéne, kīswīle ni Nongwainunu. O, i Lisyu Iya Kyāla lililyōsa lili kanunu. Kilikyōsa kili kipelelesye. “Une ngwitika i Lisyu lililyōsa. Ameni! Ameni! Ameni!”

“Ngimba ugwe kwītika ukuti Kyāla akāli ikubūmbulusya?”

“Ameni.”

“Ngimba ugwe kwītika Yeso, yulayula mmayolo na bwilanabwila?”

“Ameni.”

“Ngimba ugwe kwitika u Mbepo Mwikemo yo itolo bo gwanaloliloli bo mumo Umwēne āyililémo siku?”

“Ameni.”

“Ngimba ugwe kwītika u Mbepo yulayula āgwīle pa Pauli, ikugwa pa uswe?”

“Ameni.”

“Ngimba ugwe kwītika Umwēne ikubōmba ifindu filafila pa uswe, Umwēne ābōmbile pa bēne?”

“Ameni.” O, o, umwēne ikukāmandana lilino. Um-hum, ikuya nkāmandāne lilino, uswe twītēndekísya ukwīgála ikifigo. Umma ndaga.

149 Polelo u nkētési ikwīgála ikifigo. Ngimba umwēne ikubōmba fiki? Umwēne ikubikapo ifūngilo pa kyēne. Polelo umwēne ikufika pāsī apa nukwēga mmaboko fila ifipinyilo fya playala

ifya kīndu, ikufika ukukilania kula pa kindu ikinini iki nukufūnga kila. Ugwe kinunupo ulingābulāga ikyēne. Linga fila, ilīgāli, ubufikilo bwāke yo Boston, ikyēne kikabagila ukwīgulīgwe. Ubwēne bukuyaga busobi bufūdīgwe ukwīgula ifūngilo yila mpaka ikyēne kikufika ku Boston. Kangi u nnyāmba uyu ali nu bulagili abāgile ukwīgūla ifūngilo yila, kangi umwēne popāpo. Uko ko kutalusya. Ikyēne kiyīle kwa mwenenakyo ni kampani *yakuti-yakuti*. Iyēne yo fūngilo yābo. Ikyēne kyo busisimikisyo bwābo ukuti ilīgāli ili lipanganisigwe, ilīgāli ili lītēndekisye. Ilyēne lyābo abēne. Abēne bakābagile ukubīka i “B&O” pamwanya pa “Pennsylvania.” Ugwe kufimbilisigwa ukuya mfūngīgwe, kangi akabalilo kāko ikyēne kifūngīgwe.

<sup>150</sup> Kangi akabalilo kāko u Nkristi apanganisigwe ni Nongwainunu, isusigwe nu bununu bwa Kyāla, ifindu fyōsa ifya Kyāla fitūgēsye mu mwēne, ni ndumbula inyīgūke, itēndekisye ukubōmba, iganile ukubīkīgwa pamwēnepamwēne mbuyo, ukubōmba kalikōsa aka Mbepo Mwikēmo ikumbula umwēne ukubōmba, akilēnie ukufuma ku bufwe ukubūka ku Būmi, akemesigwe ukufuma ku findu fyōsa ifya nkīsu, ikwēnda mu Lumuli bo u Lumuli lukwīsa ku mwēne, ikubūka nkyēne, umwēne itēndekisye. Polelo Kyāla ikwīgāla ikifigo ikya kīsu kunyuma kwa mwēne, kangi ikukukoma ikyēne palikimo bo lula, nukufūnga umwēne nu Mbepo Mwikemo gwa lufingo. Haleluya! Butali buleble? Mpaka ku bufikilo. Komma ukumbīka umwēne panja pala pa nsebwe gwa sitima nukwānda ukwīgūla ikyēne nukukēta linga kilikyōsa kili kanunu kangi mma. Ikyēne kili kanunu mōsa, itolo kileka ikyēne pakyēne. U Nkētēsi abōmbīle akikētesisye ikyēne. Ngimba ugwe ufūngīgwe mpaka ndili? Mpaka ilisiku lya butabuligwe. Bo butali bulabule ugwe ufūngīgwe.

<sup>151</sup> “Ena, akabalilo kako ugwe kufwa, polelo, Nkundwe Branham, bule linga ugwe kufuma pāpo ugwe kufwa, ugwe kuti ugwe ukaali uli nakyo Ikyene?” Ugwe uli nakyo Ikyēne kwabwilababwila. Ngimba ku kūgu kūko u Būmi bukwāndila? Ku kigēmo. Palapala pala ugwe kukēta akayabo akanini aka nsyūngūlu. Ugo go nsyūngūlu, i Fūngilo ya Mbepo Mwikemo. Poleli ugwēne go nsyūngūlu gwa misyūngūlu gya misyūngūlu, bo mūmo une nāyobīle ilisiku ilīngi. Lōli akabalilo kāko ugwe kufwa, ugwe kūmilisya ukīndamo imisyūngūlu gila mpaka ugwe kwīsa ku bubūndāle, ukufuma ku bubūndāle ukubuka ku kanyībūko akanini akatōnye, ukufuma ku kanyībūko akanini ukubūka ku kasōko, ukufuma ku kasōko ukubūka ku kisōko, ukufuma ki kisōko ukubūka ku nyānja, muketile, iya lugano lwa Kyāla. Ugwe gwe itolo mūndu yulayula.

<sup>152</sup> Kēta kuno. Ugwitolo Sauli, ungomokelakunyuma ugwayyolo, umwēne alinkutōlīgwa ukwīsa kwa Kyāla, na pāpo umwēne akāli ntāyīgwe mma. Umwene naloliloli akāli mma.

Umwene aali nsololi, loli kukuti itolo umwene ali panja pa Kyāla. Iyo yo nongwa, bakündwe, une ndinkuti, “Ugwe ukaya ntāgigwe mma.” Popāpo polelo kumbukilāga, umwēne itolo asōkile pānja pa bwīgāne bwa Kyāla, popāpo polelo ikindu kyākwānda umwe mumenye, umwēne—imwēne alinkusita kwītīkīsyā. Lilino, lumo une ngābagīle ukuyoba ikyo. Umma ndaga, une ne itolo ngubūka nkyēne panongwa ya kilūndīlo ikihobofu ikilo iki. Popāpo polelo, umwe mumenye, kangī ikindu ikyākwānda, o, mwe, kokuti i . . . Umwene ābūkīle ku—ku Yurimu Tumimu.

153 Umwe mumenye iki Yurimu na Tumimu kyāli, ikyēne kyāli sahani ya pakipāmbāga, i efodi iyi—iyi Aroni āfwālāga. Kangī ikyēne kyāli akabalilo kōsa, Kyāla akabalilo kōsa āli yo Kyāla unkindakipeligwa ikwāmula mu njila ingindakipeligwa. Kangī akabalilo kāko u nsololi āsolwīle, kangī sila imuli isyambutitu sikalisila ukukilania kila Yurimu Tumimu, umwēne āli nsōbi. Akabalilo kāko unogogwanjosi āyobīle injosi kangī ikyēne kikāmulike pamwanya pa Yurimu Tumimu yula, une ndinkupāsya nubununu buki iyēne yāpilīkīgwāga, iyēne yāli nsōbi. Uko ko kotalusya.

154 Kangī une ndinkupāsya itolo katikati go ma digri malinga aga dokotala ugwe uli nago kangī ikipanganio kyāko kinywamu bulebule, akabalilo kāko ugwe kusolola pamo kulūmbilīla, ikyēne kikaya kyakufwāna ni Lisyu ili, ugwe gwe nsōbi, nkündwe. Ugwe gwe . . . Uyu yo Yurimu Tumimu gwa Kyāla. Abalilo kāko ugwe kuyoba ugwe ukamanyilīgwe ngāni bo lukālīgwa u lwālo lwa kīsu, umwēne atisakumulika, panongwa yakuti i Bāngēli lyāyobīle ugwe gwāli. Akabalilo kāko ugwe kuyoba ukuti ugwe ubagīle ukōsīgwa mu ngamu ya “Tāta, Mwanundumian, Mbepo Mwīkēmo,” ikyēne kitisakumulika, panongwa nayumo mwi Bāngēle ālyōsīgwēmo siki mu njila yila. Mwēne mu Ngamu ya Ntwa Yeso. Ikyēne kitisakumulika, popāpo kilipo ikindukimo kisobile pa buyobumo.

155 Popāpo Yurimu Tumimu akābagīle ukwāmūla Sauli ugwaiyolo, kangī umwēne alinkutoligwa nukuya ni njosi. Umwēne abūkīle ku butali fīyo mpaka umwēne ātolīgwāga nukuya ni njosi yimoyēne. Popāpo umwe mumenye iki umwēne ābōmbīle? Umwēne ābūkīle kula ku ndōsi, kangī u ndōsi gwiyo uyu, u ngānga ugwaiyolo ugwamōhēsī ukusuluka kula, ungānga undōsi. Kangī umwene alinkuti, “Ngimba ugwe ubagile ukulagula?”

156 Umwēne alinkuti, “Ena, lōli Sauli āyobīle umwēne ikugogaga aligwesa ikulagusya.”

157 Umwēne alinkuti, “Une nisakukuponesya ugwe,” afwēle bo mundu mwendapāsi. Umwēne alinkuti, “Ndagusilya kuli une kangī ndwālīla kuno ukufuma ku kīsu kya bafwe aba bakīndīlīle ukufuma kuno.” Lilino pilikīsyā iki. “Ndwālīla une u mbepo gwa Samuēli unsololi.”

158 Kangi umwēne alinkwīngīla mula uku—uku lagúla. Kangi, bo umwēne abōmbíle, umwēne alinkugwa pa kisyo kyāke, umwēne alinkuti, “Une ngukēta abakyāla bikwīsa kuno.” Muketile, umwene āli mwiputafifwani, “bakyala,” babili pamo batatu ba abene, bo ba Tata, Mwanundumiana, Mbepo Mwikemo, pamo ikindukimo bo ikyo, ugwe umenye. Umwene alinkuti—umwene alinkuti, “Une nguketa abakyala bikwisa mmwanya.”

159 Alinkuti, “Ndīngānie umwēne. Umwēne ikuboneka bulebule? Umwēne ikuboneka ngati fiki?”

160 Alinkuti, “Umwēne yo nsekele kangi umwēne ali ni kikingo pa fibega fyāke.” Umwēne akālyāndwíkemo na panini.

161 Umwēne alinkuti, “Ikyēne yo Samueli. Ntwāla umwēne nkyūmba iki, ntwāla umwēne pankyēni pa une.”

162 Kangi kētésya akabalilo kāko Samueli ikwīsa pankyēni pa Sauli, umwēne alinkuti, “Nongwa ya fiki ugwe ungōlile une, namanga ugwe gwīsile ukuya ndugu gwa Kyāla?” Kangi kētésya. Fikuti umwēne ākālī āli Samueli mwēne mma, umwēne ākālī ālyumilísye i mbepo ya busololi. Yoba ikyēne kisóbi, unko yumo ayobe ikyēne kyo kisobi. Ikyēne kyo Bwanalōli! Umwēne ākālī āli nsololi. Kabuno umwēne alinkuti, umwēne alinkusolola nukuti, “Ubwīte bukubūka ululwana na ugwe kilabo, kangi ugwe na bāna bāko mwisakugwa mbwīte, kangi pa kabalilo aka kilabo nkilo ugwe kwisakuyaga na une.” Ngimba isyo ndalusye? Umwene ākālī āli nsololi!

Lilino ugwe kuyoba, “O, loli uyo āli yo ndósi ābōmbíle ikyo.”

163 Umma ndaga, une ngukubūlága ugwe Yumo uyu akālī ndósi. Yeso ālyēgíle Peteri, Yākóbo, na Yohani, kangi ābūkile pamwanya ku Kyāmba Lwānduko akabalilo kamo, kangi ālimile pala pamwanya pa kyāmba. Kangi, Yeso, Kyāla afwíkaga u Mwanundumiana Gwāke; ngati mūmo ngugela iki . . . nālī nakyo ikilo ikingi, ukufwika u mwanundumiana. Kangi akabalilo kāko abēne bābōmbíle, abēne balinkukelēngānia nukusyāgānia ukuti pala ālimile Mōse na Eliya. Abēne bāyobāga, ukuyobesānia. Komma utundēmbéla utwēlu utunīni tukwēléla ukusyūngutíla, pamo utubīngu utwēlu utunini, tutigi, tukwēléla ukusyūngutíla. Lōli abēne bālī banyāmbála, bikuyoba. Mōse āsyilígwe mu lipūmba ilisitakusīmbígwa ku fyīnja bamia lwēle. Kangi Eliya ābūkile ku Kāya mu giléta, ifyīnja bamia bahano. Kangi apa bosa-babili bālipo, bakālī itolo nukuya būmu mūmo abēne bālīmo siku būmi, bimile pala bikuyoba ku Mwēne bo Umwēne akālī ukubūka ku Kalvari. Haleluya! “Fungīgwe mpaka ilisiku lya butalo bwītu!”

164 Une nguyaga mwēngo, kangi polelo uswe twisakwīgalága ’nongwa yakuti ukwēne kwīlile, kangi une ngwīputilaga ababine, kifuki amaminiti mahano aga kongelelāpo. Ilinandi lya 14, bala, unku une mbale ilya 13 kangi, lyāga ilyēne, ulwālo.



*Mwa yūyo umwe . . . mwāsūbile, ukufuma pāpo umwe  
mwāpilike ilisyu lya u bwānalóli, inongwainunu ya  
bupoki bwāko: . . .*

<sup>165</sup> Lilino kumbukilaga, ngimba bupoki buki abēne bali nabo? Aba bāli—aba bāli Bakristi ba Efesi. Abēne, lilino kēta, ngimba umwe mwāketesísye a Bakorinti? Umwe akabalilo kōsa āfimbilisigwāga ukubabūla abēne, “Akabalilo kāko une ngwīsa pakati pa umwe, yumo ali nu lulimi, yumo ali nu lulimi, yumo ali nu lwīmbo, yumo ali nu busololi, yumo ali . . .” Muketile, umwēne alinkutoligwa ukubamayisya abēne nakimo, ’nongwa yakuti abēne akabalilo kōsa bānyonywāga *iki, kila* pamo *ikingi*. Abāndu aba bāli ni kīndu kilakila, lōli abēne bāli nakyo ikyēne ndubātiko. Umwēne akāmanyisyémo siku a Bakorinti nakimo bo iki, umwēne akābagīle, ikipānga kikāli ndubātiko ukukimanyísya ikyēne. Lilino, umwēne ābagīle ukubamanyisya abāndu aba ifīndu ifyanalóli.

*. . . iki, ubupoki bwīnu: mwa yūyo yōpe ukufuma . . .  
umwe mwālītike, umwe mwāfungilígwe nu Mbepo  
mwīkémó gwa lufīngo,*

*Iki kyo kikoleléla-ngāni . . . (O, unko une ngīsanie  
ikyo) . . . ikikoleléla-ngāni kya kilīngo mpaka . . .  
butabulo bwa bukabi ubuhōmbigwe, ku lutūfyo lwa  
lwīmiko lwāko.*

Whuu!

<sup>166</sup> Ngimba u Mbepo Mwīkémó yo fiki? Lilino, polelo une ngubalaga ili lisyēle ilya ilyēne nubwēngo linga umwe mukwikasyāga na une panandi. Ngimba uswe twāli kūgu ikilo ikīngi, Nkundwe Mike? Kūko abēne bāli lōsa basangalufu, o, kilikyōsa kyāli lutēngāno, lūla lwāli lugāno ulupelelesye. Lilino, akabalilo kōsa ugwe kwīsa injila *iyi* ugwe kugwa pāsi panini, ukugwa. Ugwe akabalilo kōsa ugwe kutēndēka ilikato, ugwe kwīsa amainchi kifukiko. Akabalilo kāke ikyēne kikufika pāsi pa kīsu, ugwe uli nago u nsyūngūlu gwa nsyūngūlu gwa misyūngūlu. Lilino, ubu bo bwīngi bwa Mbepo Mwīkémó ugwe uli nagwe mwa ugwe. Ulo lo lugāno. Lōli, o, ugwe kūmīlīlwa ku kīndu kimo.

<sup>167</sup> O, ngabagana mma abāndu abakāngāle, abāndu abakāngāle . . . Mūmo une ngulōndéla ukugomokela nukuya kalongo na fihano kāngi, malongo mabili! O, une mbagīle ukupa kalikōsa. Ngimba kyo kinuku nki ikyēne kikubōmbāga lwa une? Une mbagīle ukuya kalongo na fihano nukufwa pōpe ikilo iki. Ukwēne kukaya kuisimikisígwe. Bule linga ugwe gwāli kalongo na fihano ikilo iki, ngimba ugwe kumānya bulebule ukuti kali māma āngāli mūmi, nkabalilo aka ugwe kufikāga ku kāya, pamo mma? Ngimba ugwe kumanyaga bulebule ugwe kufikāga ku kāya? Ngimba ugwe kumanya bulebule ugwe kuyaga mūmi kilabo linga ugwe uli ni fyinja kalongo na fibili

mbukūsi, ubukafu ubupelelesye? Ugwe lumu kugogigwága mbufulale, ukugwa mfwāno, kalikōsa kabagīle ukuboneka kwa ugwe. Kisitakusisimikisígwa, muketile. Kikayapo nakimo apa ikisisimikisye. Lōli ugwe kunyonywa kila. Ikyene kyo fiki? Ikyene kyo mmwanya Kula ukupela ugwe ukunyonywa ikyene.

<sup>168</sup> Lilino, ugwe kwēnda mu Iki, polelo ugwe uli nu Būmi Bwasyēpwa. Lilino ngimba fiki iki ikyēne kikuboneka? Ikyēne kyo “kikoleléla-ngāni.”

<sup>169</sup> Ngimba yo fiki ihela ngoleléla ngāni pa kalikōsa? Linga une ngwīsa kwa ugwe ukūla iligáli, une nguyoba, “Ngimba silinga iligáli lila?”

<sup>170</sup> Ugwe kuyoba, “Iligáli ili, Nkundwe Branham, likukwēgelága ugwe amadola maelifu matatu.”

“Ngimba isyakuhōmbako tāsi syo silinga?”

“Ena, une ngūkwitikisyága ugwe uye nalyo ilyēne pa madōla bamia bahāno.”

<sup>171</sup> “Umma ndaga, apa yilipo amadola bamhia bahano. Une nisa—une nisa kutwāla isyāle ya iyēne kwa ugwe ukabalilo kamo, nakalīnga mūmo une mbagīle. Ugwe koleléla iligáli.” Une ngukupa amadola bamia bahano, ikyo kyo kyakukoleléla-ngāni. Ngimba uko ko kutalusya?

<sup>172</sup> Lilino, koleléla iyo, iyēne yo “kikoleléla-ngāni,” ukwēne ko “kuhōmbako panini.”

. . . ukufuma pāpo umwe *mwafūngilígwe* nu . . . *Mbepo gwa lufingo*, i . . . *Mbepo gwa lufingo*, . . . ukufuma pāpo umwe *mwafūngilígwe* . . .

*Iki kyo . . .*

Fiki? Ngimba i Fungilo ya lufingo yo fiki, Mbepo Mwikémo gwa lufingo?

*Iki kyo kikoleléla-ngāni kya kilingo mpaka . . . butabulo bwa bukabi ubuhōmbigwe, . . .*

<sup>173</sup> Ngimba ikyēne kyo fiki? Ukwēne ko kuhōmbako panini. Kangi, nkundwe, o, o, o, o, balūmbilili! Linga uku ko kuhōmbako panini, ngimba ikyēne kikuyaga fiki akabalilo kāko uswe tukugika kula! Ngimba ukwēne kukwakuyaga fiki? Linga iki kyo . . . Linga iki kyo iki uswe tukwīkyéla lilino, nukuya basangalufu fiyo mpaka . . . une mbabwēne abanyāmbála ifyinja malongo mahano na mana itolo ukwīsa pala . . .

<sup>174</sup> Une mbabwēne abalūmbilili abakāngále aba basumwike mmwanya ikilo kimo. Umwēne ikusōka pānja, umwēne alinkuti . . . Bo *iki*, ukusōka ukufuma ku kigemo. Kangi une ndinkuti, “Unnyambala uyu ikuyaga pakulumbilila?”

<sup>175</sup> Umwēne alinkuti, “Ena, sayaga u Ntwa.” Unkāngále umwinitu ugwālāngi, ikijāsi ikikulumba ikinywāmu ikyaiyolo kitali afwēle.

176 Une ndinkuti, “Ngimba nongwa ya fiki abēne bakabalekága bala abalumbilili abakeke ukulumbilila? U nnyambála unkāngále yula, ngimba umwēne abagile ukulumbilila bulebule?”

177 Umwēne, “Mulimōsa,” umwēne alinkuti, “bakūndwe,” umwēne alinkuti, “umwīsyūgu une nāpilikága abakūndwe bikulumbilila ilisiku lyōsa ilitali,” umwēne alinkuti, “isya ifi Yeso ābōmbila pa kīsu. Une nguyaga pakubabūla iki Umwēne ābōmbile mMwanya.” Umwēne alinkuti, “Une ngwegaga ilisimbo ikilo iki ukufuma kwa Yobu 7:27,” alinkuti, “akabalilo kāko ikyēne kyāli kubutali kunyuma kula bo lukāli ulwālo lwa kīsu,” alinkuti, “akabalilo kāko Umwēne āyobīle indondwa syakulubunju syālīmbole palikimo kangi abanabalumiāna ba Kyāla balinkuywēga mbusangulufu.” Ukwānda bo ulo. Alinkuti, “Umwe mumenye iki, kalipo kābūkile akandukamo aka kabōmbigwága kunyuma kula.” Umwēne alinkuti, “Umwe mumenye. . .” Kangi umwēne alinkwānda ukutwāla nkyēni iki kyābonīke pa buyo mMwanya. Umwēne alinkukitwāla ikyēne pāsi ikipingafula ikilāmbalale mu Kwīsa kwakibili. Kifuki akabalilo kala, Mbepo Mwīkēmo alinkuntika umwēne. Lilino, abene balinkufimbilisigwa ukundongosya u mwinitu unkāngále uyu, umwēne āli ni fyinja malongo-mahano-namana-na fihano mbukusi. Umwēne yo itolo ali bo *iki*, inēme mōsa, kangi itolo akakolofwa akanini aka nywīli, umwe mumenye, bo *ulu*. Alinkufika panja pala kangi umwēne alinkwānda ukulumbilila, alinkuti, “Whuupi! Haleluya! Lwīmīko!” Alinkwānda ukunyelanyela bo lula. Alinkuti, “O, umwe mukaya ni fwāsi iyakufwāne apa ukuti un ndumbililēpo.” Kangi alinkwāndako, pāsi pa kipālo bo lula, nubukafu mūmo umwēne ābagile ukubūka. Kangi ikyo kyo itolo kikolelēla-ngāni. O!

178 Ngimba u Mbepo Mwīkēmo ikubōmba fiki? O, apa bulipo ubuyo ubununu, unko une mbāle ilinandi lya 1 ilya ntu unkōnge. Ngimba une mbagile ukubomba ikyo? Ngimba ikyēne kili kanunu? Yoba, “Ameni.” [Ikilundilo kikuyoba, “Ameni!”—Nsimbī.] Umma ndaga, ilinandi lya 1 ilya ntu gwa 2 nakalinga. Pilikisya:

Umwe, mwe mwāli. . .umwe. . .*Kangi umwe mwe umwēne asumwīsyē, mwe mwāli yumo. . .mwāli bafwe mu ngilanio ni mbibi:*

179 “Umwe Umwēne abasūmwīsyē.” Ngimba *abasūmwīsyē* kokuti fiki? “Atēndike ukuya būmi.” Itolo kifuki kimalike, lōli Umwēne āsūmwīsyē ugwe itolo ni hela ingolelēla-ngāni. Ngimba ikyēne kisakuyaga bulebule akabalilo kāko ugwe—akabalilo kāko ugwe naloliloli kukaba fyosa ifiyabo fihōmbigwepo? O! Kisita kuswīga Pauli, anyakilīgwe mu mmwanya mwakitatu, alinkuti, “Ikisige kikakēta; imbulukutu yikapilika; pamo fikuti ikyēne kikīngila nkati, ukwīngila indumbula ya mūndu, ifi Kyāla

ali nafyo kuli abēne (mbukyūngilo) aba bānganīle Umwēne.” Ngimba ikyēne kisakuyaga fiki! Ugwe kuyoba isya busangulufu ubusitakuyobigwa kangī ukwisula nu lwīmīko! Whuu! Uhm! Umwe mwe akabalilo kamo mwāli bafwe mu mbībi ni ngilanio Umwēne asūmwīsyā palikimo ukwisila mu nsyūngūlu gwa nsyūngūlu gwa misyūngūlu. Ngimba ukwēne kwisakuyaga fiki akabalilo kāko ugwe kwīsa ku nsyūngūlu gwa misyūngūlu ukwingila mu nsyūngūlu, u nsyūngūle polelo mu kasōko, a kasōko nkisōko, i kisōko mu nyānja?

<sup>180</sup> Kangī ngimba ikyēne kyo fiki akabalilo kāko ugwe uli pa njila panja pala mu butabulo, nu mbili umpya lōsa, ugwe gwāndwīke ukugomokela ku nnyāmbala untubwa mōsa kāngī, pamo unkīkulu untubwa, ugwe utisakufwāmo siku kangī mma? Kangī ugwe kukēta pa kīsu, nukwīnogona, “Une nābagīle ukwīkyēla imipesa gimo kangī na mīsi amatalalifu gamo, lōli, umwe mumenye, une ngakifūmbwa ikyēne kuno. Lōli ilisiku limo Yeso ikwīsa, kangī ugu umbili gwabāndūmi, ugu umbili gwabunyakyāla ugu une ngwītugasyāmo...” Gutisakwisila mūnda mwa nkīkulu kangī mma, ugwe gutisakwisila nkinywonywo kya kugonana kangī mma; lōli panongwa yakuti Umwēne apāpīgwe kisita kinyonyo kya kugonana, une nisakusyūsigwāga kisita ugwēne, kangī Umwēne isakuyoba ilisiku limo kangī abafwe mwa Kristi bisakusyūka, kangī umbili gula ugu une akabalilo kamo nālitūgesyēmo gwisakusyūka ukuya mbili gwālwmīko, kangī une nisakwēnda kangī une nisakuyoba, kangī une nisakwītūgāsyā kangī une nisakwīkyēla (haleluya), une nisakwītūgasyā ukukīnda mu ngulilo Syasyēpwa isi sikwīsa, ukwisila mwa Yeso Kristi u Ntwa gwītu. Whuu! Mwakēta lelo umwe, nkundwe, iyo yo Nongwainunu!

<sup>181</sup> “Panongwa ya iki une nīne,” Pauli yo itolo ukutubūla lilino iki umwēne ali. Une nisakubalāga ikisyāle kya iki kangī polelo uswe tukwīputilāga ababine. “Mpaka ifyabukabi, iki kyo kuhōmbako-ngāni mpaka ifyakukaba, ku ndufyo sya lwīmīko Lwāke.”

*Yōnōngwa une nīne, ukufuma pāpo une nāpilīke isya lwītīko lwīnu (Une nāpilīke ukuti umwe mukwītīka ifīndu ifi, une nāpilīke ukuti umwe naloliloli mwālītīke mu kumanyila-ngāni, Būmi Bwasyēpwa, kangī ubupoki, na fyosa bo ifyo) mwa Ntwa Yeso, nu lugano kwa mwēsa... abīkēmo,*

*Ndikulekelesya mma ukugwa ulupi kwa umwe, ukutēndēka ukuyobelapo isya umwe mu nyīpūto syāngu;*

*Ukuti u Kyala ugwa Ntwa Yeso Kristi, Tāta gwa lwīmīko, abagīle ukupa kwa umwe u mbepo gwa mahala nu busetuli... ubumanyi bwa umwēne: Itolo ikūmīlīsyā*

ukwisetula Mwēne kwa ugwe akabalilo kōsa, ukukula ukufuma ku lipyāna ukubūka ku lipyāna, ukufuma ku maka ukubūka ku maka, ulwīmiko ukubūka ku lwīmiko. Komma ukugwila kunyuma; kangi, lōli ukufuma ku lwīmiko ukubūka ku lwīmiko, ukūmilisya ukwēndela nkyēni. Une ngūmilisyāga ukubīputīla umwe.

*I kisige—i fisige fya kupilikisya . . .*

<sup>182</sup> Hum! Umwe mumenye, mwi Bāngēli lyāyobīle ukuti ugwe gwāli mfwamaso kangi ukamēnye ikyēne. Lōli apa Pauli āyobīle, “Une ngwīpūtāga ukuti ifisigw fyīnu fya kupilikisya . . .” Ugwe kupilikisya ni ndumbula yāko. Ikyo kyo iki umwēne ikuyobelapo. Ugwe kuketa ni kisige kyāko, loli ugwe kuketesa ni numbula yako. Ugwe umenye ikyo. Umma ndaga. “Uyo yo Kyāla gwa Lwīmiko . . .” Unko uswe tukēte, ilinandi lya 18.

*Ifisige fwa kupilikisya kwīnu ukuya fimulikigwe; ukuti umwe mubagile ukumanya iki kyo lusūbilo lwa kukōleligwa, kangi iki kyo bukabi bwa . . . lwīmiko lwa kilingo kyāke mu bīkēmo,*

*Kangi iki kyo bukulumba ubukīnde ubwa maka gāke kuli ulubafu lwītu . . . (whuu! Abēne bikuti amaka gakīndīle? Amaka gakāli gakafika nukufika mma tāsi) . . . aba bikwītika, ukufwana nu bubōmbelo bwa maka gāke amakulumba, (Umwe mwe mwītike ku bubōmbelo bwa maka Gāke amakulumba, Une ngusuma itolo ukuti Kyala isakonenelaga itolo amaka Gake pa ugwe. Muketile?)*

*Iki umwēne ābōmbīle mwa Kristi, akabalilo kāko umwēne ālisyūsisye umwēne ukufuma—umwēne ukufuma ku bafwe, kangi ukuntūgasya umwēne ku kiboko kyāke ikitalusye mu . . . mabuyo gwammwanya,*

*Pabutali pamwanya . . . ubukulimba, . . . amaka, . . . maka, . . . ubulagili, kangi ukuti ingamu yiliyosa iyi yipēgigw’ingamu, . . .*

<sup>183</sup> O, o, o! Gwibwe- . . . Umma, une kinunuko ndingaboomba umma. Uswe twaabagile naloliloli ukweega ikilo kyosa pa ikyo.

*. . . ingamu yiliyosa iyi yikoooleligwe, komma kweene ku kiisu iki, loli kila mu kiisu iki kikwiisa:*

<sup>184</sup> Ngimba kokuti fiki yiliyosa—ngimba ingamu yiliyosa kokuti fiki? Ingamu yiliyosa ya mundu aligwesa isakupapaga Ngamu ya fiki? [Ikilundilo kikuyoba, “Yeso.”—Nsimbi.] Ku Mwanja koosa kiningamu Yeso. Kyosa i Kipanga kiningamu ya Yeso. Kilikyosa kiningamu ya Yeso, kabuno iyene yo yeene i Ngamu iyi Kyaala aalimo nayo siku. Umweene ikukoleligwa Yehova: Yehova-yire, i Likemo ilipiigwe nu Ntwa; Yehova-rafa, u Ntwa uyu ikukubuumbulunya ugwe; Yehova, u Ntwa yo ndembela, Manase;

kangi Yehova, aba Yehova abakiindane. Umweene ikukoleligwa Ndondwa Yakulubuunju. Umweene yo Tata, Umweene yo Mwanundumiana, Umweene yo Mbepo Mwikemo. Umweene yo Alfa, Umweene yo Omega. Umweene yo Bwaandilo, Umweene yo Bumalikisyo. Umweene ikukoleligwa Lusamba. O, Umweene ikukoleligwa. . . Umweene yo itolo ikukoleligwa uluko loosa lwa mapalo, loli Umweene aali ni Ngamu yimoyene.

<sup>185</sup> Ikyo kyo iki Mwikemo Matai aayobela ngapo, akabalilo kaako Umweene aayobile, “Buuka umwe lelo kangi kamanyisye ifikolo fyosa, ukubosya abeene mu Ngamu,” komma mu ngamu nyingi, “mu Ngamu yimoyene ya Tata, Mwanundumiana, kangi Mbepo Mwikemo.” Tata yikaya ngamu, Mwanundumiana yikaya ngamu, Mbepo Mwikemo yikaya ngamu. Agene go mapalo ku Ngamu. Iyeene yo Ngamu ya fyakubagilila ifi fyake Kyala. Ngimba i Ngamu Yake yo fiki? U Gwandumi aayobile, “Ugwe kunkoolelaga i Ngamu Yake. . .” [Ikilundilo kikuyoba, “Yeso.”—Nsimbi.] “kabuno Umwene isakupokaga abandu Bake ukufuma ku butulwanongwa bwabo.” Iyo yo nongwa abeene boosa boosyaga mu njila yila mwi Bangeli. Iyo yo njila iyi Mwikemo Augustine alimmosisye u Mwalafyaale gwa England, ukufwana—ukufwana ifyinja mia yumo na malongo mahano, bamia babili ukufuma ku bufwe bwa Kristi, mu Ngamu ya Yeso Kristi. Umma ndaga.

*Kubutali pamwanya . . . ubukulumba, . . . amaka, . . . maka, . . . ubulagili, ukuti—ukuti ingamu yiliyosa iyi yikoleligwemo, komma mweene mu kisu iki, loli mope mu kila iki kikwiisa:*

*Kangi naloli abiikile ifindu fyosa pasi pa njayo syaake, kangi naloli ampeele umweene ukuya ntu pamwanya pa findu fyosa ku kipanga,*

*Ugu go mbili gwake, . . .*

<sup>186</sup> Lilino, linga umbili gwaangu guli na maka pamwanya pa findu fyosa, polelo iki umbili gwaangu guli kyo iki une ndi. Ngimba ikyo kitalusye? Ikyo kyo iki une ndi, ikyo kyo iki ugwe umenye une ukuya. Ngimba ikyo kitalusye? Mulimosa, Polelo, fyosa ifi Kyala aali, Umweene aalyoonile mwa Yeso, kabuno Umwene aali yo bwisusye bwa Bwakyala mu mbili. Ngimba ikyo kitalusye? Kangi fyosa ifi Yeso aali, Umweene aalyoonile mu Kipanga, “Ifindu ifi fifyo Une nguboomba, mwisakubombaga fyosa ifindu na yuyumwe. Kangi inywamupo ukukinda isi mwisakubombaga umwe, kabuno Une ngubuka kwa Tata.”

*Iki mu mbili gwaake, ubwiisusye bwa umweene ubu bukwisusya mu fyosa.*

<sup>187</sup> O, mumo une nkiganiile ikyo! Mumo une nkiganiile ikyo! Une naabalaga ilisiku limo ubuuku uyu aasiimbiigwe isya bwendo une naabuukile ukuluumbilila—ukuluumbilila mu Africa. Ngabalilemo siku akene kaali kakwanda. Balinga aba

babalilemo siku u buuku, *Nsololi Ikuyaatila Africa?* Nkati mula une naakeetaga u ndumiana gwa kiHindi. Balinga bakibweene ikipiicha kila?

<sup>188</sup> Une naapilike u ndumbilili yumo, niiputilaga ababine kifuki ifyinja kalongo na fihano pamo ukongelelapo, umwene alinkuti, “Une ngaakibwenemo siku i kiika kiboombigwemo mbumi bwangu.” Umwene alinkuti, “Une ngetile abandu aba baayobile abeene baali nuntu umbabe, babumbulwiike. Une mbabweene abandu bikuyoba abeene bali na munda mububabe, balinkuya kanunu, na fyosa bo ifyo. Loli i kika, ikindukimo iki kipeliigwe nukupela ikindukimo. . . .”

<sup>189</sup> Une ndinkwinogona ukuti undumiana yula alondigwaga ukuti aalimile pala nukukibona kila. Ikilundi kya ndumiana gwa kiHindi kila kyaali itolo kifuki *ulu* ubunywamu, kimo mwa fyeene. Ikingi kyaali kilindu kinunu ngati kilundi kya baandu. Kangi, linga umwe muketesya, ikisulu kyaake, pala kyalipo ikilato kyaake kifuki mainchi kalongo na mana pamo mainchi kalongo na mahanao ubufyuuke, bo ulu. Umweene aali nu lwaalo lwa kisulu paasi pa ikyeene. Ikilato kyaake kyaalitugesye pamwanya pa mayengo mabili amatali aga gaaliimile. Umweene alinkusegelela kula kuuko une naaliimile, abeene balintweele umweene pamwanya pala. Umweene aali ifyakwigemekesya fibili. Umweene alinkweega ikilato ikinywamu kyakisulu iki kangi alinkukitikila pasi bo lula. Une ndikukeeta ikilundi kyaake, ikyeene kya kifuki *ulo* ubunywamu ukusyungutila.

<sup>190</sup> Lilino, abandu bala bo gwaMuhamadi, baMuhamadi. Ngimba umwe mukukumbukila Pandungu ugu gwaakindaga akabalilo kaako une naabalili kwa umwe iki ifikalatasi fyafiimbilisigwaga ukusiimba? Une ndinakyo ikyeene papapa apa nimweene, ukufuma ku Africa, kitumigwe kw aune nu ntumigwa gwiutu yu agomwikeko, Nkundwe Stricker. Ako ko kapango muumo Billy Graham agomokiile nyuma pa kyeene. Katikati. Abeene baalitikisye ugwa kiMuhamadi ukubaguta abeene mulamula mu nyanja. Ngimba fiki fitamisye? Abatumigwa bikusookamo mu nguunda. Ngimba yo mbombo nki iya kwituugasya kabalilo katalipo? Abene bo itolo bakomiigwe.

<sup>191</sup> Une nunganile Billy Graham, kangi ngwinogona umweene yo nnyambala unnunu gwa Kyala. Loli iki Billy Graham alondigwaga ukuti angali ansitaakile umwene nakyu, ukuti, “Gulila I miniti. . . .” linga bamo mwa aba abibiike-bakafu aba kiBaptisti babagiile ukummwitikisya umweene ukuboomba ikyeene, une ngwitika umweene angali aboombile ikyeene. Une ngwitika Billy Graham yo nnyambala gwa Kyala. Loli linga umweene abagile ukuyoba, “Gulila i miniti! Une ne mbombi gwa Nongwainunu. Ugwe kwitika mu Lwitikano Ulukulu, kangi ugwe gwayobile Yeso akaali nakimo loli nnyambala itolo. Une ngukusasania ugwe ku lukanikano.” Une ndikwiitika ukumwega

u mohesi ku lukanikano, umma nkulumba, loli une angali nukanikene umweene ukugomokesya, nukuyoba, “Unko ugwe na une twise palikimo. Une ne Dokotala gwa Bunyakyala,” Billy Graham yo Dokotala gwa Bunyakyala, “unko une nganikane na ugwe pa iki, kangi unko une nsisimikisye kwa ugwe ukuti Yeso aali yo Kristi yula. Lilino, akabalilo kaako ikyeene kikwiisa ku bubumbulusyo Bwakyala, une ngaya nafyo ifikuungilwa fila, loli uswe tuli na abakuundwe bamo aba bikuboomba. Lilino, linga ugwe kulonda ukubawala abene panja pala, unko une itolo ngoolele yumo gwa abene, Oral Roberts pamo umunduyumo, umunduyumo uyu ali nu butumigwe ubukulumba uyu abagile naloliloli ukufika kula.” Gwise kulakula, kangi Polelo ukukeeta iki kyaabonike pa buyo, nukuyoba, “Ikikristi kikaya iki ugwe kwinozona ikyeene kili.”

<sup>192</sup> Lilino aligwesa ukwipilika asulumanisigwe panongwa yakuti umweene aasookilepo itolo nukundeka umweene. Tukwitikisya, lilino, une ndikwiitika mwakuti u mohesi akupega ugwe ukutaatikana. Une numfunyile amata nkisyo kyaake nine bo ulo, nukusookapo ukufuma ku mweene. Uko ko kotalusya. Loli akabalilo kaako ukweene kukwiisa ku buyo kuuko... Billy angali abagile—aabagile ukumpela u gwaMuhamadi yula ukwipilika ngati ko kalisu kanini bo *ulo*. Umweene angali egile i Bangeli lila nukweega Yesaya 9:6, nukuyoba, “Ngimba yo Ywaani uyu umweene ayobelaga ngapo, ‘Kwa uswe u Mwana apaapigwe, kwa uswe u Mwanundumiana apegigwe?’ Ali ywaani u Nnyambala uyu? Ali yo ywaani Uyu uyu umweene ayobelaga ngapo? Ali ywani u Nsololi uyu? Ali ywani u Mesiya uyu yuyo isaga? Nnaangisya une kuuko Umweene aalitweele Mweene mwa Muhamadi. ‘Umwene afulasigwe panongwa ya ngilano syoutu, aapaliigwe panongwa ya butulwanongwa bwitu, u lufundo lwa luteengano lwiitu lwaali pa Mweene, ni filabelabe Fyaake ifya fikoti uswe twabuumbulusiigwe.’ Nnangisye ikyeene kw aune mwa Muhamadi. Ngimba Umweene akuutile bulebule, ‘Kyala Gwangu, Kyala Gwangu, nongwa ya fiku Ugwe undaagile Une? Abeene baatobwiile amaboko Gaake ni njayo Syaake,’ ni fingi bo ifyo? Nnangisya une ukwisila mu lisyu lyiinu, ulwitikano lwinu lweene.” Fiki, umweene angali antobiisye u gwaMuhamadi yula kibibi fiyo mpaka umweene angali akaameenye kuuko umweene aaliko. Uko ko kotalusya.

<sup>193</sup> Lōli akabalilo kāko ikalatasi yila yafimbilisigwagwa ukusyumbutuka ukusyungutila, ikyo kyo iki kyāfuléseye, iki kyāpelile indumbula yāngu ukunyēla. Akabalilo kāko iyēne yāyobīle pala, “Palema nalinga Billy afimbilisigwa ukugomola kangī atēndīke ukugomola, abagile bulebule ugwaMuhamadi ukuyoba ukuti ilyēne kyāli lisobi,” yāyobīle, “akabalilo kāko Rev. William Branham ku Durban, South Africa, pa kika ukubuka pa kika ukusitakutatikigwa, Amaka Gamwakyala, akabalilo kāko abaMuhamadi maelifu kalongo bāgwīle pa fisyo



fyābo pa kabalilo kamokene nukutwāla ubūmi bwābo kwa Yeso Kristi.” Naloliloli. Abēne bamenye ukufwana ni kyēne. Bala abalwālo bamenye ukufwana ni kyēne. Komma ugwe ukumbula une.

<sup>194</sup> Akabalilo kamo aalipo yumoywene uyu ikwisa kwa Yeso, alinkuti, “Rabi!” Umwe mumenye umwēne āli mFarisai. Alinkuti, “Uswe tumenye Ugwe gwe Mmanyisi gwisile ukufuma kwa Kyala. Uswe tumenye ikylene. Uswe tumenye ikylene, panongwa yakuti nayumo umundu abagile ukubomba ifindu ifi Ugwe kubōmba pene papo Kyala ayege na yumwene. Uswe tukupilikisya. Uswe tumenye ikylene. Lōli uswe itolo tukutoligwa ukufumusya ikyēne, muketile, ’nongwa yakuti linga uswe tukufumusya, ena, uswe twisakubīkigwāga panja pa kipānga kyītu. Muketile, uswe twisakutāga uluyīndīko.” Kangi popāpo Yeso alinkuyoba, ukwanda ukumbūla umwēne ikufimbilisigwa ukupāpigwa kabubili.

<sup>195</sup> Pa ndumiana yula u gwaMohamadi, akabalilo kāko umwēne imaga pala, pala kilipo ikipiicha kyāke. I kamera yitisakwegelela ubusyōbi. Pala umwēne imile pala, ikilūndi kimo kipimbapo bo ulo (kifuka mainchi kalongo na mana) ukukīnda ikīngi kila, imile pa kilato kya kisulu kila. Ndinkuti ku mwene, une ndinkuti, “Ugwe kuyoba i Kingereza?”

<sup>196</sup> “Umma, nkulumba.” Akābagīle ukuyoba i Kingereza. Unsanusi alinkuti, “Umwēne atikuyoba i Kingereza.”

“Kabalilo katali bulebule ugwe gwa mu njila iyo?” Unsanusi alinkundālúsya umwēne.

“Ukufuma kubupapigwe.”

“Ngimba ugwe ubagīle ukwēndesya ikilūndilo na panandi?”

“Umma, nkulumba.”

“Ngimba ugwe kwitika mwa Yeso Kristi?”

Alinkuti, “Une ndi gwaMuhamadi.”

Une ndinkuti, “Ngimba kumwitikaga Yeso Kristi linga Umwene isakupelaga ugwe uyege kanunu?”

<sup>197</sup> “Une ngwitikisyaga Yeso Kristi ukuya Mpoki gwangu linga Umwene isakupelaga une ukuya kanunu.”

<sup>198</sup> “Linga Umwēne isakukupelaga ugwe ukuya kanunu, ikilūndi kila kikwīsa ngati ikīngi, ugwe kwisa kumwitikīsyā Umwēne?”

“Une ngumbōmbāga.”

<sup>199</sup> “Ena, Kyāla, ngimba kwisakubōmba fiki Ugwe?” Iki kyo kīndu ikikōnge; amalālúsyo gōsa gāmūlīgwe. Nkundwe Mike, uko ko kwīpilīka. Une ngugūlīla itolo i miniti ukukēta iki Umwēne āyāga pakuyoba. Une ndikukēta ukukilania kula nukukēta undumiana ikubūka, ikwēnda mula, ngati mulubafu lwa kibūmba bo ulo. Une ndinkuti, “Balinga ba umwe

baMuhamadi mwisakwītikisya icyēne? Apa alipo undumiana gwaMuhamadi, nketa umwēne, mwimika umwēne pamwanya pala.” Une ndinkuti, “Umwe bagānga, umwe mukulonda ukunketa umwene? Pala umwene imile.” O, ugwe kumanya pāpo ugwe ulipo lēlo. Muketile, ugwe kumanya pāpo ugwe gwīmīle. Nayumo. . . Pala umwēne alipo.

<sup>200</sup> Une ndinkuti, “Enda ukukilania injila iyi, mwanundumiana.” Kangi abēne balinkummwaga umwēne, apa umwēne ikwīsa. (“Ta-lampu, ta-lampu.”) Une ndikuti, “Kikuboneka ngati kalongo na mabili, kalongo na mana mainchi kipīmbāpo. kifuki ngati *pala*.”

“Ena.”

<sup>201</sup> Une ndinkuyoba, “Loli Yeso Kristi u Mwanundumiana gwa Kyala abagile ukupela umwene ayege kanunu. Ngimba umwe baMuhamadi mwisakwītika icyēne nukwitikisya Umwēne ukuya Mpoki gwakonagwako?”

<sup>202</sup> Galipo amaelifu ga maboko gala amatītu galinkubūka mmwanya panja ukukīnda bo ulo. “Ena, Ntwa, lilino ko kabalilo.” Une ndinkuti, “Tāta Gwakumwanya, linga Ugwe gwāmwilémo siku, nyāmulāga une lilino, iki kyo kwa Lwīmīko Lwāko, iki kyo kwa Ugwe. Une ngusuma Ugwe mpela undumiana uyu ayēge kanunu.” Une itolo nālipūtīle pa wēne bo ulo.

<sup>203</sup> Une ndinkuti, “Fula ikilato kyāko.” Umwēne alinkungeta une nikiswīgo naloli, unsanusi. Une ndinkuti, “Fula ikilato kyāko.” Umwēne alinkwābula icyēne. Nongw yakuti une nābombīle nākētīle imboniboni, iki kyāyāga pakuboneka. Umwēne alinkufūla ikindu kila. Akabalilo kāko umwēne akigomokisye icyēne kunyuma nukwēnda ukukilania pala ukwisa kwa une, gōsa-mabili amalūndi itolo kanunu, bo gosa-mabili ga agēne gikwēnda ngati mapya. Une ndinkuti, “Ugwe kulonda ukwēnda ukugomokela kangī nu kwīsa?”

<sup>204</sup> Umwēne alinkwānda ukukūta bo ulo, ukugomokela nukwīsa, umwēne akāmenye icyakubōmba. Ukwēnda bo lula, umwēne alinkuti, “O Allah! Allah!”

Une ndinkuti, “Yeso! Yeso!”

O, o, o! “O Yesu! O Yesu,” polelo. “Yesu! Yesu,” bo ulo.

Une ndinkuti, “Ngimba galipo amalālusyo galigōsa, amalālusyo galigosa?”

<sup>205</sup> Julius Sadskev, balinga bammenye umwēne? Nkundwe Stadskev isilepo apa ku kipānga; itolo—itolō ābūkīle ku Germany. Alinkuti, “Gūlila panandi, Nkundwe Branham, gulila panandi itolo.” Ukutwāla ukomapīcha nakalinga itolo. “Ngimba une mbagīle ukwēga ikipīcha kyāke?”

Une ndinkuti, “Itula gwimwene.”

206 “Endela *kuno*, imika ikilato kyāko *apa*.” Umwēne alinkwīma bo ulo, alinkwēga ikipicha kya ndumiana pala, na gosa-mabili amalūndi itolo manunu kangi gagolwike mūmo agēne gābagile ukuya. Pala kilinkwimba ikilato kyāke ikikūlu ni fisulu fyakwigemesya, bo *ulo*, bo *ulo*.

207 Une ndinkuti, “Balinga ba umwe baMuhamadi lilino mukukāna Muhamadi ukuya nsololi, kangi ukwītika Yeso ukuya Mwanundumiana gwa Kyala, kangi ukummwitikisya Umwene ukuya Mpoki gwakonagwako?” Amaboko maelifu kalongo galinkubūka mmwanya. Haleluya! Abēne batikulōnda i . . .

208 Abēne bikugela ukukifisa kunyuma, panongwa yakuti uswe twe “bikemo babunguluke,” abēne bikutukōléla uswe, umwe muketile. Itolo pōpe, Kyāla ikwēnda. Umwēne ikubika mbuyo i Kipanga Kyāke. Umwe ikubōmba mbukīnde, mbwīngi pamwanya pa fyōsa ifi uswe twābagile nukubōmba pamo nukwinogona. Umwēne itolo nabubwīngi yo Kyāla mūmo Umwēne alimo siku.

209 Popāpo, mwe banini binangu, unko une mbabūle umwe ikindukimo lululu ulu. Mwe bāndu bāngu baganigwa bapala, umwe muli apa mu kīsu iki, kangi abāngi mu kīsu kya tepi iki kisakuyaga kwisīlya-lya-nyanji kangi kulikōsa umwe muliko, komma ukuya bālutēnde. Filifyōsa fili kanunu. Tāta Kyāla, bo lukāligwa ulwālo lwa kīsu, āménye kilikyōsa iki kyāyāga pakuboneka. Kilikyōsa kikubōmba itolo mulamula. Umwe munganile Umwēne? Kyungāga indumbula yāko yiyege kanunu.

210 Kangi, kumbukila, akabalilo kāko umuyi ugu gukukīnda ukufuma ku būmi ubu, kwa umwe bāndu baiyolo pamo kwa umwe bandu bakeke, kangi umwe ba māma, akabalilo kāko umwe mukukēta abana bīnu abanini, yula unnini umwana undindwana uyu āfwīle akabalilo kāko umwēne akāfikile amasiku lwēle mbukusi pamo amasiku mahano mbukusi, umwēne isakuyaga nkikūlu unkeke ummogi akabalilo kāko umwe mukumbona umwēne. Yula ugwiyo Mwīsukulu āli mosa nkonyoka-nyuma fiyo, umwēne ātamigwāga ukukēta kūko umwēne ābūkāga; akabalilo kāko ugwe kumbona umwēne, mbūya, umwēne isakuyaga u nnuu ummogi unnyāmbāla unkeke, itolo bo nkeke bo kifuki fyīnja malongo mabili mbukusi, itolo mbununu bwa butubwa. Kangi umwēne isakuyaga injila yila bwilanabwila. Ugwe ubagile ukupalamasya ikiboko kyake, ugwe ubagile ukuponiamifiboko numwene. Ugwe kwisakusopa ingongi syāko ukūbatila umwēne, lōli umwēne atisakuya “ndumego,” umwēne isakuyaga “nkundwe.” O, mwe! Umwēne isakuyaga nkulumbapo fiyo ukukinda “ndumēgo.” Ugwe kwino-gona gwālinganile umwēne? Naloli ugwe gwābōmbīle. Lōli lula lwāli *phileo*; gūlīla mpaka ugwe kukaba *agapao*. Gūlīla mpaka lula ulwanaloliloli ulugano Lwakyala lukukole, kangi polelo kēta iki kili. Iki apa itolo kyo kili bo ikyaiyolo ikitagilēko

ikyālyósi, ikyēne kikaya kinunu, kikayako nakimo ku kyēne. Ikindu kyēne une ngukufūnda ugwe ukubōmba lilino, kyo iki, gwāngu—gwāngu—gwāngu mwīnāngu . . .

<sup>211</sup> Pitasipo une nisaku . . . Ngimba umwe mubagile ukulōndu ukuti une nsande pa mitu mibili gila akabalilo kamo? U Ntwa . . . Une—une ngulondigwa ukutusya itolo panandi bo ngali ukubūka ku Chautauqua. Lilino, une ngabagile ukulūmbilīla ifindu ifi mu ngomano sila. Kula siliko nyingi fiyo insita . . . nyingi fiyo inyītiko. Umwe muketile? Iki kyo itolo kipānga kyēne. Muketile? Une ngabagila . . . Une ndinu bwābūke ukulūmbilīla nkati muno kilikyosa une ngulōnda. Iki kyo kitembe kyangu, muketile, kangi une ngubabula umwe. Lilino, une ngwitika abandu aba bapokígwe. Ena, nkulumba, une naloliloli ngwitika ikyene. Lōli, o, bo bwīngipo bulebule ikyēne kili ukwēnda akabalilo kāko ugwe umenye pāpo ugwe kwēndéla. Bo bwīngi bule, kumanya, itolo ukumanya iki ugwe kubōmba, umwe muketile, mbuyo bwa kupepeluka, ukwītābania mulamula. Unko uswe twīme mmwānya mu Lumuli, nukwēnda mu Lumuli nukumanya yo njilanki umwe mukubūkáko. Ikyo kyo kyabwanaloli. Untwa ayege na numwe.

<sup>212</sup> Kangi linga aligwesa gwa umwe muno lilino akabīkígwa pabuyo gakenagake! Ugwe ubagile ukuya nakimo lōli nkasi-gwa-panyumba. Ena, ugwe kuyoba, “Nkundwe Branham, une ngabombamo siku ikindu kimokyene mbumi bwāngu. Une ngaya undumbilili yumo mma.” Ena, lumo Kyāla ākutwéle ugwe apa ukukusya ikikolo kya bāna, ukufuma ku kikolo kila kya bāna kubagile ukwisa ikikolo ikingi ikyā bāna uyu isakuyaga ndumbilili uyu isakutuma imyoyo imiliyoni yimo kwa Kristi. Ugwe gwafimbilisigwága ukuyapo apa. Ugwe uli apa pa nongwa. Ngimba umwe mwakimenye ikyo?

<sup>213</sup> Ena, umwe mukuyoba, “Kyosa une mbombilemo siku, kyāli, ukukumba ukukilania mmatipa gaiyolo. Kangi une nabagile ukwiyēga panja, ukulābila namayolo, ngamenye mūmo fikuti tukubapela abāna bangu ukuya būmi. Une nabakētīle abinitu abanini abapelakisa ukuya basita filato. Une nitūgesyemo pasi nukukuta. Une ndinako akagali akakūlu, kangi une na Maw twābukaga ku kipānga.” Komma ugwe ukupānya, nkundwe. Ugwe umilisyaga ukungana Umwēne, Umwēne alinayo inongwa kuli ugwe. Ugwe yaga itolo mu njila iyi mulimo, itolo kīndililāga. Muketile? Ugwe lumo ukulūmbililāmo siku ubulūmbilili nabumo, lōli ugwe ubagile ukuya yo mwisukulu-mwisukulu gwa yumo uyu isakubōmba ikyēne.

<sup>214</sup> Ngimba umwe mwakimenye ukuti Kyāla ālinhōmbīle (Unko uswe tukēte lilino, ngimba ingamu yāke yali fiki?) Levi, ukuhomba ikyakalongo akabalilo kāko umwēne āli nduyungu lwa Abraham, akabalilo kāko Melekisedeki ālyāgéne nagwe? Balinga bamenye ikyo? Kangi unko uswe tukēte. Abraham āpāpīle Isāki, Isāki āpāpīle Yākóbo, Yākóbo āpāpīle Levi;

uyu yo āli tāta, mwīsukūlu, mwīsukūlu-mwīsukūli; akabalilo kāko umwēne āli nduyungu, mu mbeyu ya mwīsukūlu-mwīsukūlu gwāke, i Bāngéli lyālintufifye umwēne panongwa ya kuhōmba ifyakalongo kwa Melekisedeki. Mwe, mwe, mwe, mwe! Nkundwe! O! Une ne . . .

<sup>215</sup> Alipo pala unnini—alipo unnini unnyāmbāla uNgereza āpīndwike kubwa kula ikilo kimo ku England, umwene alinkuti, “Une ndinsangalufu fiyo! Une ndinsangalufu fiyo!”

<sup>216</sup> Ena, nhobwike fiyo ukuti ikyo kyo kyabwanaloli! Kangi ilisiku limo ilyalwīmiko, une ngamanya mo ndili ilisiku lila lisakuyaga, lōli linga yila yāli mboniboni, une ndikuyoba une nāli apa. Kumbukilaga, akabalilo kōsa yaga na iki mu linogona, abakoleléla bali bōmbaga lululo. Kali une naali mu mboniboni, pamo ukupīmbāgwa mwa Mbepo, une ngamanya. Lōli ikyēne kyāli itolo bo kyābwanaloli bo mūmo une ngukoleléla u Nkundwe Neville bo *ulo*, itolo kyanaloliloli. Kangi une nābagile ukukēta nukuyoba na bandu bala. Kangi pala pālīmīle unkasi gwāngu gwakwānda, umwēne akakōlīle “ndume gwāngu,” umwēne ātīle, “nkundwe gwāngu unganigwa.”

Pala ālīmīle undīndwāna uyi une nālisibīle ukubūka nāgwe ifyīnja ifi fikīndilēpo.

<sup>217</sup> Lumo bamo mwa bāndu bāke bitugesye muno, Alice Lewis ukufuma ku Utica, unnunu fiyo, nsūbilīgwa ndīndwāna Nkristi. Alyēgīgwe akābīle panandi mbumi, kangi āli nu mmwana gwāke gwājwānda nukufwa mu mbāpo. Alice Lewis, une nālyēndīle mula nnyumba ya nīfwa ukunkēta umwēne. Une nāfikile itolo ku kāya, une ndinkupilika umwēne āfwīle. Une nābūkīle ukusuluka kula, akālīmo nayumo nkyūmba kila, une ndinkuti, “Ngimba alipo unkīkūle apa, Nka . . .” Ingamu yāke āli Emmerke. Kangi umwene alyegile undumiana unnunu uNkristi, kangi umwene ali ndindwana unnunu uNkristi. Une nāli palikimo nu ndīndwana yula kulikōsa, uluko losa lwa mabuyo na filifyosa. Kangi itolo tuli bāna, kalongo na fitatu, kalongo na fina ifyīnja mbukusi, kulikosa, unnunu uNkristi, ngakamenyemo siki nakamo ukufwana nu mwēne lōli ki Kikristi ikyanaloliloli. Kangi une nāli ntulwanongwa. Loli une nālisibīle ukubūka nagwe. Une ndinkwīngila mula . . . Kangi undume gwāke āli Nkristi umpāpīgwe-kabili, unnyāmbāla gwanaloliloli. Kangi une ngāmēnye; une nāmēnye umwēne āfwīle, une nakibwēne mu kalatasi gwa nyuzi. Kangi une nābūkīle kula kangi abēne bālīmbūlīle une. Une ndikubūka ukusuluka kula kwa Coots’ kangi une ndinkuyoba, “Ngimba umwe muli nagwe u Nka. Emmerke?”

Umwēne, “Billy, umwēne ali itolo nkyumba mula.”

<sup>218</sup> Une ndinkubūka mula nkyūmba nukwīma pala pa lubafu lya bokosi. Une ndinkwinogona, “Alice, une nendilēmo mmabuyo ga ngīsi ukukīnda, une nendilemo mmisebwe igyangisa. Ugwe

na une twëndíle palikimo ukusuluka imisebwe kangi pási ukukilania kifuki ikisōko, akabalilo káko abène bālisibile ukuya na mabwāto ga kibonekesyo, uswe twitugasyága pási kula nukupilikisya ikimbyoto kila kikukuba. Ukufyūka nukusuluka ntusebwe, yo nkíkúlunki ugwe gwāli! Múmo une ngupālisya Kyāla panongwa ya būmi bwāko. Tūsyā, ilumbu gwāngu umpala, tūsyā mu lutēngāno lwa Kyāla.”

219 Kangi ikilo ikingi mu mboniboni, pala umwēne alinkwisa ikubopela kwa une. Umwēne alinkuti, “Gwe nkundwe gwāngu unsayigwa,” nukusopa ingongi syāke ukunyūbatíla une. O, o, nkundwe na kalumbu, ikyēne kinyāndwíle une. Une ngabagíla ukuya yulayula kangi mma. Ikyēne kyo kyanaloliloli fiyo! Ikyēne kyo itolo—ikyēne kyo itolo kyānaloliloli bo une ngukukétéla ugwe, itolo kyanaloliloli bo ulo. Popāpo, lukayapo no lutēnde nalumo. Une mbagíle ukufwa bo ikilo kikamalika.

220 Une ngulonda ukukusya undumiana gwāngu kunyuma kula, Yosefu. Une ngulonda ukunkēta umwēne mu kigémo, akabalilo káko une mbagíle ukwēga i Bāngéli ili . . . akabalilo káko une ngufika ku buyo une nguketa Yosefu nkigémo ikulūmbilíla ukuya u—ukuya nnyāmbála nkeke isusígwe na Mbepo Mwikemo, apakígwe na Mbepo gwa Kyāla pa mwēne. Kangi une ngwitika umwene isakuyaga nsololi. Ilisiku akabalilo káko une—akabalilo káko une—akabalilo káko une nālimbwēne ifyinja fihano na kimo bo umwēne akāli akapāpígwa, umwe mukukūmbukíla une ngubabūla umwe umwēne ísaga. Mukukumbukíla iki une nālinkólíle umwēne, palapala pala pa lubafu lwa kigémo, kisita kumanya iki une nāyobága, ngwípútíla abāna, une nāyobíle, “Yosefu, ugwe gwe nsololi.”

221 Kangi ilisiku ilingi nimile panja pa lubingilo, umwēne ikwísa mula kwa une, kangí umwēne, “Bāba, ngimba Yeso alinakyo ikiboko bo icyāko?”

Kangi une ndinkuti, “Mulimosa, ena, mwanangu. Fiki?”

222 Umwēne alinkuti, “Une nālitūgésye pa njinga yāngu, nguketeléla Sarah” uyu yo kalumbu gwāke unnini, “ukwísa kukāya ukufuma ku sukulu.” Nitūgésye panja pala. Une ndisakundeka umwēne ukubūka panja pa nsebwe, umwēne ālitūgésye kunyuma bo *ulu*. Kangi alinkuti, “Une ngetile mmwanya, kangí,” alinkuti, “akabalilo kako une naabombile, pala kyālipo ikiboko bo kyāko, kifwele ikiboko kyasyati inyēlu kikungoleléla une.” Kangi alinkuti, “Ikyēne kilinkukīndilíla ukufyūka mmwanya.” Alinkuti, “Ngimba kila kyāli kiboko kya Yeso kikufyūka mmwanya?” Une ndinkukēta ku nna, unna alinkukēta kwa une. Uswe tulinkubūka kwa Nka. Wood. Kulikosa kūko umwēne aliko, itūgésye apa. Uswe tulinkundalusania umwēne, apa na apo ni njila yiliyosa uswe twābagíle. Iyēne yāli mboniboni. Umwēne ākétíle iyēne. Akabalilo káko une mbagíle ukukēta akabalilo ka Yosefu

unnini ikwīma . . . Une ngusūbīla une nguyaga mūmi ukumbona umwēne ikwēga, linga Yeso ikukābilapo.

223 Kangi une ne nnyāmbāla unkāngāle, imbuha sikwelela ukusyūngutīla mmakosi apa. Une ndumile . . . Une ngulōnda ukutuma imyoyo amamiliyoni mabili pamo matatu ukongelelāpo ukongelelāpo kwa Kristi linga une mbagīle nububagililo. Ubwēne bo busisimikisi bwāngu ukulūmbilīla i Nongwainunu ku nguto yiliyōsa ya kīsu kya pāsi. Ena, nkulumba. Popāpa, ndula une, Kyāla, une nisakubōmba ikyēne. Polelo, akabalilo kako une mbagīle ukuketa ukuti akabalilo kafikile, Nkundwe Mike.

224 Une mbagīle ukukēta ku kabalilo Mama, Meda, une ngunkōlēla umwēne, nganigwa gwāngu, muketile, umwēne yo . . . uswe twandīle ukukāngāla, kēta inywīli syāke sikwāndūka mbulufu, kangi kēta uswe tukusōkāpo, tukusimilila.

225 Rebekah, une ngupalisya panongwa ya Rebekah. Ummanyisi gwāke gwakwimbakwimba ālimbūlīle une ikilo ikingi, alinkuti, “Mwe, linga umwēne ikūmilisya ikyo mmwanya, Nkundwe Branham,” ikuti, “ikyēne kikafu ukuyoba iki umwēne isakubōmba.” Muketile, ukukīndilīla mu fyakwimbakwimba. Une ngulōnda umwēne, kangi une ngulōnda . . . Une ngulōnda Sarah pa orogani, Becky pa piano, une ngulōnda Joseph nkīgemo.

226 Akabalilo kāko une mbagīle ukukibona ikyo kikuboneka, kangi une na Mama tubagīle ukupepelukila nkati, une pa kakota kāngu akaiyolo, ikilo kimo, ukusuluka pāsi mula mu nsebwa, kangi une mbagīle ukukēta nkati kula nukunkēta undumiana gwāngu imile pala apakīgwe na Mbepo Mwikemo, ukulumbilīla i Nongwainunu yiyiyi. Une ngulōnda ukwēga i Bāngēli ilyaiyolo iki, nukuti, “Mwanundumiana, apa Ilyēne lyo ili, Ilyēne lyo lyāko. Ugwe gwime ni Lyēne, komma ugwe ukugomosyako na pa Lisyu limolyene. Ugwe gwime pa Lyēne, luuki. Komma ugwe, komma ukupāsyā, une ndikupāsyā uyu ikulwana na ugwe, yūyo yo ikulwana, Kyāla isakuyaga kuli ugwe. Ugwe lūmbilīla i Lisyu lililyosa itolo mu njila Ilyēne lisimbilīgwe nkati Mula, kangi Bāba isakukuketelelāga ugwe kukilania ulusōko.” Une ngulōnda ukufikila ukusyūngutīla nukummwēga umwēne mu ngongi syāngu, unkasi gwāngu, nukuloboka Yorodani.

227 Mpaka akabalilo kala, Kyāla, unko une nsyale pa ngunda, nsūbilīgwa! Nyitikisya une! Une ndikupāsyā iki untengo guli, pamo balinga, iki une ngubōmba, pamo *iki*, *kila*, pamo *ikingi*. Unko une nsyāle nsūbilīgwa kangi gwabwanaloli ku Lisyu lwa Kyāla gwābūmi, ukuti akabalilo kāko ilisiku lila likwisa kangi une ndobwīke kula, kangi une mbagīle ukukēta ukukilania nukuti, “Apa ugwe ulipo. O, mwināngu mpala, nkundwe gwāngu mpala, kalumbu gwāngu mpala.”

228 Ndumbilili nkeke, bükága mu ngúnda, syálága muliyòko. Mwèsa umwe balumbilili bakeke ni findu, komma ukwitùgásya itolo. Komma umwe ikwitùgásya itolo nukubõmba nakimo. Bûka pánja kula kangì kakabe u mōyo. Bõmba kimo! Bûka nkyèni, andaga ukwènda. Komma ukwîma, ndumbilili unkeke apo. Kyála asaye indumbula yâko.

229 Umwène ikungũmbusya une isya kabalilo kâko une nâli nu bukusi bula, une ngusakikisya, kangì lumò ndinkekepo panini ukukînda umwène. Une nâli itolo kifuki ifyinja malongo mabili ni kindukimo mbukusi akabalilo kâko une nâlága ibwe lwa panguto pala. Une ngukũmbukila une nâlisibîle ukufwála ilijekete lya bluu ni sulubali inyêlu, kangì nâlîmîle pala nukwála ibwe lya panguto lila kifuki ifyînja malongo-matatu-na-kimo ifi fikîndîle. Kêta mûmo une nâyîlîle nkusi, une nâli itolo ndumiana. Itolo nimile pala, ngwála ibwe lya panguto lila. Une ngagomosyamo siku ni Lisyu limolyène. Une ngyungîle Ilyène katikati munjila une nâyâlîle ibwe lwa panguto lila. Kwisilya ko ubukêti bwângu bulambalele kwisilya, kûko une nâsimbilîle ubwène pa lyâni yakubwîgulilo lwa i Bângéli, nukulilepulako ilyène nukulilâmbalika ilyène m'ibwe lya panguto lila kangì umwène akâli alambalele pala. kangì ubwène bulisîmbigwága mmâni ga Lisyu Lyasyépwa lwa Kyála ku Mwanya. Unko une nîme gwabwanaloli ku bumalikisyo.

Unko uswe twinamisye imitu gyitu lilino itolo pakabalilo ku lwiputo.

230 Mu kwîgala kwa kilo iki, ukwîgala kwa ifi, untu gumogwène, iki kyo kisitakwitikisigwa. Umwe mukulõndígwa ukuya nu gûngi, na mûmo umwène ikukîndilîla nukubîka i Kipanga mbuyo Bwâke. Une nisakutwâlaga icyène kwa umwe, Kyala itikisyege. Une ngufîmbilisigwaga itolo ukuya nu butusy'ubunini lilino bo ngâli une ngabûka mu Chautaugua kwisilya, ku lukomano ulungi ulunywâmu, polelo une ngukilania kula ukufuma kula ukubuka ku Oklahoma, ukufuma kula ukukîndilîla ku Klamath Falls, polelo ukufuma ku Klamath Falls ukukîndilîla ukusulukîla ku California, ukufyuka mu Yakima, une ndisakuyaga ngomwîke mpaka u Ogasiti unkonge pa lya 15.

231 Lõli kêta, unko une ngulâlúsye ugwe ukîndukimo, linga ikîndukimo kibagîle ukuboneka kwa ugwe pamo une bo akabalilo kala kakwîsa, linga une mbagîle ukukilania kula kukisòko ukubûka nKîsu kila, pamo linga ugwe ubagîle ukukîlania bo kakâli akabalilo kala ukubûku nKîsu kila, ngimba ugwe kwîpilika ubusisimikisi ikilo iki ukuti uswe twisakwâgána kula mu Buyo bula? Linga ugwe kubomba, fyusya ikiboko kyako, yoba, “Une ngwîpilika ubusisimikisi mu ndumbula yângu.” Kyala akusaye indumbula yako. Kyala akusaye ugwe. Linga alipo yumo apa uyu atikwîpilika ubusisimikisi ukuti abène bikuyaga kula, kangì bikulõnda ukuyoba, “Ngumbukilaga une,



Nkundwe Branham, ukuti une njege nu busisimikisi,” fyusya mmwanya ikiboko kyāko, “Une ngulonda ukuyako kula, nine.” Kyala akusaye ugwe, nkikulu. Kyala akusaye ugwe.

<sup>232</sup> Gwegwītu Tāta Gwakumwanya, uswe tukuwāla kwa Ugwe ikilo iki ikilūndīlo iki, ikiboko kilikyōsa, mūmo une ngumanyila, kyāli mmwanya, bōsa ukupāgūla umundu yumoywēne, umoyo gumo umpala gwītūgēsya kunyuma kula, itolo bikupāsya panini ukuti kali abēne bisakuloboka kula ku Kīsu, kūko kuliko ulwakufwana ulwanaloliloli u lugano Lwakyala mu ndumbula syābo, mu ndumbula ya nkīkūlu umpala yula, ukuti umwēne ikwīsāga ku Kīsu kila linga umwēne āfwāga ikilo iki, ngimba ikyēne kyabagile ukukwābila umoyo gwāke unkatale ukubūka mu Kīsu Kyālufingō kya Kyāla?

<sup>233</sup> Tāta ku Mwānya, bo mūmo une nimīle apa pa kigemo iki nukulūmbilīla, kangī njīli na mafuke, nukukūta, nukusūma, nukupepeka, unko une nsūme kwa Ugwe kamokene itolo, Ntwa, unko une nsūmile kwa kalumbu gwāngu kunyuma kula; Kyala, bīka nkati mu ndumbula yake, ikilo iki, lula Ulugano lwa Kyala, yula Mbepo Mwikemo gwa Kyāla, lula ulutēngāno ulu lukukīnda ukupilikisya kōsa, ukuti uswe tubagīle ukwambilila Mbepo Gwāko, ukuya mfungigwe nu Mbepo Mwikemo mpaka ilisiku lila. Une ngulonda ukunketa umwene, Ntwa, akabalilo kako uswe tufikukilania palulalo. Linga ulwēne lo—linga ulwēne lo lwāngu—linga ulwēne lo lusako lwāngu ukukilania, linga kila iki Ugwe gwalināngīsye une kyāli kyanaloliloli, kangī une ngukilania ukukilania kula, une ngulōnda ukwāgana nu mwēne kula, kangī nukumbona umwēne ukubopa nukungamata une pa kiboko, kangī kuyoba, “Nkundwe gwangu umpala, ikyēne kyāli kilo kila aka i Kindukimo kyālimbūlīle une ukufyūsya ikiboko kyāngu mmwanya, akabalilo kāko ugwe gwamalīsya ukulūmbilīla pa Būku gwa Efesi. une nnāfyūsīsye mmwanya ikiboko kyāngu, kangī i kindukimo kyābōmbigwa kwa une ukufuma pala. Apa une ndipo. Une ndinkeke lilino kwabwīlanabwīla.” Kyāla paga ikyēne kwa yula umpala.

<sup>234</sup> Bala bābo bafyūsīsya amaboko gābo ukuti abēne bafūngigwepo nu Mbepo Mwikemo, u Mbepo gwa Kyala ali pa bene, kangī abene bambilile Mbepo Mwikemo, abēne bafūngigwepo nu lugano lula ulwakyala mu ndumbula syābo. Mūmo uswe tukupālīsia Ugwe panongwa ya bēne.

<sup>235</sup> Tukusyāgānia, Tāta, ukuti panja nkīsu amatepi gisakubūka. Ifyakuyobelapo fīngi fisololīgwe ukukilania pa kigemo iki, iki kyo kikusanusya ukuti amatepo gikutēdekīgwa, gikusyumbutuka kunyuma kula, i Lisyu lisakubūkāga mfīsu ifikīndānekīndāne ukukilania ikīsu kyapāsi, ukusyungutila ikīsu kwapāsi, ifīsu malongo mabili pamo malongo matatu fisakupilikāga Ilyēne. Une ngwīputila umundu aligwesa uyu ikupilikaga itepi iyi, uyu akaya nalo ulusūbīlo lwa Būmi Syepwa,

aba bakaya nalo ulōsyō lwa Mbepo Mwikémo, ali isaga Umwēne ku ndumbula syābo nubunoge. Paga ikyēne, Ntwa.

<sup>236</sup> Kangi ngusuma une, linga une ngababonamo siku abēne mbumi ubu, akabalilo kāko une ngukilania kula nKīsu kila, abēne balibopága nu ngamata une (kangi une ngubakamata abēne, kangi abēne, uswe tukuywēga, “Nkundwe u mpala!” kwa yumo nu nnine), bikuyoba, “Une nāpilike itepi yāko pa Efesi, mūmo Kyāla āsungulile ngāni uswe ku Būmi Bwāsyépwa, kangi ikyēne kyāli pa tepi yila ukuti une nālyāmbilile i Lisyu lya Kyāla kangi nafūngigwe nu Mbepo Mwikemo ukubūka mu Kitangalala kya Kyala.” Tupaga ikyene, Tāta.

<sup>237</sup> Babumbulusyāga bōsa aba bo babine na bābabigwe. Egega ulwīmiko kwa Yuyugwe kabuno uswe tukubika kyōsa iki kwa Ugwe mu kugela kōsa mu Ngamu ya Yeso, u Mwanundumiana Gwāko. Ameni.

<sup>238</sup> Ngimba balipo balibōsa apa aba babine kangi bikulōnda ukuti amaboko gabikígwe pa bēne ukwīputilígwa? Ngimba mubagile ukufyusya ifiboko fyinu? Umma ndaga. Ngimba umwe mubagile ukwēnda kimyemye, lilino, ku kigemo papapa apa, nukwima itolo panandi, akabalilo kako Unkundwe Neville ikwisa nu kyāke . . .

<sup>239</sup> O, iki kuboneka ngati, kwīpūtíla ababine, itolo—itolokuboneka ngati ukwisa pāsa kūko ugwe umenye pāpo ugwe gwīmíle, katikati. Kyāla amēnye fyōsa ifya ikyēne.

<sup>240</sup> Akabalilo kāko une ngupilika ulwímbo lula . . . Kumbukilaga, linga umwe muli būmi akabalilo kāko une ngubūka, kuba ulu kwa une: *Itika Itolo*. Kumbukilága, une ngafwa mma, une ndisakuya kubutali fiyo ukufuma kukupilikisya ulwēne. Une ngabagile ukufwa; Yeso ālimbéle une u Būmi Syépwa; ikuyaga ukunsyusya une pisiku lyabumalikisyo; une nisakwāgána na umwe. Kangi linga ugwe kubuka, une ngwitikaga ikindu kilakila kwa umwe. Une ngusubila uswe twisakwāgana yumo nunnine kangi.

<sup>241</sup> Ngukēta, unkíkulu umpala uyu imile apa ni nywīli isyambuha. Ugwe gwe Nkristi? Gwisúsíwe na Mbepo Gwāke, kungūlila Umwēne ikwīsa, itolo gwimile panja apa kugūlila i Bwāto ukwīsa mula. Ameni. O, kalumbu . . .



*BUFWĪKĪGWE* 4 KYA60-0522E  
(Adoption 4)

IMBĀTIKĀNO SYA BUFWĪKĪGWE

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Ndungu kunamayolo, Meyi 22, 1960, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)